

劉賓客文集卷第一

正議大夫檢校禮部尚書兼太子賓客兼兵部尚書劉禹錫



松宋本

問大鈞賦

砥石賦

楚望賦

傷往賦

何卜賦

謫九年賦

望賦

山陽城賦

秋聲賦

問大鈞賦

始余失臺郎為刺史又貶州司馬俟罪朗州三見閨  
月人咸謂數之極理當遷焉因作謫九年賦以自廣  
是歲臘月詔追明年自闕下重領連山郡印綬人咸  
曰美惡周必復第行無恆歲杪其復乎居五年不得



調歲二月有事于社前一日致齋孤居慮靜滯念歛  
起伊人理之不可以曉也將質諸神乎謹貢誠馳精  
敢問大鈞其夕有遇寤而次第其詞以為賦  
圓方相函兮浩其無垠宵冥翕闢兮走三辰以騰振  
孰主張是兮有工其神迎隨不見兮強名之曰大鈞  
歌以臨下兮巍乎雄尊天為獨陽高不可問工居其  
中與人差近身執其權心乎平其運循名想象斯可以  
訊曰嘻蒙之未生其猶泥耳平堦墀唯鈞所措指忽  
然為人為率大矣工賦其形七情與俱嗇智不授卑  
之以愚坦坦之衢萬人所趨蒙一布武化為畏途人

或譽平之百說徒虛人或排之半言有餘物杜則老  
乃唯其常否終則傾亦不可長老先期而驟至予否  
踰數而巨量雖一夫失之不獲予亦大化之攸病謹薦  
誠上問予俛伏以聽是夕寢熟夢遊乎無何有之鄉  
抗陛級乎重霄亦予異人間之景光中有威神巾金甲  
而煒煌鎮命之使前予其音琅琅曰吾大化之一工也  
居上臨下廉其不平汝今有辭吾一以聽播形宵貌  
生類積億橐籥圈匡鎔鍊消息我之司智初不爾嗇  
不守以愚覆為汝賦難既賦汝形輔之聰明去盍求世師  
資適攸宜胡然抗志遐想前烈倚梯青冥舉足斯跌

韜爾智斧無為自伐鑿竅太繁天和乃洩利逞前誘  
多逢覆轍名腸內煎外火非熱今哀汝窮將厚汝愚  
剔去剛健納之柔濡塞前竅之傷痍子招太和而與  
居貫以待人子急以自拘道存靈與無示四隅軋物  
之勢不作子見傷之機自無汝不善用吾焉嗇乎且  
夫貞而騰氣者撫撫健而垂精者昊昊我居其中猶  
輪是蹈以不息為體以日新為道保鱗蜚走灌莽苞  
阜乃牙乃甲乃殛乃剖陽榮陰悴生濡死藁各乘氣  
化不以意造賦大運子無有淋惡彼多方子自生醜  
好爾矣不德余以驟壯姑尤我以速老耶觀汝百為

又或不然赤子哇哇急其能言亦既名物幾時騙躑  
春耕其丘投種之日釋耒而歎何時粟實望所未至  
謂余舒舒欲其久留謂我瞥如我一子二誰之曲歟  
彼蕪葭之蒼蒼子霜霰苦而中堅松竹之皴皴索籜  
子不若櫛筍之可憐納材葦而構明堂子固容消而  
力完揚且之哲子不可以常然當錫爾以老成蒼眉  
皓顛山立時行去敵氣與矜色子噤危言以端誠俾  
人望之侮黷不生爾之所得孰與壯多不善處老問  
余而何受教而迴濼濼形開嚮之威神孰為來我乃  
遽衣促盥端慮滌想委佩低簪持簿叩顙而言曰楚

臣天問不訓今臣過幸一獻三售始厚以愚終期以  
壽忘上問之罪濯已然之咎心憎故術腹飽新授馳  
神清玄拜手稽首于

砥石賦時在朗州

南方氣泄而雨淫地慝而傷物姬神噫濕渝色壞味  
雖金之堅亦失恒性始余有佩刀甚良至是澀不可  
拔剖其室乃出遯陽眇眇傳刀蒙脊鱗然如痛痂如  
黑子如青蠅之惡銳氣中錮猶人被病然客有聞焉  
裹密石以遺余沃之草腴雜以烏膏切劑下上真質  
焯見躊躇四顧道余周爾謝客微子之貽幾喪吾寶

容曰吾聞諸梅福曰爵祿者天下之砥石也高皇帝  
所以礪世摩鈍有是邪余退感其言作砥石賦

我有利金子以利為佩遭土卑而慝作子雄鎡為之  
潛晦如景昏而蝕既子與肌漆而為癘顧秋蓬之不  
可刺子尚可遊乎臙髀之外利物蒙蔽材人惆悵俾  
百汰之至精蟠一檢而多恙豈害氣之獨然子將久  
不試而然彼屠者之刃子獵者之鉞不灌不淬子揉  
錯銜鈆日鼓月揮子剗腴擊鮮睨燿燂以耀芒蒨淫  
夷而騰羶豈不涉暑而蒙沴子鼎用之而成妍有容  
自東遺余越砥圭形石質蒼色膩理剗其鱗皴滑以

滄漣如衣澣垢如鼎出否霧盡披天萍開見水拭寒  
焰以破皆擊清音而振耳故態復還寶心再起既賦  
形而終用一蒙垢焉何耻感利鈍之有時予寄雄心  
於瞪視嗟乎石以砥焉化鈍為利法以砥焉化愚為  
智武王得之商俗以厚高帝得之傑材以奏得既有  
自失豈無因漢氏以還三光景分隨道闊狹用之得  
人五百餘年唐風始振懸此大砥以礪兆民播生在  
天成器在君天為物天君為人天安有執礪世之具  
而患乎無賢歟

楚望賦

予既謫于武陵其地故郢之商邑與夜郎諸夷錯雜  
繫乎天者陰伏陽驕是已繫乎人者風巫氣窳是已  
囂零浮浮利于樓居城之巖譙實鄰所舍四垂無蔽  
萬景空入因道其遠邇所得為楚望賦云

翼軫之野祝融司方陰迫而專專實生沴天濡而雰  
土洩而淫氣罕泚清子淫氛曠曠中人體支子為瘡  
為瘵以曠滌煩子利居高于物外我卜我居于城之  
隅宛在藩落巖譙渠渠四阿垂空洞戶發樞眸子不  
運坐陵虛無歲更周流時極慘舒萬象起滅森來睨  
予櫺軒之外群山巖從岡陵靡陀勢若相拱出雲見

中山集 卷一 五  
惟窈蔚森聳露夕霞朝望如飛動簷廡之下大江湏  
洞支流合輸泄入雲夢羲和望舒出沒兩涯涵泳之  
族聲牙戾呀秋水灌盈漩石飄沙流枿軒昂舞于盤  
渦逮及收潦澹如綠醞白石磷磷倒影羅生蘋末風  
起有文無聲悠遠烟緜與空蒼然湘沅之春先令而  
行臘月寒盡溫風發榮土膏如濡言鳥嚶嚶三星擘  
其曉中植物颯以飄英雲歸高唐草菽洞庭日與天  
盡神將化并圓方相涵遊氣杳冥熙熙藹藹藻飾羣  
形枿樹童丘積空凝青環洲曲塘含景曜明恢台之  
氣護于春季涉夏如鑠逮秋愈熾土山焦熬止水漢

沸翔禽跼墮呀味垂翅曦赫歆蒸陽極反陰二儀交  
精下上相歆雲興天際歛若車蓋凝驢未瞬彌漫電  
靄驚雷出火喬木糜碎殷地爇空萬夫皆廢懸雷綆  
繩日中見昧移晷而收野無完塊少陰之中景物澄  
鮮丹葉星房燭耀川原夕月既望曜于丹泉上鏡下  
冰湔塵濯烟宿嚴潛芒獨行高躔皓一氣之悠然潔  
有形而溢清玄杳微明而斐疊想遊目於化先夜無  
睽以徂征金霞暈乎海壖明星方揚斜漢西懸璿柄  
如墮半沈層瀾雞啁晰而晨鳴予日荏苒以騰晶動  
植瞭予已分山川鬱乎不平復人寰之誼卑洵浩浩

以營營追向時之景光不可驟得以再更意華胥之  
夢還猶仿像而馳精日次于房天未降霜百卉猶澤  
水泉收脉故道脰音削衍為廣斥水禽嬉戲引吭伸  
翩紛驚鳴而決起拾綵翠于沙礫時時北風振槁揚  
埃蕭條邊聲與鴈俱來寒氣委積萬竅交激楚雲改  
容飛雨凝滴灑林逾響浙瀝捎檄飛電照雪以騰光  
柔蔬傲霜而秀坼躔次殊氣川谷異宜民生其間俗  
鬼言夷招三閭以成謠德伏波而構祠投秬粃反尼呂  
以鼓檝參鱣魴而如犧蟠木覲深孽祆憑之祈年去  
禱蠲歌祗威擊鼓肆筵河旁水湄薦誠致祝卻略躡

踞

躡龍動

渚居魚鱉食大掩水物畧張餌罔不可

遁伏顯舉潛緹晝撞夜觸設機沈深如拾于陸彼遊  
儵之瑣類咸跳脫於窘束雖三趾與六眸時或加乎  
一目亦有輕舟軒輕泛浮控綸徃復馴鷗相逐莫夜  
澄窅嘯歌群族愴音俚態幽怨委曲逗踈柝於江城  
引哀猿於山木巢山之徒枿木開田灼龜伺澤兆食  
而燔鬱攸起于巖阿騰絳氣而蔽天熏歇雨濡頽垂  
林巔盜天和而藉地勢諒無勞而有年罷士閑人逸  
為末作求金渚涖淘汰澆澍流注潰沱繁光熠爚貪  
賈來貿獲於懷握無翼而飛潤于豐屋晒耕耘之悒

悅徒胼胝以自鞠我處層軒日星回還閱天數而視  
民風百態變見乎其間非耳剽以臆說兮固幽求而  
縱觀觀物之餘遂觀我生何廣覆與厚載豈有形而  
無情高莫高兮九閭遠莫遠兮故園舟有楫兮車有  
轄江山坐子不可越吾又安知其所如悅臨高以觀  
物

傷往賦

人之所以取貴於蜚走者情也而誕者以遺情為智  
豈至言邪予授室九年而鰥痛若人之天閱弗遂也  
作賦以傷之冀夫覽者有以增伉儷之重云

歎獨處之邑邑子憤伊人之我遺情可殺而猶毒境  
當歡而復悲人或朝歎而莫息夫何越月而踰時太  
極運乎三辰轉寒暑而下馳有歸於無子盛復于衰  
猶昧爽之必莫又安得而怨咨我今怨夫若人子曾  
旭旦而潛暉飄零日及之萼日及槿也朝生暮落一名玉蒸爾雅倏忽  
蜉蝣之衣川走下而不還露迎暘而易晞恩已甚予  
歎絕見無期子永思我行其野農民桑者舉按來饁  
亦在林下我觀于途裨販之夫同荷均挈荆釵布襦  
羽毛之蕃鱗介之微和鳴灌叢雙泳漣漪薨薨伊蟲  
蠢蠢伊豸遊空穴深兩兩相比何動類之萬殊必雄



中山集  
雌而與俱物莫失儼以孤處我方踽踽而焉如我復  
虛室目淒涼予心伊鬱心伊鬱予將語誰坐匡牀予  
撫嬰兒何所丐沐予何從仰飴襦袴在身予昔圍蹉  
跌鞞囊附臂予餘馥歲蕤誠天性之潛感顧童心予  
如疑曉然有難繼之慕漠然減好弄之姿指遺挂予  
能認遡空帷予欲歸我入寢宮痛人亡予物改其容  
寶瑟偃予弦柱絕瑤臺傾予鏡奩空寒鑪委灰虛幌  
多風隙駒晨轉窓蟾夜遁步搖昏予網黏翡翠芳褥  
掩予塵化蛩蛩閱刀尺之餘澤見巾箱之故封玩服  
儼予猶具繁華謝予焉從想翩躚於是非求僊宰與

冥蒙信奇術之可致嗟此生予不逢徒注視以窳聽  
恍神疲而目窮還抱影以獨出紛百哀而攻中系曰  
龍門風霜苦別鶴哀鳴夜銜羽吳江波浪深雌劍一  
去無遺音悲之來予憤予心洵如行波洊浸淫悵緣  
情而莫極思執禮以自箴已焉哉苒苒生死悠悠古  
今乘彼一氣予聚散相尋或鼓而興或罷而沉以無  
涯之情愛悼不駐之光陰諒自迷其有分徒終怨於  
匪忱彼蒙莊予何人予獨累歎而長吟

何卜賦

余既幼惑力命之說予身久放而愈疑心回穴其莫

曉子將取質夫秉龜楚人俗巫而好術子叟有鬻卜  
而來思乃招而祝之曰嘻人莫不塞有時而通伊我  
子久而愈窮人莫不病有時而間伊我子久而滋蔓  
吾聞人肖五行動止有則四時轉續變於所極一歲  
之旱人斯具舟三月之熱人斯具裘極必反焉其猶  
合符予首圓而足方予腹陰而背陽胡形象之有肖  
而變化之殊常經曰剝極則賁居賁而未嘗剝者其  
誰否極受泰居否而未嘗泰者又其誰鶴胡不截鳧  
胡不禪夔何罰而蹉躅虻何功而扶持紛紜恣睢交  
作舛馳似予似奪似信似欺孰主張之問于子龜卜

者曰招我以粗問我以微有天下之是非有人人之  
是非在此為美子在彼為嗤或昔而成或今而虧君  
問曷由主張其時時乎時乎去不可邀來不可逃淹  
兮孰捨孰操豕喙之毒莖鷄首之賤毛各於其時  
而伯音霸其曹屠龍之伎非曰不偉時無所用莫若履  
豨作備之工非曰可珍時有所用貴於斷輪絡首縻  
足子驥不能踰跬前無所阻子跛鼈千里同涉于川  
其時在風沿者之吉泝者之凶同藝于時其時在澤  
伊種之利乃穆之厄故曰是邪非邪主者時邪諒泚  
惡之同出于顧所丁之若何夫如是得非我美失非

我耻其去曷思其來曷期姑蹈常而俟之夫何卜為  
言訖執龜而起予退而作何卜賦於是蹈道之心一  
而俟時之志堅內視羣疑猶冰釋然

謫九年賦

古稱思婦已歷九秋未必有是舉為深愁莫高者天  
莫濬者泉推以極數無踰九焉伊我之謫至於數極  
長沙之悲三倍其時廷尉不調行當跋而天有寒暑  
閏餘三變朝有考績明幽三見顧堯之民予亦昏墊  
而有歎歎息予倘伴登高高子望蒼蒼突弁之夫我  
來始黃合抱之木我來猶芒山增昔容水改故坊童

者鬱鬱而涸者洋洋天覆地生翁子無傷彼族而居  
鄉之投荒彼軒而遊昨日桁楊信及澤濡俄然復常  
稽天道與人紀咸一債而一起去無久而不還夢無  
久而不理何吾道之一窮子貫九年而猶爾噫不可  
得而知庸詎得而悲苟變化之莫及子又安用夫肖  
天地之形為

望賦

邈不語子臨風境自外子感從中晦明轉續子八極  
鴻濛上下交氣子群生異容發孤照於寸眸驚遐情  
乎大空物乘化子多象人遇時子不同嗟乎有目者

必騁望以盡意當望者必緣情而感時有待者瞿瞿  
忘懷者熙熙慮深者矐然若喪樂極者冲然無違外  
徒倚其如一中糾紛子若斯望如何其望最樂晞慶  
霄子遡阿閣如雲子天顏咫尺如草子臣心踊躍扇  
交翟子歲蕤旗升龍子蠖略日轉黃道天開碧落凝  
瑞景於庭樹掬非烟於殿幕望如何其望且懽登灞  
岸子見長安紛擾擾子紅塵合鬱蔥蔥子佳氣盤池  
象漢子昭回城依斗子闌干避御史之驄馬逐倖臣  
之金丸望如何其望攸好宗萬靈子越四隩漢帝仙  
臺子秦皇海嶠霓衣踴于河上馬跡窮乎越微紫氣

度關而斐壘神光屬天而照耀皖脊脊以馳精聳專  
專而觀妙望如何其望有形視蠢蠢子窮冥冥楚塞  
氛惡子蕭關燧明暈籠孤月角奮長庚沙多似雪磧  
有疑城烟雲非女子之氣草木盡王者之兵審曳柴  
之虛警破米馳之先聲信有得於風鳥示無言於旆  
旌望如何其望且慕恩意隔子年光度雕輦已辭子  
金屋何處長信草生子長門日莫徯翠華之儻來仰  
玄天以自訴况復湘水無還漳河空注淚染枝葉香  
餘紈素風蕭蕭子北渚波烟漠漠子西陵樹夫不歸  
子江上石子可見子秦原墓拍琴翻朔塞之音挾瑟

指邯鄲之路望如何其望最傷侯環玦子思帝鄉龍  
門不見子雲霧蒼蒼喬木何許子山高水長春之氣  
子說萬族獨含嘔子千里目秋之景子懸清光偏結  
情子九回腸羨環拱於白榆惜馳暉於落棠諒衝斗  
子誰見伊戴盆子何望鬻豈止蘇武在胡管寧浮海  
送飛鴻之滅沒附陰火之光彩鶴頸長引烏頭未改  
恨已極子平原空起何時子東山在永望如何傷懷  
孔多降將有依風之感宮人成憶月之歌歌曰張衡  
側身愁思久王粲登樓日回首不作涓濱垂釣臣羞  
為洛陽拜塵友

### 山陽城賦

山陽故城遺趾數雉四百之運終於此墟商孫作賦  
蓋閔漢也詞曰

我止行車賈涕于山陽之墟是何蒼莽與慘悴春陵  
之氣子焉如踣昌運於四百辭至尊而伍匹夫有利  
器而倒持子曾何芒刃之足舒懿王迹之聲基暨坤  
維之再敷邈汜陽與鄗上悅蛇變而龍攄痛人亡而  
事替終此地焉忽諸嗟乎積是為治積非成虐文景  
之欲處身以約播其德牙迄武乃獲桓靈之欲縱心  
於昏熱其妖焰速獻而焚彼伊周不世子奸雄乘釁

而騰振物象灌以易位被虛號而陽尊終世殫而事  
去胡竊揖讓以為文嗚呼維神器之至重予蓋如山  
之不騫使人得譬乎逐鹿固健步者所先諒人事之  
云爾孰云當塗之兆也自天亂日久矣莫可追陞彼  
墟予噫嘻獨遺武子貽後王之元龜

秋聲賦

相國中山公賦秋聲以屬天官太常伯唱和俱絕然  
皆得時道行之餘興猶有光陰之歎况伊鬱老病者  
乎吟之斐然以寄孤憤  
碧天如水子宵宵悠悠百蟲迎莫子萬葉吟秋欲辭

林而蕭颯潛命侶以啁啾送將歸子臨水非吾土子  
登樓晚枝多露蟬之思夕蔓起寒螿之愁至若松竹  
含韻梧楸蚤脫驚綺疏之曉吹墮碧砌之涼月念塞  
外之征行顧閨中之騷屑夜蛩鳴子機杼促朔鴈叫  
子音書絕遠杵續子何泠泠虛窓靜子空切切如吟  
如嘯非竹非絲當自然之宮徵動終歲之別離廢井  
苔合荒園露滋草蒼蒼子人寂寂樹槭槭子蟲唧唧  
則有安石風流巨源多可平六符而佐主施九流而  
自我猶復感陰蟲之鳴軒歎涼葉之初墮異宋王之  
悲傷覺潘郎之么麼嗟乎驥伏櫪而已老鷹在韝而

有情聆朔風而心動  
眄天籟而神驚  
力將瘵子足受  
繼猶奮迅于秋聲

劉賓客文集卷第一

劉賓客文集卷第二 碑上

代郡開國公王氏先廟碑 彭陽侯令狐氏先廟碑

高陵縣令劉君遺愛碑 故吏部侍郎奚公神道碑

代郡開國公王氏先廟碑

唐制五等有爵服而無山川登于三事得立四廟備物崇祀以交神明敬先報本以輔孝治有國之令典也維長慶三年前相國王公始卜廟于西京崇業里公時鎮劔南東川上章曰臣涯官秩印綬品俱第三請如式以奉宗廟制曰可是歲仲冬申命長男孟堅祔其主于三室明年公入為御史大夫復以十二月



躬行烝祭間歲公出梁州就拜司空禮崇異數廟加  
祀室大和二年增新室既成祔顯考于尊位告饗由  
禮觀之者以為世程第一室曰上儀同幽州別駕府  
君諱元政以妣博陵崔氏配第二室曰湖州安吉縣  
令贈尚書刑部員外郎府君諱實以妣贈扶風縣太  
君馬氏配第三室曰朝散大夫青州司馬贈戶部侍  
郎府君諱祚以妣贈武威郡太夫人賈氏配第四室  
曰温州刺史贈太尉府君諱冕以妣贈魯國太夫人  
博陵崔氏配初周靈王太子晉遇浮丘公化為神僊  
時人號曰王家其後遂以命氏顯於秦者曰翦三世

將秦師子孫分居晉代間東漢有徵君霸霸孫甲亦  
號徵君徙居祁縣為著姓故至于今為太原人自漢  
涉魏益以熾昌凡十葉至後魏度支尚書廣陽侯罔  
廣陽有二子神念神感神念南奔梁神感北仕齊惟  
儀同府君廣陽侯五代孫也唐興于太原實從義旗  
佐成王業故有開府儀同之寵惟刑部府君以功臣  
子理二邑不躋貴仕故有錫羨後大之祥惟戶部府  
君幼孤以孝聞於鄉曲未冠以文售於有司由前進  
士補延州臨安縣主簿會詔徵賢良策在甲科授瀛  
州饒陽尉歲滿遷渭南天后在神都而東畿差重遂

由渭南轉河陽適逢建萬象神宮旬內吏分董其役  
因上書切諫繇是名益聞開元初以大理司直馳輶  
車聯讞大獄閩禹朔漠所至決平蚤以樂棘傷生晚  
成劇恙樂就夷曠故不至大官惟太尉府君生於治  
平時以文學自奮年十有五貢然從秋賦明年春升  
名于司徒又一年玄宗御層樓發德音懸文詞政術  
科以置髦士府君策最高授太常寺大祝未幾復以  
能通道德南華冲虛三真經進蓋屋尉天寶中歷右  
拾遺左補闕禮部司駕二外郎屬幽陵亂華遣兵南  
服因佐閩粵改檢校比部郎中行軍司馬時中原甫

寧江南為吉地二千石多用名德乃以府君牧溫州  
朝廷虛公卿以俟高第及聞訃永嘉人輟春罷社搢  
紳間以不淑相弔焉雖位負于道而邁德垂矩後之  
人得以續承丕揚之其儲休啓祐有自云爾生三子  
皆聰明絕人長曰洎以神童仕至檢校禮部郎中次  
曰潔以奇文仕至國子司業今代郡公實季子也蚤  
在文士籍射策連中咸世其家貞元中德宗聞其名  
自藍田尉召入禁中視草厥後三典書命再參內廷  
憲宗器之付以國柄翊贊有道雖冊免常居大僚今  
年自梁州請覲上思用舊臣為羽儀遂領太常其公

中山集 卷二  
府如故以一心事六君顯官重務靡不揚歷且夫起諸生至三公而心愈卑道益廣出授黃鉞以伯諸侯入服華章以謁家廟追崇極大位血食備多室享全祭而奉昭薦嗚呼公侯之孝歟宜書廟器以視喬公之三鼎其辭曰

閔宇神庭邃清而嚴上公之儀四室耽耽犧以潔牲案以大禋交神尚敬合魄尚氣子姪宗工駿奔奉事副筭侈袂儼恪居次孝孫兢兢執爵而升以裸以濡以伏以興水陸具來羶薌畢登列于園方其器增增乃禴乃嘗敬而追遠二昭二穆孝以尊本瞻瞻几幄

躅躅堂相禮成起慕涕落玄衣濡露踐霜誰無永懷不如達者哀與榮偕逢時奮庸誰不得位不如仁人以道為貴惟公之達芳名以顯親惟公之仁芳德以澤身六朝之清臣一代之全人宜其世家翼翼振振罔不肅祇于廟之門

彭陽侯令狐氏先廟碑

今上元年七月十三日汴州刺史宣武軍節度副大使知節度事汴宋亳等州觀察處置使銀青光祿大夫檢校禮部尚書兼御史大夫上柱國彭陽縣開國伯令狐公西嚮拜章上言守臣楚蒙被恩澤列為先

侯得立家廟以奉當祀制書下其奏于有司於是善相考祥得地於京師通濟里居無何新廟成公以守藩故申命季弟監察御史定卜牲練日越八月丁亥祔饗三室埴墉以尚幽設幄以迎精禮無尤違神用寧謐第一室曰秦州上邽縣尉諱睿以妣太原王氏配第二室曰綿州昌明縣令贈吏部尚書諱崇亮以妣贈太原郡夫人河東柳氏配第三室曰太原府功曹參軍贈太子太保諱承簡以妣贈魏國太夫人富春孫氏配明年十月公由浚郊以介圭入覲真拜戶部尚書進爵為魯侯既辭戎旃得以列侯謁三廟是

歲南至上不視朝又得以時展祭先期致齋栗然以敬既齊盡志歆然永思奉其百順陳以具物始躋而處恭終獻而汎瀾既卒事顧麗牲之石宜有刊紀乃俾家老授其謀于所知云令狐晉邑也晉大夫魏顓以輔氏之功始封焉其易名曰文國語所謂令狐文子是已其先周文王之昭畢公高之裔畢萬為晉卿始封于魏自萬至顓蓋四世其後三十七世藍田侯蚪仕拓跋魏為燉煌郡太守子孫因家遂占數為郡人藍田之孫熙在隋為納言惟上邽府君納言之玄孫道克肖而位不至惟尚書府君西州之右族光未

耀而德已基惟太保府君志為君子儒以經明居上第調補陽安縣主簿歷正平尉汾州司法參軍陝州大都督府兵曹終于太原府首掾始以顯經進既仕旁通百家愛穀梁子清而婉左丘明國語辨而工司馬遷史記文而不華咸手筆朱墨究其微旨愷悌以肥家信誼以急人德充齒耄獨享天爵故休祐集于身後徽章流乎佳城凡以子貴承澤降命書告第者始贈尚書祠部郎中再贈禮部尚書三加右僕射四為今稱一作四進太保五為上公先夫人亦四徙封密印纍纍邦族聳慕生三子皆才彭陽公為嗣次子從端實肅給

今為檢校膳部郎中參河東軍事季子前所謂監察御史今王柱下方書溫敏而有文綽綽然真令兄弟唯彭陽以詞筆取科名累參侍從由博士主尚書牋奏典內外書命遂登樞衡言文章者以為冠擁節總戎率身和衆留惠于盟津變風于浚都言方略者以為能夫浚師嘆喑難治乘釁竊發寢成習俗莅止五載飲和革心束馬來朝熊羆隕涕問公還期觴必祝之留為常伯旋命居守汴人聞公之東近而愈懷翹翹瞿瞿盡西其首言遺愛者可紀焉貴而率禮老而能慕休惕乎霜露齋莊乎廟祧睦其仲季施及鄉黨

言孝悌者歸厚焉勒銘于碑以代夷鼎文曰  
已孤之孝莫如備物顯顯新廟四阿三室時惟仲月  
卜用柔日醴醎苾芬牲牲牲博膾籩飩在堂蕭管在庭  
孝孫丞丞躬若奉盈低簪委紳薦俎登鉶躬蟹交感  
涕流緣纓禮以備儀誠以致美祖考來格錫之丕祉  
工祝告訖退循軒阼乃授風人作詩以紀猗歟彭陽  
之寵光佐憲皇穆穆皇皇西省東臺迭為侍郎國之  
大政咨爾平章敬宗凝旒俾鎮雖丘入為地官今守  
東州彭陽之忠厚宜介福以壽東郊既釐可復朝右  
縣縣其胄系于周舊由我顯起必昌其後大和紀元

作廟之首刻碑廟門龍集巳酉

高陵令劉君遺愛碑

縣內之大夫鮮有遺愛在其去者蓋邑居多豪政出  
權道非有卓然異績結于人心決于骨髓安能久而  
愈思大和四年高陵人李士清等六十三人思前令  
劉君之德詣縣請金石刻縣令以狀申府府以狀考  
于明法吏吏上言謹按寶應詔書凡以政績將立碑  
者其具所紀之文上尚書考功有司考其詞宜有紀  
者乃奏明年八月庚午詔曰可今書其章明有以結  
人心者揭于道周云涇水東行注白渠醜而為三以

中山集 卷三  
沃關中故秦人常得善歲按水部式決洩有時畎澮  
有度居上游者不得擁泉而顛其腴每歲少尹一人  
行視之以誅不式兵興已還寢失根本涇陽人果擁  
而顛之公取全流浸原為畦私開四竇澤不及下涇  
田獨肥它邑為枯地力既移地征如初人或赴訴泣  
迎尹馬而占涇之腴皆權倖家榮勢足以破理訴者  
覆得罪繇是咋舌不敢言吞寃銜忍家視孫子長慶  
三年高陵令劉君勵精吏治視人之瘼如燹疽在身  
不忘決去乃循故事考式文暨前後詔條又以新意  
請更水道入于我里請杜私竇使無棄流請導田令

使無越制別白纖悉列上便宜掾吏依違不決居二  
歲距寶曆元年端士鄭暉為京兆秋九月始具以聞  
事下丞相御史御史屬元谷實司察視持詔書詣渠  
上盡得利病還奏青規中上以谷奉使有狀乃俾太  
常撰日京兆下其符司錄姚康士曹掾李紹實成之  
縣主簿談孺直實董之冬十月百衆雲奔憤與喜并  
口謠手運不屑蓐鼓揆功什七八而涇陽人以竒計  
賂術士上言田白渠下高祖故墅在焉子孫當恭敬  
不宜以畚鍤近阡陌上聞命京兆立止絕君馳詣府  
控告具發其以賂致前事又謁丞相請以顛血汚車

茵丞相彭原公歛容謝曰明府真愛人陛下視元元無所恡第未周知情僞耳即入言上前翌日果有詔許訖役仲冬新渠成涉季冬二日新堰成駛流渾渾如脉宣氣蒿荒漚冒迎耜澤澤音澤開塞分寸皆如詔條有秋之期投鍾前定孺直告已事君率其寮躬勞俸之烝徒謹呼奮襍襖而舞咸曰吞恨六十年明府雪之擿姦犯豪卒就施為嗚呼成功之難也如是請名渠曰劉公而名堰曰彭城按股引而東千七百步其廣四尋而深半之兩涯夾植杞柳萬本下垂根以作固上生材以備用仍歲旱沴而渠下田獨有秋渠

成之明年涇陽三原二邑中又攤其衝為七堰以折水勢使下流不厚君詣京兆索言之府命從事蘇特至水濱盡撤不當攤者絲是邑人享其長利生子以劉名之君諱仁師字行輿彭城人武德名臣刑部尚書德威之五代孫大曆中詩人商之猶子少好文學亦以籌畫干東諸侯遂參幕府歷尹劇縣皆以能事見陟率不時而遷既有績于高陵轉昭應令俄兼檢校水曹外郎充渠堰副使且錫朱衣銀章計相愛其能表為檢校屯田郎中兼侍御史幹池鹽于蒲錫紫衣金章歲餘以課就加司勳正郎中執法理人為循



吏理財為能臣一出於清白故也先是高陵人蒙被  
惠風而惜其捨去發於胸懷播為聲詩今采其旨而  
變其詞志于石文曰

噫涇水之逶迤溉我公兮及我私水無心兮人多僻  
銅上游兮乾我澤時逢理兮官得材墨綬繁兮劉君  
未能愛人兮恤其隱心既公兮言既盡縣申府兮府  
聞天積憤刷兮沉疴痊劃新渠兮百畎流行龍蛇兮  
止膏油遵水式兮復田制無荒區兮有良歲嗟劉君  
兮去翱翔遺我福兮牽我腸紀成功兮鐫美石求信  
詞兮昭懿績

唐故朝議郎守尚書吏部侍郎上柱國賜  
紫金魚袋贈司空奚公神道碑

嗚呼有唐清臣尚書吏部侍郎奚公貞元十五年十  
月甲子薨于位詔贈禮部尚書太常考行謚曰某是  
歲臘月丁酉葬于萬年縣之某原後三十有四年子  
為諸侯為大夫門戶有煒於是門下生琢石紀德揭  
于我阡云公諱陟字殷衡其先在夏為車正以功封  
于薛下故以降為譙郡人或因仕適楚復之秦今為  
京兆人隋唐之際再世以明經為博士家有賜書曾  
祖簡亦以文學為太子司議郎大父乾繹仕至光州

刺史烈考諱某有道而尚晦終徐州司功參軍贈和州刺史由子貴也天以大運生萬物而以正氣鍾賢人至和來宅其德乃具公實有焉幼而擢陵茗之秀長而成清廟之器羣倫月旦咸以第一流處之及從鄉賦暨升名太常果居上第明年詔郡國徵賢良設四科以盡材公居文詞清麗之目授弘文館校書郎時德宗新即位聲怛虜庭西戎畏威底貢內附詔諫議大夫崔河圖持節即虜帳以報之使臣欲盛其賓寮以自大遂嘿表公為介換大理評事除書到門公方為人子不敢許以遠稱病弗果行歸寧壽春養志

盡敬丞相楊炎勇於用才擢公為左拾遺奉安輿而西未幾再集荼蓼居後喪將闋是歲建中四年京師急變黃屋順動狩于巴梁公徒行間道以歸王所既中月而詔授起居郎充翰林學士創鉅愈遲病不拜職改太子司議郎從大駕回入尚書為司金元士且參權筦之務有頃持愍冊宣恩于薊門將行錫銀朱於青蒲上復命稱旨轉吏部外郎是曹在南宮為眉目在選士為司命公執直筆閱簿書紛拏盤錯一瞬而剖時文昌缺左右丞都曹差重遂轉左司郎中尋遷中書舍人執事者緊公識精以斟酌大政非獨用

文飾也會江淮間民被水禍上愍焉特命公宣撫之  
許以便宜及物赤車所至如東風變枯條其利病復  
奏咸可轉刑部侍郎時主計臣延齡以險刻貴倖而  
與京兆尹相惡以危事中之尹坐譴已又逮繫其吏  
峻繩之事下司寇主奏議者欲文致而甘心焉公侃  
然持平挫彼嶽嶽君子聞之善其知道不私刑曹既  
清以餘刃無領選事居一年授權知吏部侍郎又一  
年即真是秩言能審官者本朝有裴馬盧李四君子  
物論以公媿焉時得疾發癰有國醫方直禁中上促  
遣如第且救之曰某賢臣也悉術以治之及有司以

不起聞上震悼加等公娶琅邪王氏石泉公之曾孫  
友瑁皆一時彥士長子某蚤不祿第二子敬則歷太  
僕少卿今為濮州刺史兼御史中丞賜金紫以連最  
就加貴秩俾視九卿第三子敬玄以詞執似續登文  
科歷左補闕今為尚書刑部郎中第四子昊舉進士  
最小子某咸砥礪纂修宜為名公家子其邁德垂裕  
之光乎公少以名器自任及顯達急於推賢視其所  
舉則在西省薦權丞相由右史掌訓詞在中銓表揚  
僕射由地曹郎綜吏部二公後為天下偉人凡執文  
章權衡以揣量多士一入中禁考策詞三在天官第

章句披沙剖璞由我而顯者落落然居多推是風鑒  
移于大治則鎔範之內無非祥金嗟乎天不遐其福  
而孤民望使由庚之什不作於貞元中惜也初公既  
齊終詔贈大宗伯後以第三子在郎位被霈澤再追  
褒至司空故昔之葬儀用常伯而今之碑制用三公  
云銘曰

仁麟智龍為瑞一辰未若君子瑞于人倫惟唐德宗  
道穎漢宣責實繩下風稜言言公丁斯時籍在雋賢  
從難表節執羈而還帝曰汝器黃流瑟然可為大依  
左右化源乃飾王度乃馳輶軒既執刑柄亦操吏權

陽和熙熙貯在顏間守法持正疑如秋山火不侵王  
倖臣畏服鳳鳴祥烟鳥噪佞跽帝方倚用天不假年  
公寐無寤其名愈遠門人違者赤舄玄袞公居甚卑  
其德愈尊兩子朝服駢驅朱輪佳城何在胄貴之里  
螭首龜趺德輝是紀嗚呼後人下拜于此

劉賓客文集卷第二



劉賓客文集卷第三 碑中

唐故福建都團練觀察使薛公神道碑

許州文宣王新廟碑

唐故兼御史中丞贈太師崔公神道碑

唐故宣歙池都團練觀察使王公神道碑

唐故邠寧節度使史公神道碑

唐故福建等州都團練觀察處置使福州

刺史兼御史中丞贈左散騎常侍薛公神

道碑

薛在三代為侯國介于鄒魯間傳世三十有一為齊



所并其公子犇楚錫土田于沛漢末避仇之成都曹  
魏平蜀徙家汾陰遂為河東臨晉人自奚仲為夏車  
服大夫距今數千年乘軒服冕奕冠世言氏族者  
署為關內甲姓天意若曰始有功於車服錫爾子孫  
世世有之公諱蹇字某曾祖寶胤以名家子且有學  
行歷尚書郎雖州司馬邠州刺史王父繪有雋材刺  
三郡金密縣皆以治聞累績至銀青光祿大夫封龍  
門侯烈考承矩以文止害仕至大理丞公幼承前人  
之覆露補崇文生歲滿得調主簿書于毫之譙苦二  
邑又尉于東畿之河清貞元中上方與丞相調兵食

思得通吏治而習邊事者計相以公為對乃授監察  
御史裏行充京兆水運使局居鴈門主穀糴具舟楫  
募勇壯且便弓矢者為榜夫千有餘人隸尺籍伍符  
制如舟師詔以中貴人護之聲震塞上每發粟沂河  
北行涉戎落以饋緣邊諸軍及乘障者雖河塞回遠  
必克期如合符一歲中省費萬計累加侍御史內供  
奉賜飛魚袋有司條白其勞入拜殿內史未幾淮海  
節將以戎倅缺聞事下丞相御史擇可者僉曰公政  
事已試遂授檢校戶部外郎兼御史淮南軍司馬尋  
轉駕部郎中錫以金紫遇府遷申命真相趙國公帶

中書侍郎代之公主行臺留務趙公文茵及境視置  
郵供帳及郊視將迎部伍下車視簾幃器備乃曰信  
奇才也此不足以展驥朝廷知之擢為泗濱守既報  
政就加御史中丞俄遷福建都團練觀察使閩有負  
海之饒其民悍而俗鬼居洞若音寨家桴筏者與華言  
不通公兼戎索以治之五州民咸說元和十年某月  
某日薨于位年六十七贈左散騎常侍夫人趙郡李  
氏無兒蚤世繼夫人隴西李氏檢校禮部尚書河東  
節度使說之女生子凝為嗣季子茂弘以諸侯禮儀  
返葬故里蛾眉原從周也後二十有三年元日開成

凝為平盧從事謹按令甲龔碑石來乞詞以垂于後  
父初公治粟于朔陲愚方冠惠文冠察行馬外事聆  
風相厚謂可妻也以元女歸之明年愚入尚書為郎  
職隸計司因白計相召公來會府行有日矣遇內禪  
惟新愚以緣坐左貶間關外役竟不克面然而公之  
德善灌注心耳孝悌為根砥誠明枝葉之直方為天  
質禮讓緣飾之所至藹然繇此道也公初下世故人  
丞相李大師誌其墓其略曰弘深莊重幹敏絕人此  
與遊者傳信之詞也豈誣也哉故作銘曰

河汾齋淪鼎氣歆雲散為昌光凝為賢人常侍之生



其宗孔碩從祖昆弟說說三百文館入仕幽龍未光  
尺木為階欻然欲翔司會知材績宣朔方邊師萬喉  
俟我羸糧泝于黃河路出戎疆募乃勇士阜衣挽航  
膺索臂孤穹廬在旁虜聞公名憚不敢攘安北以南  
列城相望率有儲待皆成金湯入居殿中分巡輦下  
淮海軍大往為司馬軍中之治可移諸民乃牧于泗  
乃廉于閩閩悍而囂夷風脆急恩信綏之安然如塾  
閩方不淑天奪其福公薨于寢玄頰以復天王廢朝  
贈之金貂莓莓晉原鬱矣中條大墓舊阡松楸蕭蕭  
笳鼓以歸德音孔昭

許州文宣王新廟碑

歲在丙辰元日開成許州牧尚書杜公作文宣王廟  
暨學舍于允隅革故而鼎新也前年公受社與鉞且  
董淮揚汝南之師八月上丁釋菜于宣父之室陋宇  
荒階不足回旋已事而歎乃詢黃髮有鄉先生前致  
辭曰自盜起幽陵許為兵衝連戰交猝率無寧歲耳  
說鉦鼓不聞弦歌目不知書不害為智爾來生聚教  
養起居祖習壹出於軍容今幸天子憐許民為擇賢  
侯此人人思治之時也公曰諾吾當先後之於是元  
年修戎律以通衆志次年成郡政以蠲民瘼季年崇

教本以厚民風我言既從乃卜新宮湫水之瀕城池  
在東登登其杵坎坎其斧繩之墨之鑿枘枝梧載堅  
載塗黝馬陵虛寢廟弘敞齋宮嚴闕軒墀廡儼雅  
清潔門庭墻仞望之生敬外飾觚稜中設黼幄嚮明  
當宁用玉禮也堯頭禹身華冠象佩之容取之自鄒  
魯及門覩輿偶形畫像之儀取之自太學尊彝籩豆  
青黃規矩之器秉周禮也犧牲制幣薦獻陞降之節  
遵國章也藏經于重檐斂器于庋積講筵有位鼓篋  
有室授經有博士督課有助教指蹤有役夫灑掃有  
廟幹公又割隙地為廣圃蒔其柔蔬而常菹旨蓄之

禦備捨己俸為子錢權其孳贏而鹽酪釭膏之用給  
濟濟莘莘化行風驅家慕恭儉戶知敬讓父誨其子  
兄規其弟不遊學堂與撻市同繇是縻勇爵戴鶡冠  
者徃徃弭雄姿而觀習禮矜甲冑者知根於忠信服  
縵胡者不敢侮逢掖教化之移人也如置郵焉冬十  
一月許人以新儒宮成來告且乞詞欲行乎遠也公  
名宗字永裕故丞相岐國公之孫岐公弼諧三帝碩  
學冠天下嘗著書二百餘篇言禮樂刑政古今損益  
統名曰通典藏石室副行人間今孝孫聿脩之刑  
手事業播于聲詩懿哉能世其家也禹錫昔年泰岐

公門下生四參公府近年牧汝州道許昌躬閱其政  
故不得讓遂銘于麗牲之碑銘曰

許分韓魏四征之地兵興已還其鬪嘖嘖亦有儒宮  
軋于兵間賢侯戾止思樂泮水俾人向學王化之始  
便地爰相新規鬱起廟貌斯嚴堂皇有煒秩秩禮物  
祁祁胄子入于門牆如造闕里春誦夏弦載颺淑聲  
風于閭閻浹于郊垌途讓班白家尊父兄與化而遷  
其猶性成昔之委巷相詬交侮今逢親戚不道媒語  
昔之連營誇力使酒今遇賓客斂容拱手魯有泮林  
鳥革其音許崇學敷民說其教鐫于圭石以志新廟

唐故朝散大夫檢校尚書吏部郎中兼御  
史中丞賜紫金魚袋清河縣開國男贈太

師崔公神道碑

太師名儁字某清河東武城人太公望既封于營丘  
子伋嗣侯伋之孫曰穆伯食邑于崔遂以為氏後十  
四世至秦末東萊侯意如東萊之子伯基始居清河  
又十五葉生琰為魏名臣又九葉生休仕後魏為七  
兵尚書七兵之弟曰寅為樂安太守公即樂安八代  
孫始以門子補鄭州參軍力行好學於子道以孝聞  
處伯仲間以友聞讀易至編絕以精義聞至德中戎

羯猾夏王師出征公少有奇志思因時以自奮乃作  
伐鯨鯢賦上獻既聞爾矣果器之會第五丞相以善  
言利得幸盡付利權始有鹽鐵使之目慎選察屬表  
公為介轉臨晉縣丞處繁應卒鉅刃不頓府罷再遷  
至太子司議郎韓晉公時為戶部侍郎掌邦賦急於  
用材薦公為監察御史主河東租庸之務尋轉侍御  
史充京東平糶使建中初德宗始親萬機儲精治本  
有漢宣與我共理之歎謂大臣求可當良二千石者  
遂以公帶本官權知袁州刺史期月有成詔書顯揚  
就加真秩益以金紫居無何韓晉公為丞相制國用

思公前績乃傳召之抵京師授檢校戶部郎中兼侍  
御史幹池鹽于蒲修牢盆謹衡石煎和既精飴散乃  
盈商通而荐至吏懼而循法民不結網而國用益饒  
歲杪會其所入贏羨什百詔下褒其能轉吏部正郎  
兼御史中丞且加五等之爵方倚以重任天富其材  
而不遐其福享齡六十有五貞元七年某月某日邁  
疾終于治所止關悼之因降愍冊贈鄭州刺史資錢  
三百萬以備飾終之禮明年某月某日返葬于成周  
之偃師從世墓也累贈至大師夫人隴西李氏汾州  
司倉參軍咸一之女生才子六人長曰邠及公時已

為左拾遺後至太常次曰鄴至太府卿次曰鄴至外  
臺尚書次曰郇今為廷尉次曰鄴至執金吾季曰鄴  
今為太常卿同中書門下平章事惟夫人姑臧冠族  
以蘋蘩組紉輔佐君子為令妻積三十餘年以慈儉  
心厚訓誡諸子為賢母二十有三年當永貞初順宗  
踐祚澤流自葉長子邠時為詞臣草冊書以文當進  
階遂上疏乞移榮於親優詔允之特封清河郡太君  
士林聳慕皆自痛其不及邠為太常鄴為大農咸白  
髮貴緩以奉膳羞諸季各以簪裾給事左右愉愉然  
先意無違言世榮者舉無與比以子貴累封贈至涼

國太夫人元和八年三月十六日捐館舍壽七十有  
九是歲十月某日合祔惟太常及尚書暨今相國皆  
自中書舍人為禮部侍郎凡五貢賢能書得士百四  
十有八人言兄弟者許為人瑞崔氏之門六人皆入  
文昌宮其間三人歷八侍郎統而論之三大卿兩連  
率二翰林學士一執金吾言冠冕者許為世雄與姑  
臧李范陽盧世為婚媾入于姻黨無第二流言門閥  
者許為時表太常二子亦以才能同入尚書璜為吏  
部郎璿為司勳郎其它支孫未登金閨籍者說說然  
魚貫而進文業甚似而孝謹不衰猗歟君子之澤其

所從來遠而有光乎開成己未歲七月甲辰相君受  
詔于明庭始操國柄仲月奉嘗事于家禮成起慕悃  
然永懷曰古者卿大夫廟有鼎墓有碑皆銘之以紀  
先德也今備位宰相敢不敬前人之耿光乃俾家老  
條白事功咨於學古者徵其詞尚信也又命宗祝卜  
柔日告于廟盡誠也儀甚備而敬有餘斯所謂達禮  
之君子遂刊勒如式揭于道周銘曰

奕奕四姓崔為之冠瞻其門墻倬若雲漢善積家肥  
子孫多材如彼棗棟必生徂徠太公之後彌二千祀  
炯如貫珠焯見圖史顯允太師丕承德基構于其堂

亦既暨茨生逢艱虞戎夏交師獻賦伐叛忠存乎  
兵興事叢飛輓四馳歷踐劇職視屯如夷乃主平糶  
乃分竹使治粟為邦其道一致蒲實近地鹽為利泓  
使車來思剗弊立程吏廉商通歲倍其贏奏課連最  
德音褒明就加執法好爵無榮天賦之才不與壽并  
生樹德本沒揚淑聲上聞軫懷侑樂為停贈襚之禮  
侔于公卿萬石貽訓根於孝友太丘種德乃稔身後  
家有令子妻為壽母三十餘年人倫之首六子來侍  
如龍如虎衆婦來饋維筐及筥佩玉鳴環交響庭戶  
申申秩秩歡不踰矩昔為甲族今為興門天爵人爵

蔚然兩尊先德蔭之黜如重雲孕和含粹濯潤本根  
景毫之原圖書之川陽陵帝壇旁礪回環世安其神  
世嗣其賢聆德風者拜于碑前

唐故宣歙池等州都團練觀察處置使宣  
州刺史兼御史中丞贈左散騎常侍王公

神道碑

常侍諱質字華卿始得姓自周靈王太子晉賓天而  
僊時人曰王子因去姬為王氏自秦漢以還世多顯  
名由今而上十有一代名傑仕元魏為并州刺史子  
孫因家遂為太原祁人并州六代孫名通字仲淹在

隋朝諸儒唯通能明王道隱居白牛谿游其門皆天  
下雋傑著書行於世既沒謚曰文中子文中生福祚  
為蔡州上蔡主簿上蔡生勉舉進士徵賢良皆上第  
仕至河中府寶鼎令寶鼎即公之曾祖也祖諱怡渝  
州司戶參軍考諱潛揚州天長縣丞贈尚書吏部郎  
中公其季子也始文中先生有重名於隋末其弟績  
亦以有道顯於國初自號東臯子文章高逸傳乎人  
間議者謂尤以大中立言第游方外遂性二百年間  
君子稱之雖四夷亦聞其名字公雅有遠志常自忖  
度我大名之後不宜無見焉遂力學厚自淬琢於春

秋得其公是於禮得之約僑居澠水上躬督穡事善積於已而淮楚間羣彥多與之游公歎然自少無進取意與游者激之曰卿文儒家子篤志如是盍求發聞去聲俾家聲不頽今夫以文學苦洋當世者誰如華卿庸自棄耶入謀于閨門咸以外言為是因決策而西在貢士籍天和內充不以時尚屑意角逐攻取初無此心如楸楠生于深林未始自貴而度材者一眄歆然在懷故以不爭而速售既登第東諸侯交辟之從主者書記于嶺南授正字叅謀于淮右進協律郎其後佐許下暨梓潼南梁率為上介官至兼監察御

史司憲聞其賢徵入南臺轉殿內歷侍御史改尚書戶部外郎復為知已所薦遷檢校司封郎中攝御史中丞紫衣金章充山南西道節度副使入為尚書戶部郎中以方雅特立除諫議大夫會宋丞相坐狷直為飛語所陷抱不測之罪大僚進言無益公率諫官數輩日晏伏閣上為不時開便殿公於旅進中獨感激雪涕居多由是上怒稍解得從輕比公終以言責為憂求為虢州刺史宰相惜去又重違誠請增之以兼御史中丞用示異於人也大凡以智謀而進者有時而衰以朴厚而知者無迹而固公雅為今揚州牧



贊皇公所知人不見其迹方其號略贊皇入相擢為左曹給事中凡有大官缺必寵薦居數月遷河南尹又未幾鎮宛陵是三者中外所注意不旬歲而周歷之時論不以為黨河南帝之別京其治尚體度風采而別白區處之宣城國之奧壤其治在東吏惠下蘇寵羸警剽輕而勞徠澄汰之公兩得其道不由一檢率身以儉而素風存任人以誠而羣務舉遇中貴人以禮而故態革內潔其志下盡其忠外無以撓於理三者具求政之有裨曷由哉在鎮三載開成元年十一月八日薨于位享年六十三監軍使上言有詔軫

悼不視朝贈左散騎常侍明年八月十一日葬于南府永寧縣洛川鄉史原從舊阡也初公娶于滎陽鄭氏生三女而沒今蓋祔焉一子曰慶存方齒矣猶子前太原府參軍扶執宗長書來請曰扶也蚤孤荷世父常侍之覆露今其嗣幼未任克家姑封琴書司管鑰以俟其長竊懼世父之德音不敷思有以垂于後者以誠告于從叔大司農復命曰俞謹礱貞石以乞詞無忽余昔為郎與常侍同列已熟其行實及讀墓誌即令丞相益州牧趙郡李公之文自稱為忘形友其在宣州李公再入相議以第一官處之牢讓不

取羔鴈所禮則河東裴夷直天水趙哲隴西李行方  
吳郡陸紹梁國劉蕢博陵崔珣人咸曰得士夫揚州  
少與也而見器益州寡合也而見親六從事才不一  
也而畢樂用是足以觀德庸可勿紀焉銘曰

隋有文中紹敷微言當時偉人咸出其門粹氣紆餘  
鍾于後昆常侍恂恂文而來孫發源高麓中沫後大  
蘭牙茁然秀出叢薈善不近名其聲日彰行勇於退  
其道愈光哲者知之寘于周行以正持憲以文為郎  
以和佐我以惠臨邦以直司諫以公駁政守于三川  
頑民底定乃鎮于宣先馳淑聲邑中婆婆瞻我旆旌

誰詢謙濟濟君子問誰出內潔潔庶士道本乎心  
陽子四支治本乎正形于百為黠吏斂手齊民揚眉  
江淮藪空夜析弗施公卧于齋邦民悽悽公衣升屋  
邦民行哭牙璋斯來柳翼言旋棠樹未老周人慕焉  
熊耳之陽泱泱洛川佳城在茲既固且安松楸颺然  
石馬矯然過者必敬宛陵之阡

唐故邠寧慶等州節度觀察處置使朝散  
大夫檢校戶部尚書兼御史大夫賜紫金  
魚袋贈右僕射史公神道碑

僕射名孝章字得仁本北方之強世確朔野其後因

仕中國遂為靈武建康人曾祖道德贈右散騎常侍  
封懷澤郡王祖周洛銀青光祿大夫檢校太常卿兼  
御史中丞北海郡王贈太子太保考憲成蚤以武勇  
絕人積功至魏博節度使終于河中晉絳慈隰等州  
節度觀察使檢校司徒兼侍中河中尹贈太保其薨  
也大臣中書令晉國公裴氏為之碑其名益顯公即  
侍中之元子母曰冀國夫人李氏幼而聰寤父母賢  
而加愛焉及長好學遷善秀出儕輩鄴下諸兒號為  
書生元和中大尉愬為魏帥下令掄材於轅門取大  
將家翹秀者為子弟軍列于諸校之上公獨昌言願

效文職太尉深奇之遂假魏州大都督府叅軍長慶  
二年常山衆叛害其帥沂國公田司徒於帳下沂公  
發跡于魏人猶懷之詔命其子布以尚書授鉞統魏  
兵問罪于比疆且報家禍布既啓行士氣不振渙然  
內潰獨與兇從之旅偃旗而歸百憤攻中卒自引決  
先侍中時為中軍都知兵馬使兼御史中丞全師在  
野闕然推戴之請為假侯以鎮定中貴人飛驛上聞  
穆宗夜召翰林學士草詔書以真侯命之實有魏土  
從衆而合權也是歲公自攝官轉本府士曹叅軍兼  
監察御史賜朱衣銀印推恩以及子也一旦跪於父

母前進苦言曰臣竊惟大河之北地雄兵精而天下  
賢士心侮之目曰河朔間視猶夷狄何也蓋有土者  
多乘兵機際會非以義取今臣家父侯母封化為貴  
門君恩至矣非痛折節礪行彰信於朝廷無以弭識  
者之譏寤明君之意節著於外福延于家乘時蹈機  
禍不旋踵言訖泣下數行父俞母贊天性交感三心  
既叶萬衆潛化天子聞而嘉之曰彼真有子乃授檢  
校太子左諭德兼侍御史充節度副使累遷至散騎  
常侍兼御史大夫賜金印紫綬既貳軍政事如命卿  
弛張損益得以參決潛革故態人知嚮方大和二年

滄景節度使李全略卒其子同捷竊據故地詔下以  
文告弗革遂用大刑先侍中表請率先諸侯使元子  
以督戰制曰可公承君父之命乃捐其軀一舉而下  
平原壓滄壘由是加工部尚書及王師凱旋上表願  
一識承明廬詔允之遂赴北關下得覲於便殿上曰  
嚮吾始征滄州議者皆曰彼魏之姻也慮陰為寇謀  
吾發使數輩以偵之其還也僉曰爾父瀝款於賓筵  
爾母抗詞於簾下願絕姻以立效其經始啓發出於  
爾心今滄海底平策勲之日宜貴爾三族命爾父為  
侍中遷鎮于近地加爾禮部尚書析相衛澶三州為

鎮以居之俾爾一門大榮以誇天下公拜稽首謝父  
遷讓已爵禮無違者翌日詔下于明庭人咸曰史氏  
之寵光古無有也牙旗碧幢方指東道侍中以帳下  
生變聞泰極而否當歌而哭迎柩于路仰天長號因  
葬于洛陽之邙山冀國夫人祔焉寢苦枕塊以所仇  
同天為大酷未幾詔舉金革之義起為右金吾將軍  
累表陳乞有司以違命督之與疾即路間歲擢授廊  
坊丹延等州節度觀察處置等使居四年遷鎮于滑  
一歲入為右領軍衛大將軍旋改右金吾大將軍又  
授鉞于邠土孟秋至治所首冬遘疾拜章入覲不克

展和鸞倭革之儀薨于靖恭里之私第享齡三十九  
當開成三年十月二十日上聞而悼之不視朝一日  
贈尚書右僕射明年二月歸葬于洛都夫人琅邪王  
氏祔焉繼室深澤縣君博陵崔氏有一子曰煥生七  
年而孤僕射之喪自復魄至葬當門戶備祭祀建碑  
表皆縣君之能且命其家老具事功來請曰娶不恤  
家而憂幼嗣不知其先人之官業乞詞以傳于後也  
君子以為知禮謹書之銘曰

斗極之下崆峒播氣鍾于侍中孔武且貴奉上致命  
宜昌後嗣僕射承之良弓不墜耳頰鉦鼓心說文字

虎穴之中生此騏驎大和紀元滄景不度子弄父兵  
跳浪海壖有隣陰交蜩起雞連詔下薄伐良隅騷然  
時惟侍中實統魏師蓄銳未發衆心危疑僕射為子  
陳謀盡詞與言涕零有感尊慈絕姻效節精貫神祇  
滄波底寧王師褒之乃遷元侯來鎮近畿乃胙元子  
別建旌麾一門四節焜燿當時倏忽變生魏郊紛披  
喬木雖大盲風不知干雲之臺列缺焚之哀哀孝嗣  
丁此大酷迎護幃輶葬于東洛訴天觸地血染縗服  
禮有金革詔書敦促不遂枕戈驟膺推轂雕陰白馬  
暨于邠谷雖榮三鎮不荷百祿綺紈之間珪組纍纍

如彼晨葩日中而萎有妻名家有子穉齒行號執禮  
歸窆蒿里洛水之陽循卬之趾昭尊穆敬幽顯同理  
舊松新栢亦象橋梓刻石紀功垂千萬祀



鑿賓客文集卷第四 碑下

釋門銘記附



曹溪第六祖大鑿禪師第二碑

佛衣銘 并引

唐故衡嶽律大師湘潭唐興寺儼公碑

牛頭山第一祖融大師新塔記

袁州萍鄉縣楊岐山故廣禪師碑

夔州始興寺移鐵像記

毗盧遮那佛華藏世界圖讚

成都府新修福成寺記

大唐曹溪第六祖大鑿禪師第二碑



元和十一年某月日詔書追褒曹溪第六祖能公謚曰大鑿實廣州牧馬惣以疏聞繇是可其奏尚道以尊名同歸善善不隔異教一字之褒華夷孔懷得其所故也馬公敬其事且謹始以垂後遂咨於文雄今柳州刺史河東柳君為前碑後三年有僧道琳率以其徒由曹溪來且曰願立第二碑學者志也維如來滅後中五百歲而摩騰竺法蘭以經來華人始聞其言猶夫重昏之見習爽後五百歲而達摩以法來華人始傳其心猶夫昧旦之覩白日自達摩六傳至大鑿如貫意珠有先後而無同異世之言真宗者所謂

頓門初達摩與佛衣俱來得道傳付以為真印至大鑿置而不傳豈以是為筌蹄邪芻狗邪將人人之莫已若而不若置之邪吾不得而知也按大鑿生新州三十出家四十七年而沒百有六年而謚始自蘄之東山從第五師得授記以歸高宗使中貴人再徵不奉詔第以言為貢上敬行之銘曰

至人之生無有種類同人者形出人者智蠢蠢南裔降生傑異父乾母坤獨肖元氣一言頓悟不踐初地五師相承授以寶器宴坐曹溪世號南宗學徒爰來如水之東飲以妙藥差其瘖聾詔不能致許為法雄



去佛日遠羣言積億著空執有各走其域我立真筌  
揭起南國無修而修無得而得能使學者還其天識  
如黑而迷仰見斗極得之自然竟不可傳口傳手付  
則礙於有留衣空堂得者天授

佛衣銘并引

吾既為僧琳撰曹溪第二碑且思所以辯六祖置衣  
不傳之旨作佛衣銘曰  
佛言不行佛衣乃爭忽近貴遠古今常情尼父之生  
土無一里夢奠之後履存千祀惟昔有梁如象之狂  
達摩救世來為醫王以言不痊因物乃遷如執符節

行乎復關民不知官望車而畏俗不知佛得衣為貴  
壞色之衣道不在茲由之信道所以為寶六祖未彰  
其出也微既還狼荒憬俗蚩蚩不有信器衆生曷歸  
是開便門非止傳衣初必有終傳豈無已物必歸盡  
衣胡久恃先終知終用乃不窮我道無朽衣於何有  
其用已陳孰非芻狗

唐故衡嶽大師湘潭唐興寺儼公碑

佛法在九州間隨其方而化中夏之人汨於榮破榮  
莫若妙覺故言禪寂者宗嵩山北方之人銳以武攝  
武莫若示現故言神通者宗清涼山南方之人剽而

輕制輕莫若威儀故言律藏者宗衡山是三名山為  
莊嚴國必有達者與山比崇南嶽律門以津公為上  
首津之後雲峯證公承之證之後湘潭儼公承之星  
月麗天珠璣同貫由其門者為正法焉公號智儼曹  
氏子世為郴之右姓兆形在孕母不嗜葷成童在侶  
獨不嗜戲其夙植因厚者歟生九年樂為僧父不能  
奪其志抱經笥入岫嶼山從名師執業凡進品受具  
聞經傳印皆當時大長老我入明門不住諸乘我行  
覺路徑入智地居室方丈名聞大千護法大臣多所  
賓禮嗣曹王臯之鎮湖南請為人師自是登壇莅事

三十有八載由我得度者萬有餘人人持寶衣解  
珞為禮公色受之謂門弟子曰彼以有相求我我以  
有為應之凡建寶幢修廢寺飾大像皆極其工應物  
故也元和十三年九月二十七日中夜具湯沐剃願  
頂與門人告别即寂而視身與色無有壞相嗚呼豈  
生能全吾真故死不速朽將有願力邪余不得而知  
也問年八十二問臘六十一葬于寺東北隅傳律弟  
子中巽道準傳經弟子圓皎貞璨與其徒圓靜文外  
惠榮明素存政等欲其師之道光且遠故咨余乞詞  
乃作長句偈以銘之曰

祝融靈山禹所治非夫有道不可止中有毗尼出塵  
士以津視儼猶孫子登壇人師四十祀南方學徒宗  
與旨幼無童心至兒齒識滅形全異凡死長沙潭西  
幾五里陶侃故居石頭寺門前一帶湘江水吁嗟律  
席之名号與湘流而不已

牛頭山第一祖融大師新塔記

初摩訶迦葉授佛心印得其人而傳之至師子比丘  
凡二十五葉而達摩得焉東來中華華人奉之為第  
一祖又三傳至雙峯信公雙峯廣其道而岐之一為  
東山宗能秀寂其後也一為牛頭宗巖持威鶴林徑

山其後也分慈氏之一支為如來之別子咸有祖稱  
粲然貫珠大師號法融姓韋氏廵陵人少為儒博極  
羣書既而歎曰此仁誼言耳吾志求出世間法遂入  
句曲依僧昺改逢掖而緇之徙居是山宴坐石室以  
慧力感通故旱麓泉涌以神功示現故皓雪蓮生巨  
蛇摧伏羣鹿聽法貞觀中雙峯過江望牛頭頓錫曰  
此山有道氣宜有得之者乃來果與大師相遇性合  
神授至于無言同躋智地密付真印揭立江左名聞  
九圍學徒百千如鯽歸海由其門而為天人師者皆  
脉分焉顯慶二年報身示滅道在後覺神依故山戒

香不絕龕坐未飾夫豈不思乎蓋神期冥數必有所待大和三年潤州牧浙江西道觀察使檢校禮部尚書趙郡李公在鎮三閩百為大備尚理信古儒玄交脩始下令禁桑門販佛以眩人者而於真實相深達焉常謂大師像設宜從本教言自我啓因自我成乃召主吏籍我月入得緡錢二十萬俸秣陵令如符經營之三月甲子新塔成事嚴而工人盡藝誠達而山神來護願力既從衆心知歸撞鍾告白龍象大會諸天馨香之蘊如見如聞即相生敬明幽同感尚書欲傳信于後遠命愚志之夫上士解空而離相中士著

二而嫉有不因相何以示覺不由有何以悟無彼真諦而得中道者當知為而不有賢乎以不修為無為也

袁州萍鄉縣楊岐山故廣禪師碑

天生人而不能使情欲有節君牧人而不能去威勢以理至有乘天工之隙以補其化釋王者之位以遷其人則素主立中區之教懋建大中慈氏起西方之教習登正覺至哉乾坤定位而聖人之道參行乎其中亦猶水火異氣成味也同德輪轅異象致遠也同功然則儒以中道御羣生罕言性命故世衰而寢息

佛以大悲救諸苦廣啓因業故劫濁而益尊自白馬  
東來而人知像教佛衣始傳而人知心法弘以權實  
示其攝修味真實者即清淨以觀空存相好者怖威  
神而遷善厚於求者植因以覲福罹於苦者證業以  
銷冤革盜心於冥昧之間泯愛緣於死生之際陰助  
教化總持人天所謂生成之外別有陶冶刑政不及  
曲為調柔其方可言其旨不可得而言也惟四海之  
大羣倫之富必有以得其門而會其宗者為世導師  
焉禪師諱乘廣其生容州姓張氏七歲尚儒以俎豆  
為戲十三慕道遵壞削之儀至衡陽依天柱想公以

石本與刻本不同者二十餘字多五十字

表州洋鄉縣楊岐山故廣禪師碑 石刻題云唐故表州洋鄉縣

圓成味也同德 石刻成上 致遠也同功 致上有其字 證業以銷

冤 石刻證字模糊驗其筆畫當是鏡字 形政不及形作刑 必有以得其

門無以字 陽燧合焰合作舍 而帶縛者漸悟 帶作滯

瘖曠洞開 曠作靜 十方善眾 十上有泉字 隨其去來 墜

作隨 肖圓方之形 肖作肖與漢書同 甄升 升作辨業甄叔大師塔銘今在楊

岐山此刊 其徒圓寂 圓寂上多道進一人 故壘足千里 壘作研

傳信百劫 百作億 銘示真俗 此句下有云時宜春得良守齊口理行第一雅有護

持之功化被于邑之庶寮及里之右族歲能回向如邦君之志故偕具壽里名氏刻于其陰凡五十字 一室寥

然然作寥 千百人俱 千百作百千 齋民嗤 嗤作嗤

啓初地至洛陽依荷澤會公以契真乘洪鐘蘊聲扣  
之斯應陽燧合焰晞之乃明始由見性終得自在常  
謂機有淺深法無高下分二宗者衆生存頓漸之見  
說三乘者如來開方便之門名自外得故生分別道  
由內證則無異同遂以攝化為心經行不倦愍彼南  
裔不聞佛經由是結廬此山心與境寂應念以起教  
隨方而立因居涉旬而善根者知歸逮周月而帶縛  
者漸悟以月倍日以年倍時瘖瞶洞開荒憬潛革邑  
中長者十方善衆咸發信願大其藩垣法堂四阿股  
引僧舍身心恒寂象馬交馳墮道其去來皆得利益踰

嶺之北涉湘而南仰茲高山知道有所在此地緣盡  
翛然化俱神歸佛境悲結人世自趺坐而滅至于茶  
毗三百有六旬矣爪髮加長容澤差衰真子號呼圍  
繞薪火得舍利如珠璣者數十百焉於戲肖圓方之  
形故寂滅以示盡入菩提之位故殊相以現靈亦猶  
鳳毛成字麟角生肉必有以異不知其然於是服勤  
聞法之上首曰甄升乃率其徒圓寂道弘如亮如海  
等相與收淚具役建塔于禪室之右端從衆也初廣  
公始生之辰歲在丁巳當玄宗之中元生三十而受  
具更臘五十二而終終之夕歲直戊寅當德宗之後

元三月既望之又十日也後九年其門人還源以  
崇塔以存神與建銘以垂休皆憑像寄懷不可以關  
一謬謂余為習於文者故壘足千里以誠相攻大懼  
其先師德音與時寢遠且曰白月中黑東川無還颺  
于金石傳信百劫彼墮淚之感豈儒家者流專之敬  
酬斯言銘示真俗文曰

如來說法徧滿大千得勝義者強名為禪至道不二  
至言無辯心法東行羣迷丕變七葉無嗣四魔潛扇  
佛衣生塵佛法如線吾師覺者冥極道樞承受密印  
端如貫珠一室寥然高山之隅為法來者千百人俱

中山集 卷四  
裔民嗷嗷戶有犀渠攝以方便家藏佛書願力既普  
度門斯盛合為一乘散為萬行即動求靜故能常定  
絕緣離覺乃得究竟生非我樂死非我病現滅者身  
常圓者性本無言說付屬其誰等空無得後覺得之  
像闕虛塔迹留仁祠十方四輩瞻禮於斯

夔州始興寺移鐵像記

洪字是

佛薪盡于乾竺而象教東行是法平等故所至為淨  
土是身應供故隨念如降生先是魚復人有以利金  
為彌勒像者重千鈞睟容瑞相人天兩足鳧氏卒事  
而它工未備故寓于西偏不知其幾年矣寺僧法照

瞻禮發信赤肩白足入諸大城乃至聚落無空過者  
積十餘年得信財無量繇是購工以嘗巧募徒而畢  
力四輩增增工麾以肱中樞外脉陰轉陽動欵如地  
踴爰如山行大匠無言尊容嚮明青蓮承跌金獸捧  
持藻井花鬢葱龍四垂邑人膜拜如佛出世法照以  
願力能就泣于佛前因持片石乞詞以示後按此寺  
始於宇文周初瀕江埤庫皇唐神龍中為水所壞有  
波那賴耶國僧廣照浮海而至頓錫不去遂移於今  
道場所山曰磨刀嶺曰虎岡其經始與克修皆蕃僧  
是力後之有志者豈無人哉法照夔人姓穆氏年十



有五出家依江陵名僧受具肇自貞元二十年甲申歸此寺願崇建有為凡修大殿立菩薩大弟子侍佛左右逮長慶癸卯有成其善植德本者歟

毗盧遮那佛華藏世界圖讚

佛說華嚴經直入妙覺不由諸乘非大圓智不能信解德宗朝有龍象觀公能於是經了第一義居上都雲華寺名聞十方沙門嗣肇是其上足以經中九會纂成華藏俾人瞻禮即色生敬因請余讚之即說讚曰

清淨不深花中蓮捧持世界百億千躡出香海浩無

邊風輪負之晝夜旋大雄九會化諸天釋梵八部來森然從昏至覺不依緣初初極極性自圓寫之緇素色相全是色非色言非言

成都府新修福成寺記

益城右門衝大達坦然西馳曰石笋街街之北有仁祠形馬直啓曰福成寺寺之殿臺與城之樓交錯相輝繡于碧霄望之如崑閬間物大和四年蜀帥非將材不修邊備南詔君長謀得內空乘隙空入闕于城下或縱火以駭衆此寺乃焚高門脩廊委為寒燼如是者再歲帝念坤維丞相復來山川如迎父老相識

環視故地寺為焦墟載興起廢之歎爰有植因之願  
乃命主俸吏以吾緡錢三十萬為經營之基自公來  
思蜀號無事時康歲稔人樂檀施公言既先應如決  
川乃傾囊褚乃出懷袖勝因化愚慧力攝慳男奔女  
驟急於徵令匠者度材以指衆徒藝者運思以役衆  
技斤鋸磨礮丁丁登登陶者儲精巧者效能歎自火  
宅復為金繩沿改鼎新因毀成妍華夷縱觀萬目同  
聳既告訖役公來慶成雲鮮日潤輝映前後於是都  
人舞抃而謠曰

昔公去此福成以燬今公重還福成復完民安軍治  
亦如此寺庸可勿紀乎公實聞斯言遂折簡見命謹  
月而日之時大和某年某月日大檀越具官封邑  
氏其它發大願者程功董事者自中貴人及賓寮將  
吏若僧徒偕籍之而刻于石



劉賓客文集卷第五

論上

辯迹論一首

明賢論一首

華佗論一首

天論上一首

天論中一首

天論下一首

辯迹論

客有能通本朝之雅故者曰時之污崇視輔臣之用  
否房與杜迹何觀焉建官取士之制地征口賦之令  
禮樂刑法之章因隋而已矣二公奚施為余愀然曰  
三王之道猶夫循環非必變焉審所當救而已隋之  
過豈制置名數之間邪顧名與事乖耳因之何害焉  
夫上材之道非務所舉必的然可使戶曉為迹也吾

觀梁公之迹章章如懸寓矣曷然哉請借一以明之  
史不云乎初太宗怒渾戎之橫于塞也度諸將不足  
以必取當宁而歎曰得李靖為帥快哉靖時告老且  
病矣梁公虛其心以起之靖忘老與病一舉虜其君  
郡縣其地而還夫非伐國之難能起靖之難能也靖  
非不克之為慮居功之為慮也古之為將度柄輕不  
足以遂事重則嫌生焉是以有辭第以見志有多產  
以取信有子質以滅貳有嬰監以虞謗其多患也如  
是若靖者名既成位既崇重失畏偏其患及其焉微  
梁公之能盡材能捍患能去忌能照私彼姑藉舊勞

居素貴足矣惡乎起哉夫豈感空言而起邪心相見  
久矣夫豈飾小信而要邪道相籠久矣其後致玄擅  
能失材臣而敗隨之林甫自便進蕃將而亂隨之由  
是而言固相萬矣子方規規然窺上材以戶曉之迹  
此吾之所不取也若杜萊公者在相位日淺將史失  
其傳然以梁公之鑒裁自天策府遂以王佐材許之  
則是又能以道籠房公者矣房之許與迹孰甚焉客  
無以應而作子劉子曰觀書者當觀其意慕賢者當  
慕其心循迹而求雖博寡要信矣

明贊論

古之人動必有以將意故贄之道自天子達焉夫芬  
芳在上臭達于下而溫粹無擇有似乎聖人者管也  
故用於天子清越而瑕不自揜潔白而物莫能汚肉  
堅剛而外溫潤有似乎君子者玉也故用乎諸侯執  
之不鳴刑之不嗥似死義乳必能跪似知禮者羔也  
故卿執焉在人之上而有先後行列者鴈也故大夫  
執焉耿介而一志者雉也故士執焉視其所執而知  
其任是故食愈重而志愈卑位彌尊而道彌廣耿介  
之志唯士得以行之何也務細而所試者寡齒卑而  
所蔽者衆言未足以動聽故必激發以取異行未足

以應遠故必砥礪以沽聞借今由士為大夫摺節  
執鴈其志也隨之故耿介之名不施於大夫矣況其  
上乎然則為士也不思雉之介為卿也能思羔之禮  
歟今夫或者不明分推理而觀之則曰此居下而嗜  
直者是必得志而稔其訐矣彼當介而務弘者是必  
處高而肥其德矣曾不知訐當其分則地易而自遷  
弘非其所剛志遠而無制矣於戲責士以卿大夫之  
善猶諭君以士之行耳予以執贄之道得其分苟推  
分明矣求刑賞之僭濫得乎

華佗論

史稱華佗以恃能厭事為曹公所怒荀文若請曰佗術實工人命繫焉宜議能以宥曹公曰憂天下無此鼠輩邪遂考竟佗至蒼舒病且死見賢編醫不能生始有悔之之歎嗟乎以操之明略見幾然猶輕殺材能如是文若之智力地望以的然之理攻之然猶不能返其恚執柄者之恚真可畏諸亦可慎諸原夫史氏之書于冊也是使後之人寬能者之刑納賢者之諭而懲暴者之輕殺故自恃能至有悔悉書焉後之惑者復用是為口實悲哉夫賢能不能無過苟寘于理矣或必有寬之之請彼壬人皆曰憂天下無材邪

中不知悔之日方痛材之不可多也或必有惜之之歎彼壬人皆曰譬彼死矣將若何曾不知悔之日方痛生之不可再也可不謂大哀乎夫以佗之不宜殺昭昭然不足言也獨病夫史書之義是將推此而廣耳吾觀自曹魏以來執死生之柄者用一恚而殺材能衆矣又烏用書佗之事為嗚呼前事之不忘期有勸且懲也而暴者復籍口以快意孫權則曰曹孟德殺孔文舉矣孤於虞翻何如而孔融亦以應泰山殺孝廉自譬仲謀近霸者文舉有高名猶以可懲為故事矧它人哉

天說

柳宗元

韓愈謂柳子曰若知天之說乎吾為子言天之說今夫人有疾痛倦辱飢寒甚者因仰而呼天曰殘民者昌佑民者殃又仰而呼天曰何為使至此極戾也若是者舉不能知天夫果蓏飲食既壞蟲生之人之血氣敗逆壅底為癰瘍疣贅癭痔蟲生之木朽而蝸中草腐而螢飛是豈不以壞而後出邪物壞蟲由之生元氣陰陽之壞人由之生蟲之生而物益壞食齧之攻穴之蟲之禍物也滋甚其能去之者有功於物者也蕃而息之者物之讎也人之壞元氣陰陽也亦滋

壘原田伐山林鑿泉以井飲窆墓以送死而又穴為堰洩築為牆垣城郭臺榭觀游䟽為川瀆溝洫陂池燧木以燔革金以鎔陶甄琢磨悴然使天地萬物不得其情倖倖衝衝攻殘敗撓而未嘗息其為禍元氣陰陽也不甚於蟲之所為乎吾意有能殘斯人使日薄歲削禍元氣陰陽者滋少是則有功於天地者也蕃而息之者天地之讎也今夫人舉不能知天故為是呼且怨也吾意天聞其呼且怨則有功者受賞必大矣其禍焉者受罰亦大矣子以吾言為何如柳子曰子誠有激而為是邪則信辯且美矣吾能終其



說彼上而玄者世謂之天下而黃者世謂之地渾然  
 而中處者世謂之元氣寒而暑者世謂之陰陽是雖  
 大無異果蓏癰痔草木也假而有能去其攻穴者是  
 物也其能有報乎蕃而息之者其能有怒乎天地大  
 果蓏也元氣大癰痔也陰陽大草木也其烏能賞功  
 而罰禍乎功者自功禍者自禍欲望其賞罰者大謬  
 呼而怨欲望其哀且仁者愈大謬子而信子之仁義  
 以遊其内生而死爾烏置存亡得喪於果蓏癰痔草  
 木邪

天論上

世之言天者二道焉拘於昭昭者則曰天與人實影  
 響禍必以罪降福必以善來窮阨而呼必可聞隱癘  
 而祈必可答如有物的然以宰者故陰騭之說勝焉  
 泥於冥冥者則曰天與人實刺音異霆震于畜木未  
 嘗在罪春滋乎堇荼未嘗擇善跖躄焉而遂孔顏焉  
 而厄是茫乎無有宰者故自然之說勝焉余之友河  
 東解人柳子厚作天說以折韓退之之言文信美矣  
 蓋有激而云非所以盡天人之際故余作天論以極  
 其辯云大凡入形器者皆有能有不能天有形之大  
 者也人動物之尤者也天之能人固不能也人之能

天亦有所不能也故余曰天與人交相勝耳其說曰  
天之道在生植其用在強弱人之道在法制其用在  
是非陽而阜生陰而肅殺水火傷物木堅金利壯而  
武健老而耗耗氣雄相君力雄相長天之能也陽而  
藝樹陰而摯斂防害用濡禁焚用光斬材竅堅液礦  
研鎡義制強許禮分長幼右賢尚功建極閑邪人之  
能也人能勝乎天者法也法大行則是為公是非為  
公非天下之人蹈道必賞違之必罰當其賞雖三旌  
之貴萬鍾之祿處之咸曰宜何也為善而然也當其  
罰雖族屬之夷刀鋸之慘處之咸曰宜何也為惡而

然也故其人曰天何預乃事邪唯告虔報本肆類於  
時之禮曰天而已矣福兮可以善取禍兮可以惡召  
奚預乎天邪法小弛則是非駁賞不必盡善罰不必  
盡惡或賢而尊顯時以不肖參焉或過而僂辱時以  
不辜參焉故其人曰彼宜然而信然理也彼不當然而  
固然豈理邪天也福或可以詐取而禍亦可以苟  
免人道駁故天命之說亦駁焉法大弛則是非易位  
賞恒在佞而罰恒在直義不足以制其強刑不足以  
勝其非人之能勝天之具盡喪矣夫實已喪而名徒  
存彼昧者方挈挈然提無實之名欲抗乎言天者斯

數窮矣故曰天之所不能者生萬物也人之所能者治萬物也法大行則其人曰天何預人邪我蹈道而已法大弛則其人曰道竟何為邪任人而已法小弛則天人之論駁焉今以一己之窮通而欲質天之有無惑矣余曰天恒執其所能以臨乎下非有預乎治亂云爾人恒執其所能以仰乎天非有預於寒暑云爾生乎治者人道明咸知其所自故德與怨不歸乎天生乎亂者人道昧不可知故由人者舉歸乎天非天預乎人爾

天論中

或曰子之言天與人交相勝其理微庸使戶曉盍耶諸譬焉劉子曰若知旅乎夫旅者羣適乎莽蒼求休乎茂木飲乎水泉必強有力者先焉否則雖聖且賢吳能競也斯非天勝乎羣次乎邑郭求蔭于華榭飽于籩牢必聖且賢者先焉否則強有力莫能競也斯非人勝乎苟道乎虞芮雖莽蒼猶郭邑然苟由乎匡宋雖郭邑猶莽蒼然是一日之途天與人交相勝矣吾固曰是非存焉雖在野人理勝也是非亡焉雖在邦天理勝也然則天非預勝乎人者也何哉人不宰則歸乎天也人誠務勝乎天者也何哉天無私故人

可務乎勝也吾於一日之途而明乎天人取諸近也  
已或者曰若是則天之不相乎人已信矣古之人曷  
引天為答曰若知操舟乎夫舟行乎濼淄伊洛者疾  
徐存乎天次舍存乎人風之怒號不能鼓為濤也流  
之汴泗不能峭為魁也適有迅而安亦人也適有覆  
而膠亦人也舟中之人未嘗有言天者何哉理明故  
也彼行乎江河淮海者疾徐不可得而知也次舍不  
可得而必也鳴條之風可以沃日車蓋之雲可以見  
怪恬然濟亦天也黯然沈亦天也陆危而僅存亦天  
也舟中之人未嘗有言人者何哉理昧故也問者曰

吾見其駢焉而濟者風水等耳而有沈有不沈非天  
曷司歟答曰水與舟二物也夫物之合并必有數存  
乎其間焉數存然後勢形乎其間焉一以沈一以濟  
適當其數乘其勢耳彼勢之附乎物而生猶影響也  
本乎徐者其勢緩故人得以曉也本乎疾者其勢遽  
故難得以曉也彼江海之覆猶伊淄之覆也勢有疾  
徐故有不曉耳問者曰子之言數存而勢生非天也  
天果狹於勢邪答曰天形恒圓而色恒青周回可以  
度得晝夜可以表候非數之存乎恒高而不卑恒動  
而不已非勢之乘乎今夫蒼蒼然者一受其形于高

大而不能自還於卑小一乘其氣于動用而不能自  
休於俄頃又惡能逃乎數而越乎勢邪吾固曰萬物  
之所以為無窮者交相勝而已矣還相用而已矣天  
與人萬物之尤者耳問者曰天果以有形而不能逃  
乎數彼無形者子安所寓其數邪荅曰若所謂無形  
者非空乎空者形之希微者也為體也不妨乎物而  
為用也恒資乎有必依於物而後形焉今為室廬而  
高厚之形藏乎內也為器用而規矩之形起乎內也  
音之作也有大小而響不能踰表之立也有曲直而  
影不能踰非空之數歟夫目之視非能有光也必因

日月火炎而後光存焉所謂晦而幽者目有所不  
能燭耳彼狸狽犬鼠之目庸謂晦為幽邪吾固曰以  
目而視得形之粗者也以智而視得形之微者也烏  
有天地之內有無形者邪古所謂無形蓋無常形耳  
必因物而後見耳烏能逃乎數邪

天論下

或曰古之言天之曆象有宣夜渾天周髀之書言天  
之高遠卓詭有鄒子今子之言有自乎荅曰吾非斯  
人之徒也大凡入乎數者由小而推大必合由人而  
推天亦合以理揆之萬物一貫也今夫人之有顏目

耳鼻齒毛頤口百骸之粹美者也然而其本在乎腎  
腸心腹天之有三光懸寓萬象之神明者也然而其  
本在乎山川五行濁為清母重為輕始兩位既儀還  
相為庸噓為雨露噫為雷風乘氣而生羣分彙從植  
類曰生按尚書傳云海隅蒼生謂草木也動類曰蟲倮蟲之長為智  
最大能執人理與天交勝用天之創立人之紀紀綱  
或壞復歸其始堯舜之書首曰稽古不曰稽天幽厲  
之詩首曰上帝不言人事在舜之庭元凱舉焉曰舜  
用之不曰天授在殷中宗襲亂而興心知說賢乃曰  
帝賚堯民之餘難以神誣商俗已訛引天而駸由是

而言天預人乎

劉賓客文集卷第五



劉賓客文集卷第六 論中

因論七篇

劉子閒居作因論或問其旨曷歸歟對曰因之為言有所自也夫造端乎無形垂訓於至當其立言之徒放詞乎無方措旨於至適其寓言之徒蒙之智不逮于是造形而有感因感而有詞匪立匪寓以因為目因論之旨也云爾

鑒藥 訊眊 嘆牛 傲舟 原力 說驥 述病

鑒藥

劉子閒居有負薪之憂食精良弗知其旨血氣交沴



煬然焚如客有謂予子病病積日矣乃今我里有方  
士淪跡於醫厲者造焉而美肥輒者造焉而善馳矧  
常病也將子詣諸予然之之醫所切脉觀色聆聲參  
合而後言曰子之病其興居之節舛衣食之齊去聲乖  
所由致也今夫藏鮮能安穀府鮮能毋氣徒為美疹  
之囊橐耳我能攻之乃出藥一丸可兼方寸以授予  
曰服是足以淪昏煩而鉏蘊結銷蠱慝而歸耗氣然  
中有毒須其疾瘳而止過當則傷和是以微其齊也  
予受藥以餌過信而臆能輒痺能和涉旬而苛癢絕  
焉抑搔罷焉踰月而視分纖聽察微蹈危如平嗜糲

如精或聞而慶予且開言曰子之獲是藥幾神乎誠  
難遭已顧醫之態多齷術以自貴遺患以要財益重  
求之所至益深矣予昧者也泥通方而狃既效猜至  
誠而惑勦說卒行其言逮再餌半旬厥毒果肆岑岑  
周體如疔作焉悟而走諸醫醫大吒曰吾固知夫子  
未達也促和蠲毒者投之濱於殆而有喜異日進和  
藥乃復初劉子慨然曰善哉醫乎用毒以攻疹用和  
以安神易則兩躡明矣苟循往以御變昧於節宣奚  
獨吾儕小人理身之弊而已

訊昨

劉子如京師過徐之右鄙其道旁午有甿增增扶班  
白挈羈角齋生器荷農用摩肩而西僕夫告予曰斯  
宋人梁人亳人潁人之逋者今復矣予愕而訊云予  
聞隴西公賜穀之止方踰月矣今爾曹之來也欣欣  
然似恐後者其聞有勞佚之簿歟蠲復之條歟振贍  
之格歟碩鼠亡歟瘞狗逐歟曰皆未聞也且夫浚都  
吾政之上游也自巨盜間釁而武臣顛焉牧守由將  
校以授皆虎而冠子男由胥徒以出皆鷄而軒故其  
上也子視卒而芥視民其下也鷲其理而蜂其賦民  
弗堪命是軼于它土然咸重遷也非陷危擠壑不能

違之曩者雖歸歟成語而故態相沿莫我敢復今聞  
吾師故為丞相也能清靜畫一必能以仁蘇我矣其  
佐嘗宰京邑也能誅鉅豪右必能以法衛我矣奉斯  
二必而來歸惡待事實之及也予因浩歎曰行積於  
彼而化行於此實未至而聲先馳聲之感人若是之  
速歟然而民知至至矣政在終終也嘗試論聲實之  
先後曰民黠政頗須理而後勸斯實先聲後也民離  
政亂須感而後化斯聲先實後也立實以致聲則難  
在經始由聲以循實則難在克終操其柄者能審是  
理俾先後終始之不失斯誘民孔易也

歎牛

劉子行其野有叟牽跛牛于溪偶問焉何形之瑰歟何足之病歟今覿觥然將安之歟叟攬縻而對云瑰其形餒之至也病其足役之過也請為君畢詞焉我僦車以自給嘗驅是牛引千鈞北登太行南並商嶺掣以回之叱以聳之雖涉淖躋高轂如蓬而輒不債及今廢矣顧其足雖傷而膚尚脂以畜豢之則無用以庖視之則有羸伊禁焉莫敢尸也甫聞邦君饗士卜剛日矣是往也當要平售於宰夫余尸之曰以叟言之則利以牛言之則悲若之何予方宴且無長物

願解裘以贖將置諸豐草之鄉可乎叟蹶然而咥曰我之沽是屈指計其直可以持醪而鬻肥飴子而衣妻若是之逸也奚事裘為且昔之厚其生非愛之也利其力今之致其死非惡之也利其財子惡乎落吾事劉子度是叟不可用詞屈乃以杖叩牛角而嘆曰所求盡矣所利移矣是以負能霸吳屬鏤賜斯既帝秦五刑具長平威振杜郵死陔下敵擒鍾室誅皆用盡身賤功成禍歸可不悲哉可不悲哉嗚呼執不償之用而應夫無方使時宜之莫吾害也苟拘於形器用極則憂明已

敬舟

劉子浮于汴涉淮而東亦既釋紼纒榜人告予曰方今湍悍而舟盪宜謹其具以虞焉予聞言若屬繇是袂以窒之灰以堽之斟以乾之僕怠而躬行夕惕而晝勤景霾晶而莫進風異響而遄止兢兢然累辰是用獲濟偃檣弭櫂次于淮陰於是舟之工咸沛然自暇自逸或遊肆而觴矣或拊橋而歌矣隸也休役以尚寢矣吾曹無虞以宴息矣逮夜分而窾隙潛澍洩然陰潰至乎淹蕒濡薦方卒愕傳呼蹀跳登墟僅以身脫目未及瞬而樓傾軸墊抵于泥沙力莫能支也

子缺然自視而言曰鄉予兢惕也汨洪漣而無害今予宴安也蹈常流而致危畏之途果無常所哉不生於所畏而生於所易也是以越子邾行吳君忽晉宣尸居魏臣怠白公厲劔子西晒李園養士春申易至于覆國夷族可不儆哉嗚呼禍福之胚胎也其動甚微伺伏之矛盾也其理甚明困而後儆斯弗及已

原力

劉子于邁舟次泗濱維紆邇之于傳傳吏適傳呼曰乘驛者方來誰何之則曰力人也雅以力聞於吳楚間中貴人器之謂宜為爪士獻言于上有旨趣如京

師頃其至則佗焉五葦咸碩其體毅其容動晴曄如  
曳趾岌如顧瞻遲回飲啜有聲泗濱守任由將授也  
說而勞之饗以太牢飲以百壺酒酣氣振求試自矜  
傍如無人中若有馮有盪舟如沿者扶鼎如飛者綯  
鍵如麻者開兩孤而脉不僨者履巨石而齋如流者  
異哉果以力駭世而聞于上也異日詰於儒家者流  
有容悱然自奮曰斯誠力矣上之不過誇胡人而戲  
角抵次之不過倅期門而振袍服我之力異然以道  
用之可以格三苗而賓左衽以威用之可以係六羸  
而斷右臂由是而言彼力也長雄於匹夫然猶驛其

力  
飢其食我力也無敵於天下亦當蒲其輪鶴其書  
矣予詰之曰彼之力用於形者也子之力用於心者  
也形近而易見心遠而難明理乎而言則子之力大  
矣時乎而言則彼之力大矣且夫小大迭用曷常哉  
彼固有小矣子固有大矣予所不能齊也容於邑垂  
涕洟劉子解之曰屠羊於肆適味於衆口也攻玉于  
山俟知於獨見也貪日得則鼓刀利要歲計而韞積  
多容聞之破涕曰吾方俟多於歲計也歲歟歲歟其  
我與歟

說驥

伯氏佐戎于朔陲獲良馬以遺予予不知其良也秣  
之糝糝飲之汚池旣櫪也上痺而下蒸羈絡也綴索  
而續韋其易之如此予方病且窶求活于肆肆之馭  
亦不知其良也評其價六十緡將劑矣有裴氏子羸  
其二以求之謂善價也卒與裴氏裴所善李生雅挾  
相術於馬也尤工覩之周體怡然視聽然笑既而拊  
隨之且曰久矣吾之不覩於是也是何柔心勁骨奇  
精妍態宛如鏘如擘如翔如之備邪今夫之德也全  
然矣顧其維駒藏銳于內且秣之乖方是用不說乎  
常目頹其齒備而氣振聲則衆美灼見上可以獻帝

開次可以鬻千金裴也聞言竦焉遂徹其僕蠲其皂  
筐其惡蜃其溲糞以美薦秣以鄉粒起之居之澡之  
拒齧之無分陰之怠斯以馬養養馬之至分也居無  
何果以驥德聞客有言予以喪其實且譏其所買也  
微予灑然曰始予有是馬也予常馬畜之今予易是  
馬也彼寶馬畜之寶與常在所遇耳且夫昔之翹陸  
也謂將蹄將齧抵以橈策不知其籟雲耳昔之噓呼  
也謂為疵為癘投以藥石不知其噴玉耳夫如是則  
雖曠日歷月將頓踣是以曾何寶之有馬繇是而言  
方之於士則八十其緡也不猶踰於五殺皮乎客謾

中山集 卷六  
而竦予遂言曰馬之德也存乎形者也可以目取然猶為之若此矧德蘊于心者乎斯從古之歎予不敢歎

述病

劉子嘗涉暑而征熱攻于腠以致病其僕也告痛亦莫能興逮決日予有瘳醫診之曰疾幸間矣顧熱冷而未平有遺類焉宜謹於攝衛衛之乖方則病復矣所苦既微而息其說倦眠于衾而興焉倦隱于几而步焉面不能罷頰髮不能捐櫛口不能忘味心不能無思如是未移日而疾也瘳疎錦如復瘳于躬進藥

求汗凡三渙然後目能視視既分則嚮時之僕已睨然執柅圜侍予于前矣予訝而曰曩吾與若也病偕呻也諱也若酷而吾微藥也餌也吾殷而若薄何患之同而痊之異哉僕諄諄而荅云已之被病也兀然而無知有問也亦兀然而無知髮蓬如而忘乎亂面黔如而忘乎垢洎疾之殺也雖飲食是念無滑甘之思日致復初亦不知也予喟然歎曰始予有斯僕也命之理畦則蔬荒主庖則味乖顛廐則馬瘠常謂其無適能適乃今以兀然而賢我遠甚利與鈍果相長哉僕更矣劉子遂言曰樂於用則豫章貴厚其生則

社櫟賢唯理所之曾何膠於域哉

劉賓客文集卷第六



國家圖書館, NATIONAL CENTRAL LIBRARY, TAIWAN, R.O.C.



劉賓客文集卷第七 論下

辯易九六論

與董生言易

辯易九六論

乾之爻皆九而坤六何也世之儒曰吾聞諸孔穎達云陽尊得兼乎陰陰不得兼乎陽也它日子與董生言及易生曰吾聞諸畢中和云舉老而稱也請徵諸揲著夫端策者一變而遇少與歸奇而為五再變而遇少與歸奇而為四三變如之是老陽之數分措于指間者十有三策焉其餘三十有六四四而運得九是已故易繫注云乾一爻三十六策也一變而遇多

與歸奇而為九再變而遇多與歸奇而為八三變如  
之是老陰之數分措于指間者二十有五策焉其餘  
二十有四四四而運得六是已故易繫注云坤一爻  
二十四策也借如一變而遇少再變三變而遇多是  
少陽之數分措于指間者二十有一策其餘二十有  
八四四而運得七一變而遇多再變三變而遇少是  
少陰之數分措于指間者十有七策其餘三十有二  
四四而運得八故九與六為老老為變爻七與八為  
少少為定位故曰舉老而稱亦曰尚變而稱且夫筮  
為乾者常遇七斯乾矣常遇九斯得坤矣筮為坤者

常遇八斯坤矣常遇六斯得乾矣在左氏國語有之  
晉公子親筮之曰尚有晉國得貞屯悔豫皆八八非  
變爻故不曰有所之按次二世而為屯屯之六二為  
世爻震一世而為豫豫之初六為世爻屯之二豫之  
初皆少陰不變斯非八乎卦由老數而舉曰六筮由  
著數故斥曰八在左氏春秋傳有之曰穆姜薨于東  
宮始往而筮之遇艮之八史曰是謂艮之隨夫艮<sub>三</sub>  
艮下之隨<sub>三</sub>震下唯二不動斯遇八也餘五位皆九  
艮上之隨<sub>三</sub>兌上六故反焉筮法以少為卦主變者五而定者一故以  
八為占艮之六二曰艮其腓不拯其隨其心不快史

以為東宮實幽也遇此為不利故從變爻而占苟以說于姜也何則卦以少為主若定者五而變者一即宜曰之某卦觀之否師之臨類是也變與定均即決以內外今變者五定者一宜從少占懼不吉而更之故曰是謂良之隨是謂之云者苟以說也故穆姜終死于東宮與良會耳而杜元凱於此注以為雜用三易故有遇八之云非臻極之理也劉子曰余與董生言九六之義信與理會為不誣矣余又於左氏二書參焉若合形影然而世人往往攘臂于其間曰生之名孰與穎達著邪而材孰與元凱賢邪歷載曠日未

嘗有聞人明是說者雖余憤然用口舌爭特貌從者什一二焉嗟乎由數立文所如皆合昭昭乎若觀三辰其不晦也如此然猶貴聽而賤視斷斷五然莫可更也矧無形之理不可見之道邪余獨悲而志之以俟夫後覺初董生言本畢中和中和本其師師之學本一行云

第一指餘一益三餘二益二第二指餘一益二餘二益一第三指興第一

右揲著數掛從下起指亦自下始第一指法地故益成

第一指遇一益三并掛一為五遇第二指遇一益二并第三指遇一益二并

右三指俱遇少通計十三策其餘三十六策四

四運之得九為老陽故易繫云乾之策二百一十有六注云陽爻九一爻三十六策六爻二百一十有六

第一指遇四益四與掛一為九第二指遇四益三與掛一為八遇三亦同第三指遇四益三與掛一為八遇三亦同

右三指俱遇多通計二十五策其餘二十四策四四運之得六為老陰故易繫云坤之策百四十有四謂陰爻六一爻二十四策六爻一百四十有四

第一指遇一益三并掛一為五第二指遇四益三并掛一為八第三指遇四益三并掛一為八

右初指少第二第三指多以少為主通計二十

一策其餘二十八策四四運之得七為少陽

第一指遇四益四并掛一為九第二指遇一益二并掛一為四第三指遇一益二并掛一為四

右初指多第二第三少以多為主通計一十七策其餘三十二策四四而運得八為少陰

第一指遇少謂一二也並止於五第二指遇多謂三四也並止於八第三指又遇少謂一二也並止於四

右初指少第二指多第三指又少以多為主通計一十七策其餘三十二策四四而運得八為少陰

第一指遇多謂四也止於九第二指又遇多謂三也止於八第三指遇少謂一二也止於四

右初指第二指並多第三指獨少以少為主通

計二十一策其餘二十八策四四運之得七為少陽

第一指遇少止於五

第二指又遇少止於四

第三指遇多止於八

右初指二指並少三指獨多以多為主通計一

十七策其餘三十二策四四運之得八為少陰

穆姜薨于東宮始往而筮之遇艮之八史曰是謂艮

之隨夫艮艮下艮上之隨震下兌上唯六二爻不動餘五

畫變變者遇九六也二不動者遇八也

晉公子親筮之曰尚有晉國得貞屯悔豫皆八夫屯

震下坎上六位畫不遇六九故不動既無所之即以世

爻為占按屯是坎宮二世卦故以一為占則遇八夫

豫坤下震上是震宮一世卦以初六為占亦遇八韋昭

於此注云內曰貞外曰悔震下坎上為屯坤下震上

為豫言得此兩卦震在此為貞在豫為悔八謂震兩

陰爻在貞在悔皆不動所以筮史占之謂閉而不通

者爻無為也乾之策二百一十有六謂陽爻九一爻

當二百一十六言三十六者舉老陽也坤之策一百四十有四謂陰爻

二十四策六爻當百四十有四言二十四者舉老陰也

凡三百有六十當暮之曰二篇之策萬有一千五

百二十當萬物之數六十四卦都三百六十四爻陰

陽相半各一百九十二爻

陽爻一爻三十六策合為六千九百一十二陰爻一爻二十四策合為四千六百八

右六九之數

一行大衍論云三變皆剛太陽之象也三變皆柔太陰之象也一剛二柔少陽之象也一柔二剛少陰之象也少陽之剛有始有牡有究少陰之柔有始有牡有究因綜四象之變而成八象焉八象之位而八卦之本列矣注云太陽始動施于太陰而生震象之七謂少陽之七再動于牡而生坎象之七謂再索而三為震初九

動于究而生艮象之七謂三索而得男也太陰始動施于太

陽而生巽象之八謂少陰之八再動于牡而生離象

之八謂再索而得女也三動于究而生兌象之八謂三索而得女也

是以九六七八分為八象


右大衍論

國語又云董因迎公于河公問焉曰吾其濟乎對曰臣筮之得泰之八曰是謂天地配亨小往大來今及之矣何不濟之有韋昭云泰三至五震象為侯陰爻不動其數皆八與貞也悔豫義同劉子曰昭此說用互體有震按董因之言天地配亨是六五帝乙歸妹

以祉元吉之爻夫泰乾坤體全內外位正內為身外  
 為事卜得國事也以外卦為占六五居尊位故統論  
 卦下辭曰小往大來爻遇歸妹故曰天地配亨何必  
 取互體也

右與董生言易

劉賓客文集卷第七



國家圖書館 NATIONAL CENTRAL LIBRARY TAIWAN R.O.C

劉賓客文集卷第八記上



天平軍節度使廳壁記

汴州刺史廳壁記

國學新修五經壁記

汴州鄭門新亭記

鄭州刺史東廳壁記

管城新驛記

和州刺史廳壁記

山南西道節度使廳壁記

山南西道新修驛路記

天平軍節度使廳壁記

元和十四年春二月王師平河南負固之地十有二  
州憲宗視地圖戶版俾參其地三月有詔其以曹濮  
隸鄭為一隅按部三郡統兵三萬乃新其軍錫號天



平蓋承天威以平暴悖志動揚休在稱為雄新邦始  
徠汚俗猶用朝廷革之以漸故命功臣或辨吏以帥  
焉大和三年冬天平監軍使以故侯病聞上方注意  
治本乃以牙璋玉節鼎右僕射官稱賜東都留守令  
狐公曰予擇文武惟汝兼前年鎮汴州有顯庸往年  
弼憲宗有素貴徒得君重剛吾四支公西拜稽首登  
車有耀不踰旬抵治所夾清河而域之惟鄆州在春  
秋為須句之國涉漢為濟東蓋禹貢兗州之域宣精  
在上奎為文宿畫野在下魯為儒鄉故其人知書風  
俗信厚天寶末大慙起於幽都虜將因兵鋒取其地

右勇左德積六十年公之來思如古醫之治劇病宣  
洩順養氣還神復大凡抗詔條國式於身以先之示  
菲約以裕人信賞罰以格物物力日完人風自移涉  
月報政踰年鼎治牙門之容暨暨而恭壘門之容乞  
乞而和里中之容闐闐而遂勞者以安去者以歸分  
星不搖田祖降福凡革前非罷供第無名錢歲鉅萬  
菽粟如之錦繒且千兩去苛法急徵毀家償租之令  
故流庸自占四萬室衆無吁咨和氣乃來三田仍稔  
草木咸瑞豈偶爾哉初斯堂西墉有刺史記而元戎  
雄尊之位虛其左方豈有待邪公命愚志之俾來者

仰公知變風之自大和五年夏四月二十六日記

汴州刺史廳壁記

本朝以浚儀為汴州刺史治所自隋醜新渠吸黃河而東行州含其樞為天下劇內屏王室東雄諸侯居無事時常帶廉察使兵興已還益以節旄用人得否繫國輕重長慶四年詔書命河南尹敦煌令狐公來蒞來刺錫之介圭使印兵符汴人交賀肴驛騰貴惟是邦始都于魏惠王始郡于宇文周星墮回環天駟垂光地為四戰故其俗右武人具五都故其氣習豪公自為宰相時已熟四方之利病凡所戾止參然前

知既視事三日挹群吏與之言曰吾食止圭田吾用止公入凡它給過制傷廉澆潔者悉罷之壹歸乎公歲凡曲防苛禁不情乖體者悉刻之壹出乎今典凡關征船筭奪時專利者悉更之壹遵乎詔條然後刑麗事而詳賞以時而均興學以勸執示寬以化勇居數月而汴州人恂恂然無復故態明年大成議者若曰奕奕浚都國之咽喉咀清燕和旁暢四支東夏黠馬由我以肥是浚之治非所澤于所履而已初公七代祖在隋為納言大業中持節居此亦號刺史距今餘二百年公實能似既拜闕發魚書合左右契由昨

階躋遐踵前武歆然如聞其馨香肅然如覩其形容  
信乎君子之澤遠而有光輝也它日命遊梁客志之  
書于廳事謹按前賢之在此堂者張平原首之陸氏  
撰節度使記揭于東壁詳矣今公命為刺史記書于  
右端謹月而日之以公為冠大和元年夏五月某日  
記

國學新修五經壁本記

初大曆中名儒張參為國子司業始定五經書于論  
堂東西廂之壁辯齊魯之音取其宜考古今之文取  
其正繇是諸生之師心曲學偏聽臆說咸束之而歸

于大同揭揭高懸積六十歲崩剝污蟻泆然不鮮今  
天子尚文章尊典籍於苑圃不加尺椽而成均以治  
學上言遽賜千萬時祭酒皞實尸之博士公肅實佐  
之國庠重嚴過者必式遂以羨贏再新壁書懲前土  
塗不克以壽乃析堅木負墉而比之其制如版牘而  
高廣其平如粉澤而潔滑背施陰關使衆如一附離  
之際無迹而尋堂皇靚深兩廡相照申命國子能通  
法書者分章揆日遜其業而繕寫焉筆削既成讐校  
既精白黑彬斑瞭然飛動以蒙來求煥若星辰以敬  
來趨肅如神明以疑來質決若著蔡由京師而風天

中山集 卷八  
下覃及九譯咸知宗師非止服逢掖者鑽仰而已於  
是學官某等暨生徒凡四百二十有八人請金石刻  
且歌之曰

我有學宇既傾而成之我有壁經既昧而明之孰規  
摹之孰發揮之祭酒維齊博士維韋俾我學徒弦歌  
以時切切祁祁不敖不嬉庶乎道人來采我詩時余  
為禮部郎凡瞽宗之事得以關決故書之以移史官  
宜附于藝文云

汴州鄭門新亭記

亭于西門尊闕路也實相公以心規群僚以辭叶而  
百工以樂成斧斤無聲丹素有嚴主人肅容落以金  
石走鄭之門欽為右垣黃河一支滉漾北軒前瞻東  
顧蹙動軌直含景生姿逝空欲翔汴城具八方之人  
殊形詭言而耳目一說初公來臨擁節及門馭吏曰  
此鄭州門公心非之若曰野哉居無何即舊號而更  
之曰鄭門故事王人大僚之去來元侯前驅翊門而  
旋率立馬塵坌中挹策為禮公心不然之乃下亭令  
于執事按亭東西函文者三之有奇而南北五之有  
羸樂縣宴豆前後以位綦闔對明弭掀順時修梁衡  
建中虛上荷圓脊方廉高卑中經簾鑪茵帟文櫬睨

中山集 卷六  
榻儲以應猝周用而宜乃命尹閤視亭長抱關視掌  
固啓閉拚除是謹是攷錫命賜胙勞迎贈餞我當躬  
行汝先汝蠲挾膳提醪生芻縞衣我寮展事靡問文  
武汝唯汝從凡入而修容凡出而修輟褻威儀勿  
籍勿訶繇是貴人稱諸朝群吏詠於家行者誇于道  
與人同其安者人人驛其聲而吟之始乎譏譏而成  
乎麗鴻欲無文字不可也公遂條白其所以然遠命  
學古者書之公姓令狐氏以文章典內外書命以暮  
明登左右相以飛語策免以思材復徵自有浚師無  
如今治文武兩熾其古之大臣歟

鄭州刺史東廳壁記

古諸侯之居公私皆曰寢其它室曰便坐今凡視事  
之所皆曰廳其它室以辨方為稱今年鄭州刺史楊  
君作東廳既成而落之且以書抵余為記按國章以  
甲乙第方域大凡環天子之居為雄州鄭實邇王畿  
故望雄視其版多貴人且當大達故務劇君侯始來  
三日司稅掾舉七縣董租之吏累百君曰此百媵也  
悉罷之用戶符而輸入益辨司貢掾舉梨林之征請  
戶曉君曰盡弛之勿籍用平賈而果益精里無吏迹  
民去痼疾授贖占租如臨詛盟土毛人力日夕相長

故周歲而完焉比年而愈肥雖軍興餽輓旁午大將  
牙旗往復相踵而望中清夷雞犬音和人既寧而物  
有餘政既成而日多暇園視舊宇宜有以更之且書  
得時亦以謹始因列名氏授受月而日之庶乎繼踐  
于茲者知貫珠之首其山望澤浸土風眩俗與前賢  
之耿光備于正位有天寶中詞人杜顓之文在大和  
四年某月日

管城新驛記

大和二年閏三月滎陽守歸厚上言臣治所直天下  
大達肘武牢而咽東夏誰何宜謹啓閉宜度先是驛

中驛遠不特四門牡鍵通夕弗禁請更于外墜  
永永便安制曰可守臣奉詔無徵命無奪時糜羨財  
募游手逮八月既望新驛成鄭人胥說琢石而紀曰  
在兌之方面玄負陽門銜周道牆蔭行栗境勝于外  
也遠購名材旁延世工暨塗宣哲銳斲剛滑術精于  
內也遽廬有甲乙牀帳有冬夏庭容牙節廡卧囊橐  
示禮而不恩也內庖外廡高倉邃庫積薪就陽峙芻  
就燥有素而不愆也主吏有第役夫有區師行者有  
饗亭孛行者有別邸周以高墉乃樓其門勞迎展蠲  
潔之敬餞別起登臨之思溱洧波瀾嵩丘雲煙四時

萬象來貺于我走轂奔蹄遄征急宣入而忘勞出必  
屢顧其傳舍之尤乎太守姓楊氏字貞一華陰弘農  
人鄭為雄州非聞人大吏不得在其選夫驛之宜選  
于外也前此二千石嘗言之而重改作若貞一可謂  
果於從政而決行其言惜乎未施於大也

和州刺史廳壁記

歷陽古揚州之邑於天文直南斗魁下在春秋實句  
吳之封後為楚所取秦并天下以隸九江而六為九  
江治所晉平吳復隸淮南至永興初自析為郡益之  
以烏江宋臺建目為南豫州又益之以龍亢梁之亡

齊圖霸功擁貞陽侯以歸王僧辯來迎會于茲地  
二國和協故更名和州陳隋間無所革國朝因隋武  
德中更龍亢為含山初開元詔書以口筭第郡縣為  
三品是為下州元和中復命有司參校之遂進品第  
一按見戶萬八千有奇輸緡錢十六萬歲貢織紵二  
筐吳牛蘇二鈞糝鱣九甕茅蒐七千兩鎮曰梁山浸  
曰歷湖田藝四穀黍全六擾廬有旨酒庖有腴魚神  
仙故事在郊在藪玄元有臺彭鏗有洞名山曰雞籠  
名鳩曰濡湏異有血閭祥有沸井城高而堅亞父所  
營州師五百環峙于東南瀕江劃中流為水疆揭旗

中山集 卷八  
樹絕十有六成自孫權距陳出入六代常為宿兵之地多以材能人處之本朝混一號為善部然用人差輕非復曩時之比也始余以尚書郎得譴刺連山今也由巴東來牧考前二邦之籍與版圖纔什五六而地征三之究其所從來生植有本女工尚完堅一經一緯無文章交錯之奇男夫尚墾闢功苦戀本無即山近監之逸市無嗤眩工無彫彫無游人異物以遷其志副徵令者率非外求凡百為一出於農桑故也繇是而言瘠天下者其在多巧乎寶曆元年六月二十一日刺史中山劉某記

山南西道節度使廳壁記

文皇帝初元始畫天下為十道古荆梁之地舉曰山南厥後析為東西天漢之邦實居右部按梁州為都督治所領十有五州縣道帶蠻夷山川扼隴蜀故二千石有採訪防禦之名兵興多故其任益重澄清節鉞二柄兼委建中末德宗南巡狩偃翠華而徘徊蕭勺之音洽于巴漢戡難清宮六龍言旋廼下詔復除征繇升州為府等威班制與歧益同地既尊大用人隨異故自興元至大和五十年間以勲庸佩相印者三以暮明歷真相者九由台席授鉞未幾復入相者



再馬磊落震耀冠于天下去年夏四月今丞相趙郡公徵還秦階遂命左僕射燉煌公往踐其武鄉之也相及公而十焉初公自河陽節度使入操國柄其後鎮宣武以禮懷獷悍治天平以清去掇克居大鹵以仁蘇荐饑今來是都躡二三大君子之躅道同氣協無所改更如鼓和琴布指成韻羌夷砥平旱麓發生人無左言樂有夏聲俗既富庶居多閒暇園視府局素闕者補之先是公堂嘗為行殿人不敢斥別營侯居應門有閹祭戟未具公乃條白上言詔下有司可其奏軍門肅清方有眉目趨而入者聳然生敬焉惟

梁山國也其節用虎出揚其威入貯宜潔舊處仄門黜其雄稜公遂分宅之別齋且據便地署曰節室卜剛日乃遷焉敬君命而壹民心軍中增氣而知禮戟衣既垂師節既嚴流眄屋壁見前修之名氏列于坐右第以梁州刺史鼎興元尹記與今稱謂不合因發函進牘于不佞且曰我已飾東壁以新志累子於是按南梁故事起自始登齋壇之後為記云時開成二年歲在丁巳春二月某日記

山南西道新修驛路記

開成四年梁州牧缺上玩其印凝旒深思曰伊爾卿

族歸氏以文儒再世居喉舌今天官貳卿融能嗣其  
耿光嘗自內庭歷南臺尹轂下政事以試可為元侯  
乃付印綬進秩大宗伯兼御史大夫王節獸符鎮于  
媯墟公拜手稽首曰臣融敢揚王休于天漢之域既  
蒞止咨于群執事求急病者先之咸曰華陽黑水昔  
稱醜地近者嘗為王所百態丕變人風邑屋與山水  
俱一都之會目為善部矣唯驛遽之途歌危隘束其  
醜尚存使如周道在公願指耳於是四年有秋因府  
無事軍逸農隙人思賈餘乃懸壘山刊木之傭募其  
力揆鑛鑿撞秘之用庀其工具舁輦畚鍤之器膺其

要蓐鼓以程之糗醪以犒之說使之令既下奮行以  
徒空集我之提封踞右扶風觸劔閣千一百里自散  
關抵褒城次舍十有五牙門狩賈黯董之自褒而南  
逾利州至于劔門次舍十有七同節度副使石文穎  
董之兩將受命分曹星馳並山當蹊頑石萬狀坳者  
埕者兀者鈔者磊落傾歌波翻巖導熾炭以烘之嚴  
醢以沃之潰為埃煤一篲可埽棧閣盤虛下臨噉呀  
層崖峭絕柵木亘鐵因而廣之限以鉤欄狹逕深陁  
銜尾相接從而拓之方駕從容急宣之騎宵夜不惑  
邠曲稜層一朝垣夷興役得時國人不知繇是駛行

者忘其勞吉行者徐其驅孥行者家以安貨行者肩  
不病徒行者足不躓乘行者蹄可利公談私詠溢于  
人聽伊彼金其牛而誘之以利曷若我子其民而來  
之以義乎既訖役南梁人書事于牘請紀之以附于  
史官地里志

劉賓客文集卷第八



劉賓客文集卷第九記下

夔州刺史廳壁記

連州刺史廳壁記

機汲記

洗心亭記

復荊門縣記

夔州刺史廳壁記

夔在春秋為子國楚并為楚九縣之一秦為魚復漢為固陵蜀為巴東梁為信州初城于瀼西後周大總管龍門公拓王述登白帝歎曰此奇勢可居遂移府于今治所是歲建德五年隋初楊素以越公領總管又張大之唐興武德二年詔書其以信州為夔州七

年增名都督府督黔巫一十九郡開元中猶領七州  
天寶初罷州置郡號雲安至德二年命嗣道王鍊為  
太守賜之旌節統破中五郡軍事乾元初復為州偃  
節于有司第以防禦使為稱尋罷以支郡隸江陵按  
版圖方輸不足當通邑而今秩與上郡齒特以帶蠻  
夷故也故相國安陽公乾曜嘗參軍事修圖經言風  
俗甚備今以郡國更名之所以然著于壁云凡名殊  
必以國事建必以年謹始也長慶二年五月一日刺  
史中山劉某記

連州刺史廳壁記

此郡於天文與荊州同星分田壤制與番禺相犬牙  
觀民風與長沙同祖習故嘗隸三府中而別合乃今  
最久而安得人統也按宋高祖世始析郴之桂陽為  
小桂郡後以州統縣更名如今其制誼也郡從嶺州  
從山而縣從其郡邑東之望曰順山由順以降無名  
而相歆者以萬數回環鬱遶迭高爭秀西北朝拱于  
九疑城下之浸曰湟水由湟之外支流而合輸以百  
數淪漣汨瀟擘山為渠東南入于海山秀而高靈液  
滲瀝故石鍾乳為天下甲歲貢三百銖原鮮而膺卉  
物柔澤故紵蕉為三服貴歲貢十筭林富桂檜土宜

陶旒故侯居以壯聞石侔琅玕水孕金碧故境物以麗聞環峯密林激清儲陰海風毆溫交戟不勝觸石轉柯化為涼颼城壓赭岡踞高負陽土伯噓濕抵堅而散襲山逗谷化為鮮雲故罕罹嘔泄之患亟有華皓之齒信荒服之善部而炎裔之涼墟也永貞元年余始以尚書外郎坐黨累出補茲郡居無何吏議以是遷也不足庚其責故道貶為朗州司馬後十年詔書徵還抵京師俄復前命佩故印綬而南曩之騎竹馬北向相俟者咸仕郡縣中韓求迎下車之日私言且笑既視事得前二千石名姓于壁端宰臣王峻倖

卿劉冕儒官嚴士元間人韓泰僉拜馬或父於其治功利存乎人民或不之厥官翹顛載于歌謠余不佞從群公之後肇武德距于今凡五十有七人所舉者四君子猶振裘之於領袖焉元和十一年七月二十四日刺史中山劉某記

機汲記

瀕江之俗不飲於鑿而皆飲之流予謫居之明年主人授館于百雉之內江水汙汙周墉間之一旦有工爰來思以技自賈且曰觀今之室廬及江之涯間不容畝顧積塊峙焉而前耳請用機以汲俾蠢然之狀

莫我遏已予方異其說且命之飭力焉工也儲思環視相面勢而經營之由是比竹以為畚寘于流中中植數尺之臬輦石以壯其趾如建標焉索綯以為緼縻于標垂上屬數仞之端亘空以峻其勢如張弦焉鍛鐵為器外廉如鼎耳內鍵如樂鼓牝牡相函轉於兩端走于索上且受汲具及泉而修綆下緹盈器而圓軸上引其往有建執之駛其來有推轂之易瓶縮不羸如搏而升枝長瀾出高岸拂林杪踰峻防剗蟠木以承澍貫修筠以達脉走下潺潺聲寒空中通洞環折唯用所在周除而沃盥以蠲入爨而錡釜以盈

餽餽之餘移用于湯沐涑澣之末泄注于圃畦雖漢湧于庭莫尚其霑洽也昔予嘗登陴捫然念懸流之莫可遽挹方勉保庸督臧獲輶而挈之至于裂肩龜手然猶家人視水如酒醪之貴今也一任人之智又從而信之機發于寘寘而形於用物浩漾東流赴海為期幹而遷焉逐我願指鄉之所謂阻且艱者莫能高其高而深其深也觀夫流水之應物植木之善建繩以柔而有立金以剛而無固軸卷而能舒竹圓而能通合而同功斯所以然也今之工咸盜其古先工之遺法故能成之不能知所以為我也智盡于一端

功止于一名而已噫彼經始者其取諸小過歟

洗心亭記

天下聞寺數十輩而吉祥尤章章躡名山俯大江荆吳雲水交錯如繡始予以不到為恨今方珥所恨而充所望焉既周覽讚嘆於竹石間最竒處得新亭形焉如巧人畫鰲背上物即之四顧遠邇細大漣然陳乎前引人目去求瞬不得徵其經始曰僧義然孺侶為工即山求材槃高孕虛萬景全來詞人處之思出常格禪子處之遇境而寂憂人處之百慮冰息鳥思猿清繞梁歷榭月來松間彫鏤軒墀石列筍簷藤蟠

蛟螭修竹萬竿夏含涼颺斯亭之實錄云爾然上人舉如意挹我曰既志之盍名之以行乎遠夫余始以是亭園視無不適始適乎目而方寸為清故名洗心長慶四年九月二十三日劉某記

復荆門縣記

直故郢北走之道其聚邑曰荆門揭起重關殿于樂都名視縣內之制居殿形束之要故吏師重焉通外民之底貢會南藩之述職故賓禮蕃焉其肇允經營實王孫昌夔居荆以表之命行名建而締構之弗暇無幾何有由勇爵而授赤社于茲者徼馳名於省嗇



謂相沿為非智因請罷去其號發踐更以董之有司不能端究事本循空言而可其奏繇是分地征以歸它邑野之人有回遠之歎廢文吏而顯戍督行之旅有誰何之難是利不及下也黎民病之自馱而南斯為畫疆抵郡之路貫其七舍持瑞節而銜急宣之使蓋陰相交遂使服縵胡者備問俗之對執刀匕者申餼牽之禮是敬之不及賓也君子病之如是幾二十歲距永貞元年江陵尹裴公政成上游德及於人大建長利俾無遺害乃外濟群欲內張全摹周圍經制條白于狀昌言既從公議攸同志勞之徒樂用之工

載大其門載高其墉徑術脉分闌閭架空然後析便地以肥之建具官以司之糜羨財以償其力役汰冗食以資其秩稍田里不聞於徵令縣官無減於歲入越某月既成而落之官修其方人樂其居將迎犒餼之儀展廢置符繻之事舉戍夫有伍公吏有職由彙而分率無踰閑入其封者可以知教元和元年四海會同天子命公師長南宮三年公以介圭入覲途出斯邑邑人之華皓幼童咸湏于道周距躍而謠曰起我堙廢而完之徠我蕩析而安之昔室于墟風搖雨濡自公優柔邠閑盈兮昔飲于滂夏溷冬枯自公感

通感涕生兮淑旂之華兮四牡之駢俟公之還兮觴  
以祝之郤略騙蹶百形一音公為駐錯衡而勞之有  
以文從公者紀事于牘且曰民可懷也盍命夫學舊  
史之事以志焉公不得讓而從之走是以有授簡之  
辱初公以縣之之便聞于上也禹錫方以郎位貼職  
于計曹章下之日得以省事逮今以遷人獲宥于善  
部工休之日得以踐履故於拜命無牢讓於傳信無  
愧詞以為古之創物建庸宜于人民而得其時者則  
必訝其事功為後代法雅有營謝美召伯也傳稱城  
沂賢為教也賦水泉原隰之狀志慮事命日之規當

武陵北亭記

書而詠之細亦弗可畧也是用謹其本始而存乎篇  
俾後之視今者知楚郊之令典云

郡北有短亭繇舊也亭孤其名地藏其勝前此二千  
石全然見之建言而莫踐去之日率遺恨焉七年冬  
詔書以竹使符授尚書水曹外郎竇公常曰命爾為  
武陵守莅止三月以碩畫佐元侯平裔夷降渠魁又  
三月以順令率蒸民增水坊表火道是歲大穰明年  
政成農緣畝以勇勸工執技以思賈因民之餘力乘  
日之多暇乃顧其屬曰郊道有候亭示賓以不恩也

雖聞茲地韜美未發豈有待邪自吾之治于斯也購  
徒庀材大起堙廢未嘗植私庭礮燕寢後必先公人  
不余瑕調賦幸均矣城池幸完美而重浹辰之役掠  
苟簡之間卒使勝蜀冒沒猶璞而不攻懼換符之日  
遠復齎恨無乃遺誥於來者乎言得其宜智愚同贊  
於是撤故材以移用相便地而居要去凡木以顯珍  
茂汰汚池以通淪漣自天而勝者列於騁望由我而  
美者生於頤指箕張筵楹股引房櫬斧斤息響風物  
異態大道出乎左藩澄湖浸乎前垠仙舟祖輶繇是  
區處九月壬午工告休亭長受成赤車威遲于以落

之肅賓而入園視有適沈水北澳陽山南麓黠馬遠  
遽雄殿郊隅前軒舒陽朱檻環之舞衣回旋樂簾參  
差北廡延陰外阿旁注芊眠清泚羅入洞戶初筵脩  
平彫俎靜嘉林風天籟與金奏合亦既醉止州從事  
舉白而言曰室成于私古有發焉矧成于公庸敢無  
詞觀乎棼楣有嚴丹雘相宣象公之文律擘然而光  
也望之弘深即之坦夷象公之酒德溫然而達也庭  
芳萬本附萼交映如公之家肥熾而昌也門闢戶闔  
連機弛張似公之政經便而通也因高而基因下而  
池躋其高可以廣吾視泳其清可以濯吾纓俯于達

惟行旅謳吟是采轍于野惟稼穡艱難是知雲山多  
狀昏旦異候百壺先韋之餞迎退食私辰之宴嬉觀  
民風於嘯詠之際展宸戀於天雲之末動合于誼匪  
唯寫憂公曰夫言之必可書者公言也從事不以私  
視予余從而讓之是自還也其可乎迺授簡于放臣  
俾書以示後後之思公者雖灌叢萋草尚勿翦拜矧  
暈飛之革然石刻之隱然歟

劉賓客文集卷第九

四月初一日



國家圖書館 NATIONAL CENTRAL LIBRARY TAIWAN R.O.C.

荅客文集卷第十書

上杜司徒書

獻權舍人書

為京兆李尹荅于襄州第一書

為京兆李尹荅于襄州第二書

荅饒州元使君書

荅容州竇中丞書

荅柳子厚書

與柳子厚書

荅道州薛郎中論方書書

與刑部韓侍郎書

與道州薛郎中論書儀書

上杜司徒書時元和元年

月日故吏守朗州司馬員外置同正員劉某謹齋沐



中山集 卷十  
致誠命僕夫持書敢獻于司徒相公閣下昔稱韓非  
善著書而說難孤憤尤為激切故司馬子長深悲之  
為著于篇顯白其事夫以非之書可謂善言人情使  
逢時遇合之士觀之固無以異於它書矣而獨深悲  
之者豈非遭罹世故益感其言之至邪小人受性顯  
蒙涉道未至末學見淺少年氣粗常謂盡誠可以絕  
嫌猜狗公可以弭讒愬謂慎獨防微為近隘謂艱貞  
用晦為廢忠芻狗已陳刻舟徒識罟獲隨足悵然無  
知事去凝想時時自笑然後知韓非之善說司馬子  
長之深悲跡符理會千古相見雖欲勿悲可乎大凡

怕人之所以靈於庶類以其能群以勝物也烈士之  
所以異於怕人以其伏節以死誼也然則交相喪者  
世與道難合并者機與時是以有死誼之心而卒不  
獲其所者世人悲之獲其所矣而一旦如不得終焉  
者君子悲之世人之悲悲其不遇無成而虧故其感  
也近君子之悲悲其不幸既得而喪故其感也深其  
悲則同其所以為悲則異若小人者其不幸歟間者  
昧於藩身推致危地始以飛謗生釁終成公議抵刑  
旬朔之間再投裔土外贖相公知人之鑑內貽慈親  
非疾之憂常恐恩義兩乖家國同負寒心銷志以生

中山集 卷一 三  
為慙雖欲瀝血以自明顓天以自訴適足來衆多之  
誚豈復有特達見知者邪遂用詛盟於心不復自白  
以內咎為弭謗之具以吞聲為窒隙之媒庶乎日月  
至焉而是非乃辨會友人江陵法曹掾韓愈以不幸  
相悲且曰相國扶風公之遇子也厚非獨余知之天  
下之人皆知之矣余聞初子之橫為口語所中獨相  
國深明之及不得已而退則為之流涕以訣又不得  
已而譴則為之擇地以居求之於今難與侔矣抑余  
又聞曩子之介于司徒府奉誠敬於山園上公亟稱  
於人以為不懈于位今則有修議以贊其詔相者有

備物以贊其容衛者七月禮畢一朝慶行誥言敷之  
授以顯秩子獨足趾一跌而前勞併捐祝網之辰動  
絳竦目可封之代乃為窮人斯常情之所悲矧知子  
之厚者夫陪者思起必諱而求拯疾者思愈必呻而  
求醫子宜諱於有力而呻於有術如何以箝口自絕  
為智以甘心受誣為賢噫然自咎求知於默彼李斯  
逐焉而為上卿鄒陽囚焉而為上客二子者豈默以  
求知者邪若可訴而不言則陷於畏可言而不辯則  
隣於怨畏與怨君子之所不處子其處之哉韓生之  
言未及竟而小人不知感從中來始赧然以愧又缺

中山集 卷十  
然以慄終悄然以悲悲斯歎歎斯憤憤必有泄故見  
乎詞敢聞左右投所閔也嗟夫人之至信者心目也  
天性者父子也不惑者聖賢也然而於竊鈇而知心  
目之可亂於掇蜂而知父子之可間於拾煤而知聖  
賢之可疑况乎道謝孔顏恩異天性是非之際愛惡  
相攻爭先利途虞相軋則釁起希合貴意雖無嫌而  
謗生魯酒致邯鄲之圍飛鳶生博者之禍伯仁之殺  
由偶對伯奢之寃以器聲動罹險中皆出意表雖欲  
周防亦難曲施加以吠聲者多辨實者寡飛語一發  
臚言四馳萌牙始奮枝葉俄茂方謂語怪終成禍端

嗚呼人必求知不能自達何按分效節有積塵之歎  
何諧行愛地有決防之易何將進之日必自見其可  
而後親何將退之時乃人言其否而遂棄良由邪人  
必微邪謀必陰陰則難明微則易信罔極大甚古今  
同途是以前修鑒其若此姑以推心取信不以循迹  
生嫌由是求忠臣於孝子求良婦於罵已食子盡節  
也推其忍可以疑心放麤違命也推其仁可以屬國  
若謂其孝於親未必能忠專於夫未必能貞忍於子  
未必能忍於其它仁於獸未必能仁於其類則是天  
下之人盡不可信而盡可誣固不然也凡人之行已



必恒於所安苟非狂易不能甚異小人自居門下僅踰十年未嘗信宿而不侍坐率性所履固無遁逃言之闕足見真態伏惟推心以明其迹追往以鑒于今苟謂其嘗掩人以自售矣嘗近名以冒進矣嘗欺謾於言說矣嘗沓貪於求取矣嘗狎比其瑣細矣嘗媒孽其僚友矣嘗矯激以買直矣嘗詬譎以取容矣嘗漏言於咨誅矣嘗敗務以簿書矣有一于此雖人謂其賢我得而刑也豈止於棄乎苟或反是雖人謂其盜我得而任也庸可而棄乎由是而言小人之善否不在衆人所以受譴已還行及半歲當食而歎聞

我尚驚不以衆人之善為是非唯以相公之意為衡準自違間左右亟蒙簡書慰誨勤勤窮頓增感伏想仁念必思有以拯之况禮道貴終人情尚舊嘗盡其力必加以仁於犬馬之微有惟蓋之報顧異於是豈無庶幾儻浮言可以事久而明衆嗤可以時久而息弘我大信以祛群疑使瑩瑩微志無已矣之歎觀乎異日得夷平民然後裹足西向謝恩有所復以塵纓鰲貌稱故吏於相門此言朝遂可以夕死何則復於變者其義重拯於危者其感深睽而後合示終不可睽也否而後泰示終不及否也獲寶於已喪得途於

既迷與夫平居不為艱故所激者其味異矣伏以大  
君繼明元宰柄用鴻鈞播平分之氣懸象廓無私之  
照渙汗大號與人惟新昭回汪濊旁下郡國投荒為  
民者咸釋拳楛遂還里閭繫於稍食猶在羈絆伏讀  
赦令許移近郊今武陵距京師贏二千者無幾小人  
祖先壤樹在京索間瘠田可耕陋室未毀濡露增感  
臨風永懷伏希閔其至誠而少加推恕命東曹補吏  
置籍於滎陽伍中得奉安輿而西拜先人松楸誓當  
齋志沒齒盡力於井臼之間斯遂心之願也如或官  
謬未塞私欲未從雖為裔民乃有善地則北距澧浦

資宿春而可行無道途之勤蠲僕賃之費重以鎮  
用和輔理扇仁風於上游霽嚴施惠得以自遂斯便  
家之願也伏惟降意詳察擇可行者處之乞恩於指  
顧之間為惠有生成之重雖百穀之仰膏雨豈喻其  
急焉嗟哉小生仕逢聖日豈曰不辰知有相居豈曰  
不遇而乘運鍾否俾躬罹災同生無手足之助終歲  
有病貧之厄孰不求達而獨招嫌孰不求安而獨乘  
次賦命如此雖悔可追湘沅之濱寒暑一候陽鴈纒  
到華言罕聞猿哀鳥思啁啾響異莫夜之後併來愁  
腸懷鄉倦越吟之苦舉目多似人之喜俯視遺體仰

安高堂悲愁惴慄常集方寸盡意之具固不在言身  
遠與寡捨茲何託是以因言以見意恃舊以求哀敢  
希末光下燭幽螫孤志多感重恩難忘顧瞻門館慙  
戀交會伏紙流涕不知所云禹錫惶悚再拜

獻權舍人書

禹錫在兒童時已蒙見器終荷薦寵始見知名衆之  
指目忝閣下門客懼無以報稱故厚自淬琢靡遺分  
陰乃今道未施於人所蓄者志見志之具匪文謂何  
是用顛顛懇懇於其間思有所寓非篤好其章句沈  
溺於浮華時態衆尚病未能也故拙於用譽直繩朗

鑿樂所趨也故銳於求益今謹錄近所論撰凡十數  
篇蘄端較是非敢關於左右猶夫曠朴納於容範嘗  
聞昔宋廣平之沈下僚也蘇公味道時為繡衣直指  
使者廣平投以梅花賦蘇盛稱之自是方列于聞人  
之目是知英賢卓犖可外文字然猶用片言借說於  
先達之口席其勢而後驥首當時矧碌碌者疇能自  
異今閣下之名之位過於蘇公之曩日而鄙生所賦  
或鉅於梅花則沈泥干霄懸在指顧間其詞汰而喻  
僭誠黷禮也繫游藩之久覲尚舊而霽嚴禹錫惶悚  
再拜

為京兆李尹荅于襄州第一書

閭下以大墓世在三原而去河南益遠尚繫於數百年之外於義不安遂奮然移群從率先行古占數為京兆人且命使者修敬於鄙薄缺然不敢當此之重洪惟閭下世雄朔易四姓之冠其宗勲有八柱之貴其碩德有三老之重因都入雒錫之土田自生齒已上列于侯籍與夫其先嘗為編戶民者大殊謹按水徽格貫在兩都者無害為本部官蓋神州赤縣尊有所厭非它土之比實待罪輦轂下閭下宣風江漢為諸侯師介圭入覲必參大政其展禮措事宜為群倫

所觀非據之榮赧然汗下不宣實再拜

第二書

實白前辱閣下書厚自枉屈執州人之禮兼示移群從書明所以去河南從京兆為望之旨於古儀為得然而通行之自義或獻疑焉是以前書不敢不逡巡牢讓亦有以發閣下之雄辨使矚然為世程者今月某日函使至果貽理言大明時人之所以失而我獨障頽波而逢其原既一辭不獲命又學淺不堪徃復敢不敬從前史稱以大將軍而有揖客豈不為重循汲直之言則有以略其禮而增高者今鄙人之不讓

適有以增閭下之重耳實白

答饒州元使君書

傳使至蒙致書一函巨示政事與治兵之要明禮以  
及用通經以知權視陰陽協舒之節取震虢澤濡之  
象知天而不泥於神怪知人而不遺於委瑣先鄉社  
之治以決于舉郡首隊伍之法以及于成師猶言數  
者起一而至萬操律者本黃鍾以極八音誠通人之  
說章章必可行者也鄙生涉吏日淺嘗耳剽老成人  
之言熟矣今研覈至論淵乎有味非游言架空之徒  
喜未嘗不至朴也故揚權所見以累下執事云蓋豐

荒異政繫乎時也夷夏殊法牽乎俗也因時在乎  
相因俗在乎便安不知發斂重輕之道雖歲有順成  
猶水旱也不知日用樂成之義雖俗方阜安猶蕩析  
也徙木之信必行則民不惑此政之先也置水之清  
必勵則人知敬此政之本也鉅簡之機或行則姦不  
敢欺此政之助也則有以其弛張雄雌唯變所適古  
之賢而治者稱謂各異非至當有二也顧遭時不同  
耳夫民足則懷安安則自重而畏法乏則思濫濫則  
迫利而輕禁故文景之民厚其生為吏者率以仁恕  
顯武宣之民亟於役為吏者率以武健稱其寬猛迭

用猶質文循環必稽其弊而矯之是宜審其救奪耳  
太史公云身脩者官未嘗亂也然則脩身而不能及  
治者有矣未有不自已而能及民者今之號為有志  
於治者咸能知民困於杼袖罷於征徭則曰司牧之  
道莫先於簡廉奉法而已其或材拘於局促智限於  
罷懦不能斟酌盈虛使人不倦以不知事為簡以清  
一身為廉以守舊弊為奉法是心清於棖闈之內而  
柄移於胥吏之手歲登事簡偷可理也歲札理業則  
潰然攜矣故曰身脩而不及理者有矣若執事之言  
政詣理切情斥去迂緩簡而通和而毅其脩整非止

乎一身必將及物也其程督非務乎一切必將經遠  
也坊民之理甚周而不至皎察字民之方甚裕而不  
使侵蟬知革故之有悔審料民之多撓厚發姦之賞  
峻欺下之誅調賦之權不關於猾吏逋亡之責不遷  
於豐室因有年之利以補敗汰不急之用以嗇財為  
邦之要深切著明若此其悉也推是言按是理而篤  
行之烏有不及治邪古稱言之必可行非樂垂空文  
耳有人民社稷固可踐其言也瀕江之郡饒為大履  
番君之故地漸甌越之遺俗餘干音有畝鍾之地武  
林有千章之材其民牟利鬪力狃於輕悍故用暴虐

聞重以山茂積苦金豐鐐銑齊民往往投鉞鋌而即  
錘鑄損絲帛而工塞槓乘時詭求其息倍稱間聞主  
分土者盡籠其利而幹之坐簿書舛錯為中執法所  
劾事下三府以受賕論其刑甚渥于今列郡不寒而  
慄彼邦人聆其風聲固曰彼浚民者上罪之若此其  
念民也至矣今二千石以前失職非其罪執事者即  
人心而用之彼邦人是必翹然須其至而安矣以思  
治之民遇習治之守欲不至於富庶得乎昌黎韓宣  
英好實蹈中之士也前為司封郎以餘刃割劇于計  
曹號無遺事能承其家法而紹明之庭堅仲容之族

也坐事為彼郡司馬更閏餘者再馬是必能知風俗  
之良窳采察之善否蓋嘗問焉足為群疑之寶龜也  
至於否臧文律戢玩之戒均權以制動函隸以稔勇  
平居使不墮萃聚使不譁坐作疾徐心和氣振誠纖  
悉於所示也故置之以須執事異日承進律之命握  
獸符而駕寅車然後貢其瞽言重曉左右耳

卷容州實中丞書

健步劉子良至猥奉書教以愚為希儒之徒重言一  
發華袞非貴世之服儒衣冠道古語居學官者為不  
鮮矣求其知所以然者幾何人借曰有之未必不詬

病耳今夫挾弓注矢邇空而發者人自以為皆羿可  
矣移之於澤宮則噤而不敢言何哉有的不可欺故  
也今夫儒者函矢相攻蝸蟾相喧不啻於穀弓射空  
矢者孰為其的哉異日兄道大行則言益重使儒者  
之的懸於舌端不得讓也由是知辱教之喜可勝既  
乎間承得一二易生列侍絳帳荒服之外持經鼎來  
爭指珠璣以易編簡不疾而速其君子之德風與而  
裔憬俗已丕變矣顧其風候非民和可移地泄恒燠  
冬無嚴氣其在嗇神以佐藥兼味以禦稜所謂養賢  
以及萬民頤之時義不可不順苟以有待及物為心

則養已與養民非二道也矧群情之顛顛乎禹錫再  
拜

荅柳子厚書

禹錫白零陵守以函置足下書爰來眉末三幅小章  
書僅千言申申疊疊茂勉甚悉相思之苦懷膠結贅  
聚至是泮然以銷所不如晤言者無幾書竟獲新文  
二篇且戲余曰將子為巨衡以揣其鈞石銖黍余吟  
而繹之顧其詞甚約而味齋然以長氣為幹文為支  
跨躒古今鼓行乘空附離不以鑿枘咀嚼不有文字  
端而曼苦而腴佶然以生癯然以清余之衡誠懸于



心其揣也如是子之戲余果何如哉夫矢發乎羿彀而中微存乎它人子無曰必我之師而能我衡苟然則譽羿者皆羿也可乎索居三歲理言蕪而不治臨書軋軋不具禹錫曰

與柳子厚書

間發書得筆郭師墓志一篇以為其工獨得於天姿使木聲絲聲均其所自出抑折愉繹學者無能如繁休伯之言薛訪車子不能曲盡如此能令鄙夫冲然南望如聞善音如見其師尋文寤事神驚心得倘佯伊鬱久而不能平嗟夫郭師與不可傳者死矣弦張器存布方冊者是已余之伊鬱也豈獨為號師發邪想足下因僕書重有槩耳不宣禹錫白

荅道州薛侍郎論方書書

禹錫再拜初无出中臺守江華人咸曰函牛之鼎以之烹小鮮惜乎餘地澶漫而無庸也愚獨心有槩焉以為君子受乾陽健行之氣不可以息苟吾位不足以充吾道是宜寄餘術百藝以洩神用其無暇日與得位同义欲以是理求有得於无而未有路會崔生來辱書教果惠以所著奇方十通商古今之宜而去

其并猥以一物足以了病者居多非累試輒效不在是族或取諸屑近亦以攬拾慮恒人多怠忽不省必建言顯白揚其功於已然其它立論率以殫病於將然為先而攻治為後言君臣必以時言宣補必以性言砭火必本其輸榮言被攘必因其風俗齊和之宜炮剔之良暴灸有陰陽之候煎烹有少多之取撓猷反勞以制駛露置以養潔味有所走薰有所歸存諸臆悉易則生患非博極遐覽之士孰能知其所從來哉愚少多病猶省為童兒時夙具襦袴保姆抱之以如醫巫家鍼烙灌餽坦然啼號巫姬輒陽陽滿志

手直求竟未知何等方何等藥餌及壯見里中兒年齒比者必睨然武健可愛羞已之不如遂從世醫號富於術者借其書伏讀之得小品方於群方為最古又得藥對知本草之所自出考素問識榮衛經絡百骸九竅之相成學切脉以探表候而天機昏淺布指於位不能分累菽之重輕第知息至而已然於藥石不為惜矣爾來垂三十年其術足以自衛或行乎門內疾輒良已家之嬰兒未嘗詣醫門求治者頃因欲編次已試者為一家方書願力不足今尤能我先所以辱貶之喜信踰拱璧有以賞音適道耳常思世人

居平不讀一方病則委千金於庸夫之手至于甚殆  
而曰不幸豈真不幸邪甚者或乘少壯之氣笑人言  
醫以為非急昌言曰飴口飽腹藥其如我何所承之  
氣有時而既於禱神佞佛遂甘心焉况以愚言覆觀  
之其人固比肩耳前蒙示藥焙法謹如教地之慝果  
不能傷雖音蒞胡水馮喜速朽者率父居而無害萬  
物不可以無法謂生不由養致其誣乎山川匪遐事  
使之遠形不接而諭者莫賢乎書臨紙怙悵不宣禹  
錫再拜

與刑部韓侍郎書

退之從丞相平戎還以功為第一官然猶議者然  
如未遷陟此非特用文章學問有以當衆心也乃在  
恢廓器度以推賢蓋材為孜孜故人心樂其道行行  
必及物故耳前日赦書下郡國有棄過之目以大國  
材富而失職者多千鈞之機固省度而釋豈鼯鼠所  
宜承當然譬諸蟻蟲坯戶而俯者與夫槁死無以異  
矣春雷一振必歆然翹首與生為徒况有吹律者召  
東風以薰之其化也益速雷且奮矣其知風之自乎  
既得位當行之無忽禹錫再拜

荅連州薛郎中論書儀書

吾兄不知愚無似猥以書見攻其非且曰我與子中外屬當為伯仲其抵我書執禮太卑按舊儀凡兄弟之齒有唯無伏它以是為衰其於匹敵即前云願後云白而已大曆初李贄皇賈常侍猶守之無渝二公何人也我與子何人也烏有從未俗以姑息為禮而不虞識者所窺邪其旨云爾愚得書退而思惟愀然自賀曰在怕人為宜而在愚為過豈不能幸歟故盡言於兄期有以相暢耳夫禮之文為著定宜尊宜卑猶四方上下左右前後稱謂一立古先聖賢所不敢移管敬仲不敢當命卿之饗虞人不敢承士之招先

禮而後身也汲黯不為大將軍而虧九卿王祥不為錄尚書而屈三公先道而後時也是則非據之榮雖君命有所不受非道之利雖衆尚有所不為兄長於大曆初嘗接前輩游故其風采去承平時不甚相遠愚長於貞元中所與游皆後來諸生然猶於稠人廣坐時聞老成人之說灌注耳目斑斑然不絕如綫其後為御史四方諸侯悉以書來賀校其禮皆駁不同唯洪州牧李常侍異潭州牧楊中丞憑始言執事其它如儀而同在憲司者咸以二牧為不遜愚時與其僚柳宗元昌言於衆曰監察八品也當衣碧言執事

為宜不當經怪衆咸听然而哈復謂愚云子奚不碧其服邪其不堪執事色深不可以言解及謫官十年居僻陋不聞世論所以書相問訊皆昵親密友不容變更而時態高下無從知耳前年祇召抵京師偶故人席夔談因及是事乃知與十年前大殊至有同姓屬尊致書於屬卑而貴者其紙尾言起居新婦夔獨竊笑之而已然猶不敢顯言詆之今有人謂東為西者一言發則凡人嗤為駭且狂苟不衆非之則東西易位又矣尊卑失其儀恬而不愜安得使人如東西不敢易之哉曾子有云君子之愛人也以德細民之

愛人也以姑息謂古人悉朴且賢則斯言不當發於洙泗間耳蓋三代之尚未嘗無弊由野以至僿豈一日之為漸靡使之然也嫉其弊而救之以歸于中道以俟乎薦紳先生德與位并者揭然建明之斯易也語曰俟自直之箭則百代無一矢俟自圓之木則千歲無一輪執矯揉之器者視之灌叢無非良材耳竊觀今之人於文章無不慕古甚者或失於野於書疏獨陋古而汨於浮二者同出於言而背馳非不能盡如古也蓋為古文者得名聲為今書者無悔吝如水

未為關

中山集

卷十

十一

劉賓客文集卷第十



國家圖書館, NATIONAL CENTRAL LIBRARY, TAIWAN, R.O.C.

劉賓客文集卷第十一

表章一為淮南杜相公佑修凡十首

讓同平章事表一首 謝平章事表一首

謝手詔表詔後敕新批謝貸錢物表



請赴行營表一首 謝兵馬使朱鄭等官表

賀復吳少誠官爵表一首 賀除虔王表一首

慰義陽公主薨表一首 慰王太尉薨表一首

讓同平章事表

臣某言高品吳千金至奉制加臣銀青光祿大夫同中書門下平章事兼徐泗濠等州節度觀察處置等使餘如故者初受恩榮若登霄漢退思塵忝如履春



水臣誠惶誠恐頓首頓首臣聞以德詔官以勞定賞苟或虛授人無勸心臣自守方隅累更時歲荷唐虞宣力之寄乏齊魯報政之能愧無可稱以荅高位豈意聖慈弘獎天澤薦加以燮贊之崇名被庸虛之陋質懼速官謗有玷大猷伏以宰相之職安危是注其在當否繫于慘舒惟以材陛例無平進舉不失德則副蒼生之心苟非其人或致外夷之哂臣雖愚昧嘗覽前言豈敢冒榮遂安竊位輒思事理冀盡芻蕘若以汴河要津漕運所切徐方倣擾師旅未寧謹當上稟獻謀下貞戎律克期而進屈指可平勵衆之先是

臣之志既行其事必在正名所加節制安敢飾讓至於銀青貴服金鉉重名勲績無聞豈宜濫及伏乞賜寢前命俯亮愚衷微臣遂知止之宜聖朝無不稱之服名器斯慎退讓有聞遐邇聆風孰不知勸其新授官告謹重封進無任懇禱屏營之至

謝平章事表

臣某言伏蒙獎拔超踐鈞衡處玷大猷昧死陳讓再奉嚴旨不令固辭恩厚命輕位高責重中謝臣聞天下安危注意將相處論道具瞻之地當總戎作鎮之權雖協夢而求無聞秉鉞之寄登壇以拜不兼調鼎



中山集 卷十一  
三  
之榮授受惟艱伊昔猶爾况臣庸瑣何以克堪陛下  
玄造曲成大明私照俾掌戎律復參廟謨寵光之崇  
在臣已極毫髮之效於國何施謹當罄竭微誠奉遵  
至教伏天威以懾不類敷聖澤以遂群生上分旰食  
之憂下塞素餐之責力誠不足心實念茲伏乞皇明  
俯賜昭鑒臣恪居官次遐守藩維不獲伏謝彤庭陳  
露丹慊心存闕下同犬馬之戀恩身在淮濱仰雲天  
而結思無任懇悃屏營之至

謝手詔表 詔後批云朕自書

臣某言中使閻忠信至奉宣聖旨存問兼賜臣手詔

拜捧紫泥跪伸金簡承旨見聖神之略感恩知身命  
之輕 中謝 臣素乏異能幸逢昌運猥當旄鉞之寄未  
靖祆氛榮分台鼎之名何階啓沃竊位斯久速尤是  
虞豈謂玄化曲成鴻私荐及特紆睿思親灑仙毫降  
自九重粲然五色初喜麗天之象遠燭輝光旋驚垂  
露之蹤曲覃霈澤鸞鳳騫翔而變態煙雲舒卷以呈  
姿賦彩飛文聳神蕩目恭惟國寶何幸家藏感極涕  
零莫知上荅應緣軍旅庶務謹具別狀奏聞無任欣  
戴屏營之至

謝貸錢物表

臣某言中使南宮懷珍至奉宣聖旨存問兼賜臣墨  
詔天光下濟叡澤曲流銜恩未酬居寵彌懼中謝臣  
受任斯極微功莫施昨以封略未寧干戈猶動壽春  
固壘以備盜淮甸興師以扞姦經費所資數盈鉅萬  
餽餉時久供億力殫慮始圖終不敢緘默輒陳管見  
上黷宸聰伏蒙聖慈特遂誠請遠承如綍之旨特假  
聚人之財軍須不愆士氣彌振糗糧既備永無半菽  
之虞襦袴足頒遠超挾纊之感是為說使咸願先登  
臣忝總戎倍百欣荷伏以上分國用俯濟軍興候清  
煙塵謹備償納

請赴行營表

臣某言臣自守淮濱已周星紀虔奉朝典粗安遐方  
素效未聞新恩荐及身曳兩綬寄深一隅蚊蚋負山  
力誠不足鷹鷂逐鳥志則有餘臣再授兵符夙參軍  
幕被堅執銳雖未經於戎行制勝伐謀亦嘗習於事  
業自忝藩翰屬時清平無施汗馬之勞但詠橐弓之  
什今則幸遇殊獎委之專征以身率先是臣素志况  
聞徐州士衆本無叛心倉卒之間危疑至此臣請自  
臨疆場親領紀綱裂帛繫書諭其禍福椎牛饗士養  
以威聲冀宣皇風煦茲蠢類以忠義感脇從之伍以

含弘安反側之徒革面悛心期乎不日其揚州留務請令行軍司馬路應權知伏乞聖慈俯賜昭鑒

謝兵馬使朱鄭等官表

初除侍御史續除中丞異姓王

臣某言奏事官常溫特蒙聖恩重賜朱鄭等官告宸象昭回煥然下燭榮分右職光賁遐藩中謝臣伏以朱鄭朴忠為心沈毅見色當建封禦侮之寄見張悖提孩之年昨者隸職徐州分鎮蘄縣繹騷之際梗亮彌彰歷險而來寔繁其旅詳探本末有足褒稱輒具奏聞恐須獎勸伏蒙睿鑒俯亮微誠優詔先行已階直指之列殊私荐至超陞獨坐之崇戶領三千爵踰

五等恩生非次感異常倫轅門有光武旅增氣遂使感激之士希勇爵以捐軀猖狂之徒聆聖澤而悛性風行草偃其勢必然臣忝總戎麾倍百欣荷

賀復吳少誠官爵表

臣某言中使宋惟澄至奉宣聖旨存問兼賜臣墨詔及昭示洗雪吳少誠等事天地弘覆燾之恩雷雨施渙汗之澤瑕累咸滌危疑獲安中謝臣伏以少誠擅興兵戈事生詿誤自王師致討天威下臨曾無悖辭亟聞引咎初懷疑懼雖擁衆以偷生旋感聖神屢拜章而請命陛下仁深解網慮軫納隍念餽餉飛輓之

勤閔戰爭暴露之苦舉茲宥過之典副彼效順之誠  
一方承再造之恩九有覩惟新之化敷鴻霈而覃及  
蠢類鼓仁風而臻于大和罷析銷鋒自茲而始臣謬  
膺重寄虔守遐藩不獲稱慶瑤墀陳露丹懇仰瞻宸  
極倍百常情無任慶抃屏營之至

賀徐虔王等表

臣某言中使李國真至奉宣聖旨存問兼賜臣墨詔  
鴻澤浹下大明燭幽曉諭便藩慰安稠疊中謝臣伏  
觀天書恭承睿旨弘愛人屈已之道酌因時適變之  
宜擇賢王作鎮徐方俾張愔便主留務上則成邦家

盤石之固下則副士衆拜章之請咸藩之寄斯重舊  
勲之祀獲全丕變猖狂之徒咸躋仁壽之域既弘在  
宥坐見止戈率土人臣孰不欣說臣素乏方略謬荷  
寵光猥塵將相之名無施分寸之績遭逢若此報效  
茂聞官諺已興渥刑宜及陛下恩深覆載道務含弘  
恤公和餽餉之勤念吏士鋒鏑之苦持紆神筭昭發  
德音危疑獲安制置惟固好生宥過誠陛下開網之  
仁尸位無功重徵臣素餐之責周章跼蹐胡顏自安  
但以遐守藩條恪居官次不獲仰謝雲陛陳露血誠  
未遂周任知止之言敢逃臧文竊位之咎無任戰越

之至

慰義陽公主薨表

臣某言伏承義陽公主薨伏惟聖懷傷悼增切伏以公主妍姿令則冠絕天人稟教皇宮已挺柔嘉之德降嬪卿族益彰貞粹之儀方期作範壺闈長榮邸第豈意邁茲短曆奄謝昌辰伏慮陛下軫念未捐深慈莫遣有虧常膳罷設宮懸臣子之情不任惕戀况聖凡禮異邦家制殊伏願道齊彭殤理達修短割肌膚之愛慰寰海之心率土人臣孰不相慰無任懇悃屏營之至

慰王太尉薨表

臣某言伏承成德軍節度使太尉兼中書令王武俊今月某日薨沒伏以武俊生逢昌時天授忠節奮揚義勇茂建勳庸秩冠朝端參燮和於台鉉姻連戚里承嘉慶於雲霄榮掩華夷事高今昔方膺作翰之寄遽迫歸泉之期鼎臣云亡梁木斯壞伏惟陛下君臣義重存沒感深臨冊綬以興懷聽鼓鼙而軫念臣恪居官守奉慰無階悲慟之誠有加常品謹遣某官某乙奉表陳慰以聞

劉賓客文集卷第十一

國家圖書館, NATIONAL CENTRAL LIBRARY, TAIWAN, R.O.C.

劉賓客文集卷第十二

表章二為淮南杜相公佑修凡十一首

謝冬衣表一首

謝濠泗兩州割屬淮南表一首

謝曆日面脂口脂表一首

謝墨詔表一首 論廢楚州營田表一首

請朝覲表一首 謝春衣表一首

謝賜門戟表一首 謝男師損等官表一首

謝端午日賜物表一首 謝墨詔表一首

謝冬衣表

臣某言中使王國清至伏奉聖旨慰勞臣及將佐官

吏僧道耆壽百姓等并賜臣墨詔及冬衣兩副大將  
衣四副者大明昭回遠燭下土殊錫稠疊延及偏裨  
慶抃失圖捧戴相賀云臣謬承委寄獲守藩條灰  
琯屢移塵露無補陛下至仁天覆玄化風薰頒以兼  
衣賁茲瑣質降自天府光于轅門絨膝既開覩綵章  
之盛飾蹈舞而服發溫煥於祁寒愧塵補袞之名更  
荷解衣之賜恩波下泆將校同霑共戴殊榮咸思竭  
節生成是荷雨露難酬無任懇悃慙荷之至

謝濠泗兩州割屬淮南表

臣某言伏奉十一月二十九日詔書其豪四兩

臣依前收管臣謬承寵光作鎮淮海位均九伯權總  
十連內省無堪常恐不逮豈謂恩私曲被封略有加  
慙無報政之勤重受分憂之寄伏以兵戈方息閭里  
未安謹當奉宣皇風慰彼黔首且責成於牧宰期不  
失於澄清伏惟聖明俯賜昭鑒無任感戴屏營之至

謝曆日面脂口脂表

臣某言中使霍子璘至奉宣聖旨存問臣及將佐官  
吏僧道耆壽百姓等兼賜臣墨詔及貞元十七年新  
曆一軸臘日面脂口脂紅雪紫雪并金花銀合二合  
綾合二皇明遠燭殊錫存臻抃舞失容捧戴無措伏



惟皇帝陛下立極御人順時布政禮崇大蜡澤浹遐  
藩臣叨榮日深竊位時久謬回宸眷猥降王人天書  
下臨覩三光之照耀玉曆爰授知四氣之環周雕奩  
既開珍藥斯見膏凝雪瑩含液騰芳頓光蒲柳之容  
永去癘疢之患命輕恩重上荅何階無任感抃屏營  
之至

謝墨詔表

臣某言中使陳日華至奉宣聖旨存問兼賜臣墨詔  
又以臣所奏羅珣及裴靖政理有方今各賜手詔激  
賞者恩降重霄澤流下土義存獎勸榮冠等夷臣昨

以羅珣裴靖勵精吏理効用著明人咸說安俗致殷  
阜恐須甄錄以勸在官輒獻封章具陳成績伏蒙睿  
鑒俯亮愚衷載嘉理行之尤光示絲綸之旨守道者  
益以固志懷慝者由是悅心激俗化人於茲為大臣  
謬司廉問職在澄清幸遇旌善之時獲免蔽賢之責  
無任欣感之至

論廢楚州營田表

臣某言中使曹進玉至奉宣聖旨存問兼賜臣墨詔  
以楚州營田廢置事令臣商量奏來者跪奉天書恭  
承睿旨道存致用義在隨時云云伏以本置營田是

求足食今則徒有糜費鮮逢順成刈穫所收無裨於國用種糧每闢常假於供司較其利害宜廢已久比來循守舊制不敢輕有上陳皇明鑒微特革斯弊取其田蓄授彼黎蒸仍俾薄租誠為至當但以田數雖廣地力各殊須量沃瘠用立程度臣已追里正臣與商量利便謹具別狀奏聞伏惟聖慮俯賜詳擇無任震越屏營之至

請朝覲表

臣某言臣聞臣之事君有犯無隱懇誠所至敢不罄陳伏惟聖明俯賜矜察

云云臣代受國恩忝承門蔭

脫巾筮仕敢期榮名陳力效官靡樹聲績始因孤直驟歷清班復加朝獎作藩外府遠遣輦下十有四年恪守淮瀆逮今一紀犬馬懷戀寢興匪遑蒲柳易衰遲莫俄及竊位時久妨賢愧深况歷官已來四十八考祇奉朝謁時纔二周服勤郡符荏苒垂老屏營魏關之思夢想承明之游如迫餒寒不忘衣食伏惟睿鑒俯亮愚衷蚤賜擇人與臣交代授受之際冀無可虞然後脂車奔赴京輦微願斯畢雖死猶生臣頃以戎務方殷猥加宰輔今既事罷實慙此名為有藩鎮同時未敢輕上印綬伏以聖朝赫赫左右惟賢漢愧

得入周慙多士臣才略既短齒髮又衰柄用之地甘心自絕所冀退歸舊里沐浴皇風絕鍾鳴漏盡之譏展維桑與梓之敬匪惟名器不假實貴骸骨可全知止之心神祇所鑒無任懇悃怔營之至

謝春衣表

臣某言中使陳日華至伏奉聖旨慰勞臣及將佐官吏僧道耆壽百姓等并賜臣墨詔及春衣兩副大將衣四副王人捧詔御府降衣寵光不隔於遐藩慶賜猥霑於裨將臣素乏器能謬膺驅使每慙效薄常懼食浮陛下覃以至仁均其厚施宰元和而布澤順時

律以頒衣出自禁中貴于臣下執領禴而抃舞失次被纖柔而頤眄增輝舉體動容既安且吉在身不稱恐招鷄翼之譏居位無功叨受鶴紋之賜下延將校同荷生成

謝賜門戟表

臣某言臣得進奏官裴邁狀報今月九日軍器使梁延壽奉宣進止付所司准省牒賜臣門戟十二竿者恩降雲天榮加門戶承旨慶抃省躬慙惶伏以禮著等威朝有命數是昭懋賞必在疇庸臣謬荷寵光素無績效旌旄之寄已忝外藩祭戟爰列更光私第責

于棖闡慶及子孫覩茲盛儀實愧虛受無任欣戴屏營之至

謝男師損等官表

伏見今月一日制授臣長男師損祕書省著作郎次男式方太常寺主簿又得進奏官裴邁狀報伏承聖恩特降中使送官告到臣宅分付師損者寵渥非常授任不次驚躍無措靦懼失容云臣謬分重寄獲守外藩受恩既深無績可紀男師損等器惟凡品教關義方蚤沐敷慈已階官次每懷塵忝常誠滿盈豈謂鴻霽曲覃大明私照寬臣尸素之責念臣葵藿之

誠下延衛息叨踐班級天書出禁中貴臨門榮冠等夷慶流宗族况著作乃論撰之地唯才更是居太常寔禮樂之司非儒者勿履願茲庸昧忽此超昇內省慙惶若墜冰谷伏以聖朝立制建官惟賢名實無乖輪轅盡適微臣父子獨為幸人非據踰涯自中徂外虛受丘山之賜實增負乘之憂進退彷徨不知所據無任戰汗屏營之至

謝端午日賜物表

臣某言中使劉光弼至奉宣聖旨慰勞臣及將佐官吏僧道耆壽百姓等兼賜臣墨詔并衣一副金花銀

器三事綵絲一軸大將衣四副綵絲五軸寵光薦至  
慶賜曲霑林舞失容捧戴無力伏以朱明仲月端午  
佳辰萬國被薰風之和九天垂湛露之澤臣幸逢休  
運獲守外藩叨承獻慈猥受榮賚發詔而煥窺宸象  
振衣而頓失炎威色絲表祥載光於佩服珍器充玩  
盡飾於圓方恩輝既盈喜懼交集下延禪將共荷鴻  
私無任感戴之至

謝墨詔表

臣某言中使陳日華至奉宣聖旨慰勞臣及將佐官  
吏僧道耆壽百姓等兼賜臣墨詔恩降紫泥澤流下

土跪奉自天之命遙馳捧日之心云伏以皇帝陛  
下凝旒穆清軫念黎獻已洽雍熙之化尚存宵旰之  
勤遠降王人特迂宸翰慰安稠疊曉諭便蕃任重力  
微不知上荅應緣戎旅庶務謹具別狀奏聞伏乞皇  
明俯賜昭鑒無任感戴屏營之至

中山集

卷三

七

司賓客文集卷第十二



國家圖書館, NATIONAL CENTRAL LIBRARY, TAIWAN, R.O.C.

劉賓客文集卷第十三表章三

為杜司徒讓度支等使表

為杜司徒謝追贈表

為杜司徒讓立去思碑表

為李尹賀獻懿二祖表

為京兆常尹賀雨止表

為常尹賀祈晴獲應表

為常尹謝許折糴表

為常尹賀元日祥雪表

為常尹賀春雪表



為京兆李尹賀雨表

為李中丞謝紫雪等表

為李中丞謝鍾馗等表

為杜相公謝鍾馗等表

為武中丞謝新茶表

為武中丞謝春衣表

為武中丞再謝新茶表

為武中丞謝新橘表

為武中丞謝柑子表

為武中丞謝冬衣表

杜司徒讓度支鹽鐵等使表

臣某言伏奉制書授臣檢校司徒同中書門下平章事充度支及諸道鹽鐵轉運等使者臣久歷高位尸素已多更受新恩滿盈為懼云伏惟皇帝陛下紹登寶位光纂鴻猷擢用之間華夷聳聽况利權所在宜適變通國計是資須明輕重當至化鼎新之日是微臣遲莫之年將何以上副宸衷下成庶務進退惟谷冰炭在懷輒罄愚誠冀回天監陳力無補庶遵周任之言循涯若驚敢飾范宣之讓慙惶跼蹐倍萬常情謹奉表陳讓以聞



杜司徒謝追贈表

臣某言伏奉制書褒贈臣亡父先臣某官尚書左僕射者時逢霈澤禮極徽章云臣家受國恩至臣累葉常懼不克負荷以忝前人豈意多幸遭逢猥居高位陛下應乾御極作解庇人恩浹寰區禮成宗廟垂仁布德自葉流根紫書忽降於重霄密印榮加於厚夜星霜增感蒸嘗有輝非臣殞越所能上報無任感咽屏營之至

杜司徒讓淮南立去思碑表

臣某言伏見淮南節度使王鏐所奏當道將吏僧道

耆壽等請為臣立去思碑伏奉聖旨允其所奏臣內惟菲薄聲績無聞祇荷恩私慙懼交至云臣伏蒙先朝過獎累典方隅頃鎮江都十有四載數周星紀水旱備經境接淮濱兵戈時起至於邑里粗免流離非臣所能悉稟聖化在唐堯可封之日奚假吏師當漢宣責實之時皆承詔旨王鏐與臣交代輒有上聞况以去思為名慙無可紀之績伏以建碑有制甲令垂文苟非至公翻益貽誚臣伏覽故事宋璟自廣州都督入為尚書南海之人請為刊石璟自遜讓至于再三雖勒其文竟從降制著在國史垂為美談璟非

苟榮人益見德臣才誠不逮心實慕之伏乞聖慈賜  
寢前命臣情非飾讓義在徇公云云

京兆李尹賀遷獻懿二祖表實

臣某言伏見詔書以今月某日奉遷獻祖懿祖神主  
祔于德明興聖皇帝廟盛禮云畢宗祧永安云云伏  
以太祖景皇帝膺期撫運啓封于唐為百代不遷之  
宗開三靈眷命之兆頃以本朝初建清廟備儀二祖  
冠西室之先景皇闕東向之位諸儒獻議歷載未行  
陛下濬發敷謨旁延正論爰詔多士會於中臺酌三  
禮之前文參百王之故事講貫斯定詢謀僉同撰日

展儀考祥視履配貴神於遠祖正尊位於始封廟貌  
有嚴禘嘗允穆示人以孝得禮之中既觀秩秩之容  
必降穰穰之福臣職居內史屬忝本枝躬導盛儀獲  
申誠敬無任感說屏營之至

京兆常尹賀雨止表夏卿

臣某言今月某日中使吳文政奉宣聖旨緣今年雨  
多恐傷苗稼諸有靈跡處並宜祈禱者臣謹檢尋祀  
典方議徧祠惟德動天倏已澄霽伏以至教惠農兆  
人務本今歲宿麥茂於常年爰自季春遂逢多雨蓋  
陰陽常數有以推遷而隴畝之間未聞傷敗陛下勞

謙思切覆育恩深或慮成災先期軫念昭薦未陳於方社獻誠已格於上玄文明煥開陰曠潛掃有年之慶實兆於茲辰先天不違夔超於前代臣謬司京邑虔撫蒸黎欣抃之誠倍百群品無任踴躍屏營之至

京兆常尹賀祈晴獲應表

臣某言今月十七日中使某奉宣聖旨以霖雨未晴諸有靈跡處並令祈禱者臣當時於興聖寺竹林神親自祈祝兼差官城外分路徧祠伏以神祇效靈景物澄霽兆庶覩動天之德大田俟多稼之期臣謬荷恩輝忝司京邑抃說之至實倍常情

京兆常尹謝許折糴表

臣某言伏奉詔旨以臣所請畿內折糴宜令度支計會定數奏來者天慈廣被人瘼是求臣自理京邑不先威刑唯務便安所期富庶每因賜對常奉德音府縣之間巨細令奏伏以聖明在上風雨應時順成之年穀糴常賤若無輕重之法必利兼拜之家輒敢上聞請行折糴天光下燭人隱無遺宣付所司允臣所奏事關理本惠及生靈臣忝尹京倍百欣荷無任歡躍屏營之至

京兆常尹賀元日祥雪表

臣某言伏以去冬已來久無雨雪臣每於內殿親奉  
德音以宿麥未滋為虞以兆人生疾為念聖情所屬  
神理潛通獻歲發春佳雪肇降當夷夏會同之日觀  
天人合應之徵迎喜氣於三元浹歡心於萬國癘疢  
永息豐阜可期臣以疾疹未平步趨有阻伏蒙恩貸  
已具奏聞謹於光宅寺中管當本務不獲隨例稱慶  
明庭既覩嘉祥益彰聖德無任欣躍屏營之至

京兆韋尹賀春雪表

臣某言伏奉詔旨充某郡主禮命使謝恩之日親承  
德音以春初已來雨雪猶少慮妨農事有軫霄慈

當下嫁之辰克致上玄之感雲生河漢及佳期而降  
祥雪滿寰區應豐年而呈瑞臣官當撫字職在肅雍  
慶抃之誠實倍常品

京兆李尹賀雨表

臣某言伏奉進旨以時雨愆候有妨耕農應諸有靈  
跡處並令祈請者德音才發膏雨驟飛滂霈已周動  
植咸說云伏以久愆時澤上軫聖慈爰命禱祈俾  
申誠敬神應如響天且不違未與雲漢之詩已致桑  
林之雨臣謬司京邑虔撫黎蒸覩豐年之可期同比  
屋而稱慶無任欣抃之至

李中丞謝賜紫雪面脂等表 汶

臣某言中使某乙至奉宣聖旨賜臣紫雪紅雪面脂口脂各一合澡豆一袋特降玉人俯臨私第銜恩慶抃省已慙惶 云云臣謬荷寵私素無績效空變星霜之候猥霑慶賜之恩跪捧雕奩榮觀珍藥功能去疾永絕於癘疵澤可飾容頓光於蒲柳生成是荷雨露難酬無任感戴

李中丞謝鍾馗曆日表

臣某言中使某乙至奉宣聖旨賜臣畫鍾馗一新曆日一軸恩降雲霄先生里巷雖當歲莫如煦陽和 云云

伏以將慶新年聿循故事績其神象表去癘之方頌以曆書敬授時之始微臣何幸天意不遺無任感戴屏營之至

杜相公謝鍾馗曆日表

臣某言高品某乙至奉宣聖旨賜臣鍾馗一新曆日一軸星紀方回雖逢歲盡恩輝忽降已覺春來 云云伏以圖寫威神驅徐辟癘頒行肆曆敬授四時施張有嚴既增門戶之貴動用協吉常為掌握之珍瞻仰披尋皆知聖澤無任欣戴之至貞元二十一年十二月

月日

武中丞謝新茶表 元衡

臣某言中使竇國安奉宣聖旨賜臣新茶一斤猥降  
王人光臨私室恭承慶賜跪啓緘封云伏以方隅  
入貢採擷至珍自遠爰來以新為貴捧而觀妙飲以  
滌煩顧蘭露而慙芳豈柘漿而齊味既榮凡口倍切  
丹心無任歡躍感恩之至貞元二十年三月日

武中丞謝春衣表

臣某言中使某乙奉宣聖旨賜臣春衣一副王人臨  
第御府降衣抃舞失容捧戴無措云伏以律當春  
莫慶洽時邕萬物被薰風之和九天垂湛靈之澤臣

受任非次速尤是虞方懷匪服之憂更荷解衣之賜  
恩加畫飾拖朱紫而為榮受非以庸顧形影而增愧  
丹誠徒罄玄造難酬無任踴躍屏營之至

武中丞再謝新茶表

臣某言中使某乙奉宣聖旨賜臣新茶一斤猥沐深  
恩再霑殊錫承旨慶抃省躬慙惶伏以貢自外方珍  
殊衆品效參藥石芳越椒蘭出自僊厨俯頒私室義  
同推食空荷於曲成責在素餐實慙於虛受

武中丞謝新橘表

臣某言中使某乙至奉宣聖旨賜臣新橘若干顆特

降恩光猥頒慶賜珍踰百果榮比兼金伏以丹實初成苞貢爰至芬馨味重方列於御筵雨露恩深忽霑於賤品感同推食事等絕甘豈唯適口為珍實冀捐軀上答

武中丞謝柑子表

臣某言中使某乙至奉宣聖旨賜臣柑子若干顆特降殊私再頒名果自遠稱貴以新為榮伏以方貢外來人間未覩黃苞輝穎彫俎增華芬芳初佐於大庖慶賜遂沾于凡口甘踰華實剖食既同于楚謹寒比柘漿析醒何慙于漢史感恩思效倍百常情

武中丞謝冬衣表

臣某言中使某乙至奉宣聖旨賜臣冬衣一副恩隆重霄榮加陋質承旨慶抃省躬慙惶臣受任已來微效莫著每更時律慙曠官常豈謂玄造曲成鴻私荐及念茲戒寒之候錫以禦冬之衣抃舞失容顧眄增飾鶴紋是錫遠慙晉代之賢鶴翼不濡實懼曹風之刺無任感戴屏營之至

中山集

卷十三

五

劉賓客文集卷第十三

國家圖書館 NATIONAL CENTRAL LIBRARY TAIWAN, R.O.C.



劉賓客文集卷第十四 表章四 賦附

為竇中丞謝上表 謝中使送上表

賀收蔡州表 賀赦表

賀赦牋 賀雪鎮州表

賀平淄青表 夔州謝上表

賀冊皇太子表 慰國哀表

賀龍飛表 賀皇太子牋

賀赦表 賀冊太皇太后表

賀冊皇太后表 和州謝上表

賀改元赦表 夔州論利害表二首



為容州賓中丞謝上表

羣時在朗州相  
逢因以見託

臣某言伏奉某月日制書授臣容州刺史兼御史中丞充本管經略招討等使臣發開州日已差某官某乙奉表陳謝伏以道途遐阻水陸縈紆臣以今月某日到本任上訖謹宣聖旨慰諭遠人臣本書生素無吏術頃因多幸貴自丘園累沐聖慈驟居清貫識昧通變動乖事宜愧無善狀以塞公責伏惟獻聖文武皇帝陛下凝旒穆清洞照寰海推共理之義分寄股肱念蒸人之勤溥霑遐邇察臣前任事實恕臣本性朴愚賜以恩輝拔於廢棄遠辭偏郡重委方隅捧印

綬以為榮望闕庭而增戀雖到官之始惠未及人而率下之誠務先克己凡施政教皆稟詔條參以土宜遂其物性可行必守有弊必除使蠻夷生梗之風慕臣子盡忠之道力誠不足心實在茲伏乞聖明俯賜昭鑒無任感戴屏營之至元和八年云

謝中使送上表

臣某言中使吐突仕曉至奉宣聖旨慰諭并送臣至本任者深山遠郡忽降王人跪受恩榮仰瞻宸極伏以發自巴峽至于南荒涉水陸湍險之途當炎夏鬱蒸之候山川縈轉晨夜奔馳幸無它疾得至本管九

重結戀遙傾捧日之心萬里獲安皆荷自天之祐無任感戴屏營之至

賀收蔡州表

臣某言伏見詔書以唐州節度使李愬生擒逆賊吳元濟獻俘文武百寮於興安門列班稱賀者天威遠被元惡就誅一方既平萬國咸慶伏惟睿聖文武皇帝陛下德超邃古道合上玄臨御已來天人協贊削平吳蜀掃蕩塞垣車書大同夷狄來貢蕞爾元濟敢懷野心輒聚犬羊苟偷時月陛下聖謨獨運睿感潛通天助神兵人生勇氣既擒兇逆遂正刑書伏三紀

之逋誅成九衢之壯觀宗社昭告華夷式瞻行弔代而在禮無違烜威聲而何城不克楚氛改色淮水安流漢上疲人盡霑雨露汝南遺老重覩昇平凡在具臣孰不欣抃臣久辭朝列恭守遐藩不獲稱慶關庭陳露丹慊仰瞻宸極倍萬群情無任踴躍慶快之至  
元和十二年十二月二十三日

賀赦表

臣某言伏奉今月一日制書大赦天下者聖德廣運浹于華夷天光下臨照彼幽蟄伏惟睿聖文武皇帝陛下神扶寶祚天贊鴻猷意有所之事無不克當准

右凱旋之後是域中慶幸之時順陽和以發生施霈澤於寰海網開三面危疑者許以自新耳達四聰瑕累者期於錄用求碩畫於庶位慮遺材於放臣旌忠烈之家賞勲庸之胤仁及枯骨無隔於寇戎榮加顯親普霑於存沒恤刑已責實廩蠲徭頒錫彰有客之詩崇儒協宗子之望岳瀆咸秩耆艾飲和大僚承任子之恩武旅荷賜金之寵斯皆禹湯文武之遺美高祖太宗之耿光集于聖朝然後大備德音所至和氣隨之歡謔上徹於九天福祚永延於億載能使遠夷屈鄰豈惟小醜革心率土人臣不勝大慶臣久辭闕

下恪守海隅犬馬之誠倍百常品無任抃躍屏營之至

### 賀赦牋

使持節連州諸軍事守連州刺史劉某惶恐叩頭伏見今月一日制書大赦天下者伏以獻歲布和皇恩遠降乾坤交泰寰海廓清伏惟皇太子殿下道冠元良德兼忠孝承顏拜慶榮耀古今某職守有限不獲隨例稱賀官庭無任欣說之至元和十三年正月二十九日

### 賀雪鎮州表

臣某言伏見四月二十七日德音以王承宗效順著明復其官爵所獻二郡別置藩垣聖德動天鴻恩及物瑕累咸滌蒸黎永安伏惟獻聖文武皇帝陛下自承寶位克振皇綱既以四海為家每念一夫不獲昨因大慶爰降殊私廣宥過之科開自新之路綸言一發神聖潛通遂令迷誤之徒頓釋憂危之慮命胤子以入侍獻名都以效誠臣心既明天網為解因析四郡別為一方惟懷永圖盡去前弊大河以北化為禮樂之鄉率土之濱重見昇平之日臣恪居官次遐守嶺隅不獲稱慶闕庭無任踴躍屏營之至

賀平淄青表

臣某言伏見制旨魏博節度使所奏逆賊李師道并男二人並梟斬訖以二月十六日御宣政殿受賀者聖德玄運兵威神速旬月之內鯨鯢就誅秦嶽既窻登封有日伏惟獻聖文武皇帝陛下有征必克舉意無違天地協神美之期雷霆助成師之氣蠢爾孽豎敢生野心蕭斧一臨妖氛自滅皆由聖慈廣被獻略潛通獻俘者盡許生還得地者復令安堵感我仁化激其深衷凡是脅從盡思效節五紀巢穴一朝蕩夷遂使齊魯之鄉復歸仁壽之域捷書既至傳首繼來

備文物於明庭告殊勲於清廟百辟陳賀萬方會同  
從此止戈所以為武西周士庶方觀飲至之容東嶽  
煙雲已望告成之禮臣恪居遠服嘗忝班行慶快之  
誠倍萬群品無任踴躍屏營之至元和十四年三月  
二十四日

夔州謝上表

臣某言伏奉某月日制書授臣使持節都督夔州諸  
軍事守夔州刺史跪受天詔神魂震驚伏惟文武孝  
德皇帝陛下垂衣穆清睿鑑旁達三統交泰百神降  
祥浹于華夷盡致仁壽臣家本儒素業在藝文貞元

年中三忝科第德宗皇帝記其姓名知無黨援擢為  
御史在臺三載例遷省官權臣奏用分判錢穀竟坐  
連累貶在遐藩先朝追還方念淹滯又遭讒嫉出牧  
遠州家禍所鍾沈伏草土禮經有制羸疾僅存甘於  
畎畝以樂皇化伏遇陛下大明御宇照燭無私念以  
殘生舉其彝典獲居善部伏感天慈臣即以今月二  
日到任上訖碇水千里巴山萬重空懷向日之心未  
有朝天之路無任感恩戀關之至長慶二年正月五  
日

賀冊皇太子表

臣某言伏見制書以十二月二十日冊皇太子盛禮斯畢德音遐宣萬國以貞庶類咸說伏惟文武孝德皇帝陛下體元立極垂訓御時既闡王猷思安國本前星位定拱宸極以昭彰蒼震氣宣與天地而長久禮光七鬯澤被華夷宗祏有無彊之休生靈懷莫大之慶臣恪居官次遐守巴南不獲稱賀闕庭無任踴躍屏營之至長慶三年正月日

慰國哀表

臣某言上天降禍太行皇帝奄棄萬國奉諱號擗糜潰五情伏惟皇帝陛下孝思至性攀號罔極臣恭守

所部不獲陪位西宮伏增感慕之至謹奉表陳慰以聞長慶四年二月日

賀龍飛表

臣某言伏見詔書正月二十六日皇帝陛下嗣登寶位萬國同歡日月繼明乾坤交泰伏惟皇帝陛下欽承顧命惟懷永圖以大孝奉宗祧以至仁蘇品物洞照寰海統和神人聖祚延長從今無極群生鼓舞自此太寧臣守遐藩恪居官次不獲奔馳拜舞稱賀闕庭無任抃躍屏營之至長慶四年二月日

賀皇太子踐

使持節都督夔州刺史劉某叩頭伏惟皇太子殿下  
祗膺詔冊光啓儲闈展至性於二朝承本枝於百代  
宗祏永固神人以和四嶽仰維嵩之高百川承少海  
之潤某限以職守不獲隨例稱慶宮庭無任抃躍之  
至

賀赦表

臣某言伏見今月三日制書大赦天下者大明初昇  
萬物咸覩渙汗一發神人以和伏惟皇帝陛下天資  
睿聖神啓昌期端拱受萬國之朝承顏奉兩宮之慶  
初嗣大位克揚孝心三光協明和氣來應臣伏讀赦

令首於奉園陵盡誠敬親九族蘇兆人次及定章程  
止進獻已逋責滌夙瑕內照于九重則歸嬪嬙放鷹  
犬外明于四目則求隱士開直聲柔遠以仁則還其  
係虜賞延以禮則澤及後昆菲食遵夏禹之規弋綈  
法漢文之儉墜典咸舉舊章再明昇平之期正在今  
日發號之始疾於春風殊私所及霈若時雨臣幸逢  
昌運歷事五朝出守遐藩僅垂二紀欣承雷雨作解  
之澤不勝犬馬戀主之誠瞻望帝鄉無任屏營懇悃  
之至長慶四年三月二十七日

賀冊太皇太后表



臣某言伏見制書以二月十八日冊立太皇太后徽  
章克備慶賜遠行榮冠古今澤周寰海伏惟皇帝陛  
下續承列聖歡奉兩宮大皇太后含飴保和重光疊  
慶漢儀盛於長信周祚興於大任方之聖朝彼有慙  
德臣遠守巴峽不獲稱賀闕庭無任抃躍屏營之至  
長慶四年三月日

賀冊皇太后表

臣某言伏見制書以二月二十五日冊立皇太后盛  
禮畢陳德音遠被一人有慶萬國同歡伏惟皇太后  
稟靈作合誕聖表祥徽號極域中之尊慈仁為天下

之母陛下君臨有國子道無違長樂宮中永獻南山  
之壽濯龍門上再揚東漢之風率土臣子不勝歡抃  
臣遠守荒服不獲稱慶闕庭無任踴躍屏營之至

和州謝上表

臣某言伏奉制書授臣使持節和州諸軍事守和州  
刺史臣自理巴實不聞善最恩私忽降慶抃失容伏  
惟皇帝陛下丕承寶祚光闡鴻猷有漢武天人之姿  
稟周成叡哲之德發言合古舉意通神委用得人動  
植咸說理平之速從古無倫微臣何幸獲覩昌運臣  
業在詞學蚤歲策名德宗尚文擢為御史出入中外

歷事五朝累承恩光三換符竹在分憂之寄祿秩非輕而素蓄所長效用無日臣聞一物失所前王軫懷今逢聖朝豈患無位臣即以今月二十六日到所任上訖伏以地在江淮俗參吳楚災旱之後綏撫誠難謹當奉宣皇恩慰彼黎庶久於其道冀使知方伏乞聖慈俯賜昭鑒臣遠守藩服不獲拜舞闕庭無任懇悃屏營之至謹差當州軍事衙官章興奉表陳謝以聞長慶四年十月二十六日

賀改元赦表

臣某言伏見今月七日制書大赦天下者帝遊出震

聖澤如春神人以和天地交泰伏惟皇帝陛下丕承鴻業光闡勳圖吉日展嚴配之儀告天陳太平之盛九廟成禮百神降祥鑿輅旋衡風雲改色殊私廣被再弘莫大之恩寶曆惟新更啓無疆之祚兩宮承慶四海永寧率土臣子上千萬壽臣恪居官次不獲稱賀闕庭無任屏營之至謹差當州軍事衙官試慈州吉昌府別將徐倫奉表陳賀以聞寶曆元年二月十六日

夔州論利害表

臣某言伏準元和十二年四月十八日敕諸州刺史

如有利害可言者不限時節任自上表聞奏者臣伏見貞觀中詔許群臣各上書言利便馬周時一布衣遂因中郎將常何獻策二十餘事太宗深竒之盡行其言擢周為御史至龍朔中壁州刺史鄧弘慶進平索看精四字堪為酒令高宗嘉之亦行其言遷弘慶為朗州刺史則知苟有所見雖布衣之賤遠守之微亦可施用况臣蚤受國恩德宗廟忝為御史逮今歷事四朝頻領藩條當陛下至明之時是微臣竭節之日伏以守在遐郡不敢廣有所陳謹準敕上利害及當州公務各具別狀以聞伏乞聖慈俯賜昭鑒無任

感激屏營之至謹差當州軍事衙官守易州安義府別將員外置同正員雲騎尉馮隨謹奉表以聞長慶三年十一月七日

### 論利害表

臣某言伏準今年正月五日德音宜令諸道觀察使刺史各具當處利害附驛以聞者伏惟皇帝陛下獻哲自天績成列聖善述先志發揚德音率土人臣不勝慶幸臣虔奉詔旨宣示蒸黎伏以華夏不同土宜各異詳求利病謹具奏聞伏乞聖慈俯賜昭鑒臣伏覽國史竊見開元十八年朝集使至京玄宗臨軒親

問利害時宣州刺史裴耀卿上便宜事論轉輸甚詳  
竟不行下至二十一年耀卿為京兆尹再以前事奏  
論方見允納比及三年漕運七百萬石省腳三十餘  
萬貫當耀卿前見不納必有人非之及後數年方展  
其效臣僻守遠郡敢望言行祇奉詔書或冀萬一伏  
惟明主擇之無任懇悃屏營之至長慶四年五月十  
四日

劉賓客文集卷第十四

劉賓客文集卷第十五

表章五

牋附

為裴相公賀冊魯王表

為裴相公讓官第一表 并批荅

第二表 并批荅

第三表 并批荅

蘇州謝上表

蘇州謝賑貸表

蘇州賀冊皇太子表

賀冊皇太子牋

為裴相公賀冊魯王表

臣某言伏見制書以今日冊魯王禮畢皇家有慶  
寶祚無疆既榮本枝克固盤石伏惟皇帝陛下德符  
列聖道冠前王孝敬承兩宮之歡虔恭奉九廟之祀

先崇大禮慶浹天人次念建封事兼家國伏以魯王夙承叡訓特稟天姿爰擇吉辰光膺寵冊既示之以君親之道又錫之以禮義之邦寰海聞風室家相慶臣自嬰疾疹已歷旬時不獲展禮明庭拜舞稱賀

裴相公讓官第一表 并批荅

臣某言臣去冬得疾近日加劇西夕之景豈能久留及其未亂披露誠懇臣犬馬之齒六十有七壽雖不長亦不為短位忝公台近十五年皆由際會非以才進常懼官謗以招國刑今被病得死保其始終為幸甚厚豈復浴嗟所恨者遇聖明之君不得佐成太平

之化自量氣力忽恐奄然則有微素無階上達伏惟聖慈昭鑒憐而察之伏以三公非曠職之地宰相非卧理之官伏枕之初已有陳乞請罷真食兼辭貴階伏蒙優詔纔遂一事頻降中使慰勉再三專令御醫旦夕診視苟安名器不覺經時主恩則深公議不可伏思陛下臨御之始宰臣四人逮今零落忽已一半臣且危惙餘年幾何唯易直外鎮獨得無恙竊惟此理權位難居伏乞賜臣停官許在家養疾就閒辭祿或冀有瘳害盈福謙固是神理儻天眷綢厚念以伏事多年臣之所陳未蒙便遂則國朝勳舊以疾辭位

者皆得致仕官使其家居足以頤養既有成例著於  
舊章伏望天恩特賜哀允

省表具知夫爵位崇高以酬勲德君臣協契諒在  
始終斯乃前王之令圖有國之彝典也况卿輔相  
憲祖逮于朕躬履歷四朝夷險一致服事君之大  
節推濟物之深誠道光朝倫行滿天下倚注之意  
豈同它人屬朕纂曆御乾興師伐叛騷動累歲端  
憂靡遑及河朔載寧郊丘畢事方欲咨詢元老康  
靖生靈不虞寒暑所侵勤勞遇疾雖國醫診視中  
使省臨憂屬之誠頃刻在念况舊章奏退讓官榮

雖知止之心則思避寵而謀猷之體斯乃為時寢  
食之間勉加頤養其所陳乞非朕意焉

第二表 并批荅

臣某言臣所獻章表發於至誠伏奉批荅未蒙允許  
外負公責內迫私情祈於必遂敢守難奪臣束髮已  
來號為強力及其晚節亦未甚衰一朝被病遂至絲  
髮臣自思省得其端倪非因飲食不節無有霧露之  
犯蓋由才微而任重功薄而賞厚竊位既久妨賢則  
多以積年之過幸致今日之沈疾不能酌損所以生  
災悟雖已晚情實非矯伏惟陛下念其委使之久察

其危苦之詞持降深恩救臣不逮無冒榮之咎得遂性之宜物議不形病心自泰忍死俟命披肝再陳伏乞聖慈俯賜容納無任迫切懇倒之至

省表具知卿勲績崇高誠節忠蓋秉心一德宣力四朝訃謨緝熙弼予于理勤勞事國啓沃匪躬功格道光常所嘉尚所疾未廖勉於善養勿藥之喜佇即痊平台衮之司倚卿為重乃累陳退讓殊謂不然宜體朕懷即斷來表

第三表 并批荅

臣某言得疾踰年在假三月再有陳請未蒙允從慮

其奄忽銜愧入地伏惟聖慈哀而信之臣聞君之使臣在知其心而聽其言不以容尸祿為惠也臣之事君在無隱情而盡忠節不以受非據為榮也然後上下交感終始可詠臣伏事陛下五年于茲葵藿微誠已蒙識察桑榆暮景所冀哀憐豈令危懼之時更懼滿盈之禍雖有藥石安能調和聖日難逢生涯漸短體羸無拜舞之望心在南涕戀之悲臣伏覽國史備見前事太宗朝李靖高宗朝劉仁軌皆自宰臣乞骸致政其後知猶可用復起于家進退之間曲盡情禮君臣之際良史美談伏望陛下悉臣至誠念臣羸病



許遂願養以保餘年俟其有瘳或冀萬一無任懇款  
違迫之至

省表具悉謝病之制雖起於昔賢盡瘁之詞亦標  
於古典况卿有功於國作相累朝自匡輔眇身又  
勤勞數載豈可以微疾去位以重望辭榮章疏徒  
來延遲彌切至如太宗朝許李靖致政高宗遂仁  
軌乞骸朕非不知事則有異何者時當明聖在上  
理道已成宰臣優游固得自便今則生物尚困庶  
工未修言念勲賢方深倚注惟此故事恐難遽行  
卿宜體是誠懷力更願養必有多福以扶大忠無

至確然復陳章表

蘇州謝上表

臣某言伏奉制書授臣使持節蘇州諸軍事守蘇州  
刺史始從郎署出領郡章承命若驚省躬增感伏惟  
皇帝陛下受上玄之眷佑揚列聖之耿光大康黎元  
慎擇牧守德音毋發品物咸蘇臣本書生素無黨援  
謬以薄伎三登文科德宗皇帝擢為御史在臺三載  
例轉省官永貞之初權臣領務遂奏錄用蓋聞虛名  
唯守職業實無朋附竟坐飛語貶在遐藩憲宗皇帝  
後知事情卻授刺史凡歷外任二十餘年伏遇陛下

應運重光物無廢滯收拾者舊塵忝班行既幸逢時  
常思展效在集賢院四換星霜供進新書二千餘卷  
儒臣之分甘老於典墳優詔忽臨又委之符竹分憂  
誠重戀闕滋深石室之書空留筆劄金閨之籍已去  
姓名本末可明申雪無路豈意聖慈弘納不隔卑微  
面辭之日特許升殿天顏咫尺臣禮兢惶不敢盡言  
空懷誠懇謝恩而出生光於九陌之間受訓而行布  
政於五湖之外臣即以今月六日到任上訖伏以水  
災之後物力索空臣謹宣皇風慰彼黎庶臣聞有味  
之物蠹蟲必生有才之人讒言必至事理如此古今

同途了然辨之唯在明聖伏惟陛下察臣此言則天  
下之人無不幸甚江海遠地孤危小臣雖雨露之恩  
幽遐必被而犬馬之戀親近為榮大和六年二月六  
日

蘇州謝賑賜表

臣某言伏奉去年二月十五日敕蘇州宜賜米一十  
二萬石委刺史據戶均給者恩降九天澤流萬姓伏  
以臣當州去年災沴尤甚水潦雖退流庸尚多臣前  
月到任奉宣聖旨闔境老幼無不涕零詢訪里閭備  
知凋瘵方具事實便欲奏論聖慈憂人照燭幽遠特

有賑卹救其災荒蒼生荷再造之恩儉歲同有年之慶臣忝為長吏倍萬常情無任感激抃躍之至大和六年三月二十四日


蘇州賀冊皇太子表

臣某言伏奉制書以今月十日冊皇太子德音遐布盛禮畢陳國本永安人心同慶伏惟皇帝陛下以繼天之聖有知子之明義兼君親禮重宗祏龍樓肇建展嘉禮於三朝鳳曆延長固本枝於萬葉臣守在遐郡不獲稱慶闕庭無任踴躍屏營之至大和七年八月十七日

蘇州賀冊皇太子牋

朝議大夫使持節蘇州諸軍事守蘇州刺史上柱國劉某叩頭叩頭伏惟皇太子殿下允膺上嗣光啓東朝蒼震發前星之輝黃離表重輪之瑞位居守器禮重承祧萬國以貞九圍咸說某限以守郡不獲稱慶  
官庭

劉賓客文集卷第十五



國家圖書館, NATIONAL CENTRAL LIBRARY, TAIWAN, R.O.C.

劉賓客文集卷第十六 表章六

校宋本記

蘇州謝恩賜加章服表

蘇州賀皇帝疾愈表

汝州謝上表

同州謝上表

賀臬斬鄭汭表

賀德音表

賀赦表

謝恩賜粟麥表

慰淄王薨表

謝恩放先貸斛斗表

謝分司東都表

蘇州謝恩賜加章服表

臣某言伏奉去年十一月二十七日詔書加臣賜紫金魚袋餘如故者恩隆重霄榮霑陋質虛黷陟明之



典恐興彼已之詩寵過若驚喜深生懼中謝臣起自  
書生業文入仕德宗朝為御史以孤直在臺順宗朝  
為郎官以緣累出省憲宗皇帝後知其寃特降敕書  
追赴京國緣有虛稱恐居清班務進者爭先上封者  
潛毀巧言易信孤憤難申俄復一麾外轉三郡伏遇  
陛下膺期御宇大振滯淹哀臣宿舊猥見收拾職兼  
書殿官忝儀曹微勞未宣薄命多故又離省署重領  
郡符延英面辭親承教誨銜命即路星言載馳到任  
之初便逢災疫奉宣聖澤恭守詔條上稟獻謀下求  
人瘼才術雖短憂勞則深幸免流離漸臻完復皆承

聖化所及遂使人心獲安豈由微臣薄劣能致臣素  
乏親黨家本孤貧年衰無酒食之娛性拙無博奕之  
藝自領大郡又逢時災晝夜苦心寢食忘味曾經誣  
毀每事防虞唯託神明更無媒援豈期片善上達宸  
聰回日月之重光燭江湖之下國絲綸褒異苦節既  
彰印綬煒煌老容如少望雲天而拜舞豈盡丹誠視  
環玦以裴回空嗟白首無任感激屏營之至大和七  
年十二月十六日

蘇州賀皇帝疾愈表

臣某言臣得本道觀察使報伏承聖躬痊愈已於紫

中山集 卷十六  
宸殿視朝者一人有慶萬國同歡伏惟皇帝陛下外  
親萬務內奉三宮常懷宵旰之勤遂失寢興之適上  
玄降祐列聖表靈百神奔走以來扶四海精誠而致  
感勿藥有喜如山永安宗廟保無疆之休寰瀛申莫  
大之慶臣恪居官次遐守江干不獲稱賀闕庭無任  
踴躍屏營之至

汝州謝上表

臣某言伏奉去年七月十四日詔書授臣使持節汝  
州諸軍事守汝州刺史兼御史中丞充本道防禦使  
餘如故者臣久居遠服戀闕常深忽降新恩近鄉為

貴承旨慶抃省躬慙惶臣某誠歡誠喜頓首頓首伏  
惟皇帝陛下垂衣穆清之中旁照寰瀛之內車書所  
及動植咸安臣昨離班行遠守江徼延英辭日親奉  
德音知臣所部災荒許臣到任條奏共承勅旨宣示  
群黎減其征徭頒以賑賜伏蒙聖澤救此天災疲羸  
再蘇幼艾同感二年連遭水潦百姓幸免流離交割  
之時戶口增長雖才術不足於事未周而憂勞則深  
為衆所悉臣本業儒素頻登文科時命遭回再領軍  
郡即以今月二十七日到任上訖謹當奉宣皇化慰  
彼蒼生臨汝水之波朝宗尚阻望秦城之日回照何

中山集 卷十一  
時無任感激屏營之至謹差防禦押衙常禮簡奉表  
陳謝

同州謝上表

臣某言伏奉去年十月二十三日制書授臣使持節  
同州諸軍事守同州刺史兼御史中丞充本州防禦  
長春宮等使恩降九重榮忝三輔承旨慶抃省躬慙  
惶臣某伏惟皇帝陛下丕承列聖光闡鴻猷氛祲掃  
除乾坤交泰臣幸逢昌運累沐殊私空荷生成之恩  
宜酬雨露之澤即以今月二日到本州上訖謹宣獻  
旨安慰蒸黎伏以本州四年已來連遭旱損閭閻凋

瘵遠近共知臣頃任蘇州之年亦遭大水之後而辭  
之日親奉德音至於撫綏皆承聖教二年之後百姓  
獲安今本部災荒物力困涸忝為長吏敢不竭誠即  
須條疏續具聞奏臣恪居官次幸接王畿不獲拜舞  
彤庭陳露丹慊犬馬懷戀寢興匪寧瞻魏闕之容朝  
天尚阻望長安之路近日為榮無任感激屏營之至  
謹差防禦知衙官試殿中監楊克乂奉表陳謝大和  
九年十二月二十一日

批荅省表具知卿任居三輔職奉六條累聞問俗  
之勞載覽動人之志言惟願行深慰朕懷勉弘故



中山集 卷十六 四  
經以副憂寄所謝知

賀梟斬鄭注表

臣某言伏奉前月二十五日詔書示逆賊鄭注已梟首訖氛妖殄滅華夏又安伏以逆賊鄭注本出細微潛懷梟獍之心兼結兇狂之黨人倫共棄神理不容陛下叡略感通天人合應重臣協力禁旅齊心指頤之間猖狂自潰乾坤交泰日月增明凡在人臣不勝慶快臣恪居官次不獲稱賀闕庭無任欣歡抃躍之至大和九年十二月二日

賀德音表

臣某言伏見今月十六日德音布告遐邇天道下濟人情大安伏惟皇帝陛下凝旒思理垂意擇材以日月無私之光照寰區有截之內貴使下情盡達寧虞厚貌潛謀一昨李訓鄭注等敢有逆心兼連兇黨陛下叡謀神斷左右協同頃刻之間掃除已定重臣畢力禁旅竭忠氛祲廓清華夷咸說言念正刑之外或有誑誤之徒再發德音廣宣聖澤當星紀回天之日迎陽和煦物之光懷危疑者如山之安欲告訐者望風知懼非同謀者一切不問未結正者三省從寬含生之倫普天同感臣恪居官次不獲稱慶闕庭云云

謹差防禦知衙官朝議郎權知容州都督府司馬孫  
揚奉表

賀赦表

臣某言伏奉今月一日制書改大和十年為開成元  
年大赦天下者雷雨作解人神說隨澤及八荒網開  
三面臣某誠歡誠喜頓首頓首伏惟皇帝陛下上承  
乾綱下立人極用含弘光大之澤副夷夏會同之心  
獻歲改元惟新景祚先明首罪次及群妖述獻情以  
曉萬方施鴻霈以蘇庶物恤辜宥過已責弛征郡縣  
之舊弊悉除賦稅之新規咸備停藩方節獻之禮以

惠疲人回權管餘羨之財以資京邑命使展澄清之  
志察言求謹直之材方旌賁于丘園粟帛頒於耆艾  
爰以初吉御宇明庭德音一發於九天和氣驟周於  
四海開物成務實表於建元應天順人永延於億載  
臣幸居近輔先受殊恩不獲稱慶闕庭陪榮班次衆  
星列位常拱北辰之光新歲拜章遙獻南山之壽無  
任抃躍屏營之至

謝恩賜粟麥表

臣某言伏奉今月一日制書以臣當州連年歉旱特  
放開成元年夏青苗錢并賜斛斛六萬石仰長史逐

急濟用不得非時量有抽歛於百姓者恩降九天澤  
周萬姓優詔纔下群情頓安臣某誠歡誠喜頓首頓  
首伏以災沴流行陰陽常數物力既竭人心匪遑輒  
敢奏聞本求貸借皇恩廣被玄造曲成既免在田之  
征仍頒發廩之賜臣謹宣赦文節目彰示兆人鼓舞  
歡謔自中徂外臣初到所部便遇儉時今蒙聖慈特  
有賑恤主恩及物已為壽域之人衆意感天必有豐  
年之應臣恪居官業不獲拜舞闕庭無任感激

慰淄王薨表

臣某言臣得進奏官楊惕狀報淄王薨輟朝三日伏

惟皇帝陛下德邁前王情深近屬憫枝葉之謝諒切  
宸衷割肌膚之愛何堪聖念萬方知化九族歸仁凡  
受國恩伏深悽惻臣限以藩守不獲奉慰闕庭無任  
屏營之至

謝恩放先貸斛斗表

臣某言臣奉五月二十九日敕牒據度支所奏諸道  
節度觀察使及州府借便省司錢物斛斗等數內當  
州欠三萬六千二十三貫石並放免者殊私忽降逋  
責滌除藩方永安遐邇咸說臣某誠歡誠喜頓首頓  
首伏以關輔之間頻年歉旱田租既湏矜放公用又

中山集 卷一  
不支持承前長吏例有借便以救一時之急皆成積  
欠之名既未支填常懷憂懼聖恩周洽洞見物情爰  
命有司使之條奏去其舊弊衆已獲安嚴立新規人  
知所措臣恪居官次不獲拜舞闕庭無任抃躍屏營  
之至

謝分司表

臣某言伏奉今月十九日制書授臣太子賓客分司  
東都者寵命自天戰越無地臣發迹書生以文為業  
出身入仕四十餘年頃自集賢學士出守吳郡面辭  
之日親承德音念百姓水潦之餘示微臣政理之法

臣祗膺聖旨夙夜竭誠閭里獲安流庸盡復猥蒙朝  
獎錫以金章及遷同州又遇歉旱悉心綏撫幸免流  
離今荷天慈憫臣耆舊列名賓護之職分局河洛之  
都老馬露束帛之恩枯株蒙雨露之澤獲居榮秩以  
畢餘年願此微軀實為厚幸伏以臣始為御史逮事  
德宗今忝宮寮幸逢聖日舉四海之內賢能則多求  
六朝之臣零落將盡雖迫桑榆之景猶傾葵藿之心  
臣無任感恩惕抃之至

劉賓客文集卷第十六



劉賓客文集卷第十七狀

為淮南杜相公論新羅請廣利方狀

為京兆李尹降誕日進衣狀

為京兆李尹降誕日進衣狀

為京兆李尹進野豬狀

為杜相公自淮南追入長安至長樂驛謝賜酒食狀

為杜相公謝就宅賜食狀

為東都韋留守謝賜食狀

為裴相公進東封圖狀 舉崔監察群自代狀

舉開州柳使君公綽自代狀

舉姜補闕倫自代狀

蘇州舉揚子常中

丞自代狀

蘇州上後謝宰相狀

蘇州加章服謝宰相狀

汝州上後謝宰相狀

汝州舉杭州裴大

夫自代狀

汝州進鷹狀

同州舉蕭諒議自代狀

上宰相賀德音狀

上宰相賀改元赦書狀

薦處士嚴忠狀

薦處士王龜狀

為淮南杜相公論新羅請廣利方狀

淮南節度觀察處置等使敕賜貞元廣利方五卷右臣得新羅賀正使朴如言狀稱請前件方一部將歸本國者伏以纂集神效出自聖衷藥必易求疾無隱

狀搜方伎之祕要拯生靈之天瘡坐比華胥咸躋仁壽遂令絕域逖聽風聲美茲豐功爰有誠請臣以其久稱藩附素混車書航海獻琛既已通於華禮釋疴蠲瘍豈獨隔於外區正當四海為家冀覩十全之效臣即欲寫付未敢自尊謹錄奏聞

為京兆常尹降誕日進衣狀

衣一副四事黃折造衫一領白吳綾汗衫一領白花羅半臂一領白花羅袴一腰右伏以正陽令月誕聖嘉辰運協千羊慶流萬國凡在臣子合有獻陳敢傾就日之心願奉如山之壽輕瀆宸扆無任兢惶

中山集 卷十七  
為京兆李尹降誕日進衣狀

衣一副四事右伏以水德方清真龍下降天長地久  
瞻北極以常尊獻壽稱觴配南山而永固臣地居宗  
屬職忝尹京慶賀之誠倍萬常品前件衣服謹詣銀  
臺門奉進輕瀆旒宸伏用兢惶貞元十九年四月十  
九日

為京兆常尹進野猪狀

右伏以收穫之餘田獵有獲異於芻豢者在方書既  
堪充庖輒敢上獻前件野猪謹隨狀進謹奏

為杜相公自淮南追入長安至長樂驛謝

賜酒食狀

具官臣某右臣今日至長樂驛高品某奉宣聖旨賜  
臣酒食者伏以恩降王人榮分御膳未展儀於雙闕  
先受賜於八珍品越脈膳味兼醪醴頓驚凡口倍益  
歡心無任欣躍

為杜相公謝就宅賜食狀

具官臣某右高品某奉宣聖旨賜臣食者出自太官  
餼于私第光榮曲被猥承推食之恩駑蹇未施益重  
素餐之責舉其七筮若負丘山無任戰荷踴躍之至  
為東都常留守謝賜食狀



具官臣某右臣今日發至長樂驛中使某奉宣聖旨  
賜臣食者伏以味兼海陸品溢圓方降自御厨光臨  
傳舍臣初辭魏闕倍懷犬馬之誠猥受珍羞更切稻  
梁之感無任欣躍

為裴相公進東封圖狀

集賢殿御書院開元東封圖一而右臣謹按開元十  
三年玄宗皇帝以天下太平登封東岳聲明文物振  
耀古今伏惟陛下丕承耿光再闡鴻業祖宗盛事紹  
復有期臣所以寫成此圖輒敢上獻至於續畫躬自  
指揮徵史氏之文纂禮容之要山川氣象悉擬真形  
羽衛威儀咸稽故實所冀睿情一覽遐想玄蹤臣叨  
榮過深抱疾已久望陛下告成之日心必前知嗟老  
臣將謝之年身恐不見疾羸之際感激倍深前件圖  
謹差某官某謹詣光順門上進謹奏

舉崔監察群自代狀

御史臺宣歙池等州都團練判官監察御史裏行崔  
群右臣蒙恩授監察御史伏準建中元年正月五日  
制常參官上後三日舉一人自代者伏以前件官在  
諸生中號為國器繫維外府人咸惜之臣既深知敢  
舉自代貞元十九年閏十月日

舉開州柳使君公綽自代狀

尚書屯田某官等守開州刺史柳公綽右臣蒙恩授尚書屯田員外郎伏準建中元年正月五日制常參官上後三日舉一人自代者伏以前件官以賢良方正再敷王庭在流輩間號為端士昨除遠郡人皆惜之臣初蒙授官得以論薦多士之內非無其人竊惟用材宜自遠始謹具如前謹錄奏聞伏聽敕旨貞元二十一年四月八日

舉姜補闕倫自代狀

東都尚書省前左補闕姜倫右臣蒙恩授尚書主客

郎中分司東都伏準建中元年正月五日敕常參官上後三日舉一人自代者臣伏詳詔旨欲達聰旁求發揚幽遠故人得言所知不當循其階次也臣伏以前件官有儒學士行蒙以諫官徵會其年老被疾不堪上道有司按視如狀不復逼迫至今家居而篤志無倦臣謹舉為郎吏分司別都冀優賢振滯兩得其道大和元年六月十四日

蘇州舉常中丞自代狀

蘇州狀上中書門下諸道鹽鐵轉運江淮留後朝議郎守太僕少卿兼御史中丞上柱國賜紫金魚袋常

應物右臣蒙恩授蘇州刺史伏準建中元年正月五日制刺史上後舉一人自代者前件官歷掌劇務皆有美名執心不回臨事能斷今領職雖重本官尚輕伏以當州口賦首出諸郡况經災沴切在撫綏尚省無能輒敢公舉司權筦之利誠藉時才流豈弟之風實惟邦本非敢臆說以塞詔書今具聞奏大和六年十二月九日

蘇州上後謝宰相狀

朝議大夫使持節蘇州諸軍事守蘇州刺史上柱國劉某右某今月六日到州上訖某山東一書生潦倒

踈闊在少壯日猶不逮人况今衰遲智力愈短相公哀憐不遇擢授名邦實荷弘獎慙非器使伏以當州繇大變之後物力蕭然肌寒殞什相枕于野誓當悉心條理續具奏論才術素空憂勞方始懼無聞問忝負恩知不任瞻望懇迫之至

蘇州加章服謝宰相狀

右某素乏吏才謬居劇郡以無庸之器當難治之時恭守詔條勤求人瘼伏以聖德柔遠皇明燭幽凡有上陳皆可其奏遂令管見得及疲黎自承雨露之恩非有循良之政猥蒙朝獎特降命書顧逢掖之腐儒

被華章之貴服有黷陟明之典誠招彼已之譏限以  
守官不獲拜謝瞻望榮感心魂載馳大和七年十二  
月日

汝州上後謝宰相狀

朝議大夫使持節汝州諸軍事守汝州刺史兼御史  
中丞充本州防禦使上柱國賜紫金魚袋劉某右某  
自領吳郡仍歲天災上稟詔條下求人瘼地包藪澤  
俗尚剽輕悉心撫綏用法擒擿事繁才短常積憂虞  
忽蒙天恩稍移近郡家本榮上籍占洛陽病辭江千  
老見鄉樹榮感之至實倍常情印綬所拘不獲拜謝  
瞻望德宇精誠坐馳無任感戀之至

汝州舉裴大夫自代狀

正議大夫使持節杭州諸軍事守杭州刺史上柱國  
賜紫金魚袋裴弘泰右臣蒙恩授汝州刺史兼御史  
中丞充本州防禦使伏準建中元年正月五日敕諸  
州刺史上後舉一人自代者伏以前件官前為九卿  
出領兩鎮頃因微累遂有左遷今授遠州物情未塞  
臣前任鄰接具知公才舊屈未伸輒舉自代云云

汝州進鷹狀

汝州防禦使當使進奉籠母鷹六聯右伏以前件鷹

等學習應期馴養斯至列於常貢有異衆禽受繼之時志已存於雲外下鞫之際思用展於軍前既懷百中之能願獻三驅之禮謹差防禦押衙景再休隨狀奉進以聞大和九年九月十一日

同州舉蕭諫議自代狀

同州防禦使前諫議大夫蕭俶右臣蒙恩授同州刺史兼御史中丞充本州防禦長春宮等使伏準貞元二年正月二十四日敕上後三日舉一人自代者伏以前件官生於貴族伏膺儒門縉紳之間號為端士昨蒙朝獎冠于諫垣時方被病不果上道長告已滿

塊然家居今聞疾瘳可以錄用臣與俶久同班列知其材能為官擇人敢舉自代大和九年十二月四日

上宰相賀德音狀

同州狀上中書門下今月十六日德音右被刑部牒宣示德音伏以聖澤滋深新恩廣被言念正刑之外或有誑誤之徒爰降殊私特弘在宥瑕累咸滌危疑獲安此皆廟筭弼諧致君及物事先前史功格上玄其限以守官不獲隨例拜賀無任抃躍之至大和九月十二日二十三日

上宰相賀改元赦書狀

同州狀上中書門下改元赦書右伏奉今月一日制書改大和十年為開成元年大赦天下者伏以律首三元禮崇四始順陽和發生之德敷大號渙汗之恩宥過恤刑施征已責盡去人瘼通知物情德音朝發於九天和氣夕周於四海此皆相公弼諧之道燮贊之功進熟於密勿之間發揚成滂沛之澤其恪守官業印綬所拘不獲隨例拜賀

薦處士嚴誌狀

處士嚴誌右左庶子損之之孫國子司業士元之子舊名保嗣亦有官班頃者李賓客渤常與之游辟為

桂州支使其後寄家汝海專靜自居其嘗典汝州與語甚熟歷代史及國朝故事悉能該通操心甚危觀跡相副未逢知己已過壯年汨沒風塵有足悲者伏見赦文節目委州郡長吏搜訪隱淪夫舉無它唯善所在每覽珠英卷後列學士姓名有常州人符鳳白衣在選取其藝業不棄遠人某忝被儒官得以薦士亦非出位冀不廢言儻弘文集賢史氏之館採其實學有勸諸生伏以桂州辟之於前某薦之於後豈必有土長吏然後事行伏惟試味斯言降意詳擇謹狀

薦處士王龜狀

處士王龜古者選公族大夫必以惇惠者教之文敏者道之果敢者諗之鎮靜者循之孜孜於此者蓋膏梁之性難正而懼公侯之胤不能嗣其耿光可以深惜然則成宣之後而老為大夫非耻乎此智武子誠文子既冠而見之詞也是知古之取士不專寒族必參用世胄以廣得人之路今見處士王龜即居守之第三子也天性貞靜操心甚危不由門資誓志自步樂處士之號不汨綺襦之間自到洛都便居山寺耽玩墳籍放情煙霞曾邀與語如鋸木屑信有稟受居然出群以比在京師甚足知者諫院有狀名流亟言

某流滯周南靜閱時輩身雖不用心甚愛才况遇相公持衡敢有所啓誠懸之下輕重難欺伏惟深賜詳擇知卿族之內有遺逸焉謹狀正議大夫檢校禮部尚書兼太子賓客分司東都劉某狀

劉賓客文集卷第十七



國家圖書館, NATIONAL CENTRAL LIBRARY, TAIWAN, R.O.C.



劉賓客文集卷第十八 啓

上杜司徒啓

上淮南李相公啓

上門下武相公啓

上中書李相公啓

謝門下武相公啓

謝中書張相公啓

賀門下裴相公啓

上門下裴相公啓

賀門下李相公啓

自西川入為大夫拜相

上僕射李相公啓

謝裴相公啓

謝竇相公啓

上杜司徒啓

時謫朗州

某啓一自謫居七悲秋氣越聲長苦聽者誰哀湯網



雖踈久而猶誑失意多病衰不待年心如寒灰頭有  
白髮惕厲之日利於退藏是以彌年不敢奏記近本  
州徐使君至奉手筆一函稱謂不移問訊加劇重復  
點竄一無容言忽疑此身猶在門下收紙長想欣然  
感生尋省遭罹萬重不幸方寸之地自不能言求人  
見諒豈復容易伏蒙遠示且曰浮謗漸消况承慶宥  
期以振刷方今聖賢合德朝野多歡澤柔異類仁及  
行葦萬族咸說獨為窮人四時平分未變寒谷自同  
類牽復又已三年側聞衆情或似哀歎某材略無取  
廢錮是宜若非舊恩孰肯留念六翩方鍛思重託於

扶搖孤桐半焦冀見收於煨燼伏紙流涕不知所言  
謹啓

上淮南李相公啓

某啓某間以昧於周身措足危地駭機一發浮謗如  
川巧言竒中別白無路祝網之日漏恩者三咋舌兢  
魂分終裔壤豈意天未勦絕仁人登庸施一陽於剝  
極之際援衆溺於坎深之下南箕播物不勝曷言危  
心鍛翮繇是自保陰施之德已然乃聞受恩同人盟  
以死荅私感竊抃積于窮年化權禮絕孤去莫展今  
幸伍中牽復司存宇下伏慮因是記其姓名謹獻詩

二篇敢聞左右古之所以導下情而通比興者必文  
其言以表之雖眊謔俚音可儷風什伏惟降意詳擇  
斯大幸也謹因楊子程留後行謹奉啓不宣謹啓

上門下武相公啓

某啓去年本州吏人自蜀還伏奉示問兼衣服繒綵  
等雲水路遙緘滕貺厚恭承惠下之旨重以念舊之  
懷熙如陽和列在緡簡苦心多感危涕自零驚神驛  
思若侍頽杖伏以聖上注意理本銳求國禎念外臺  
報政之功追宣室前席之事重下冊詔再升黃樞群  
情合符和氣來應八柄所在三人同心協台坐之精

膺傑材之數談笑於規隨之際從容於陶冶之間物  
皆由儀人識所措某久罹憲網兀若枯株當萬類咸  
說之辰抱窮途終慟之苦清朝無絳灌之列至理絕  
椒蘭之嫌此時不遇可以言命嗟乎一身主祀萬里  
望粉榆之鄉高堂有親九年居蠻貊之地從坐之典  
固有等差同類之中又尋牽復頃在臺日獲奉準繩  
指吏途於按讞道文律於章奏藻鑿之下難逃陋容  
炎涼載移足見真態自違間左右沈淪遐荒歲月滋  
深艱貞彌厲緬思受譴之始它人不知屬山園事繁  
孱懦力竭本使有內嬖之吏供司有恃寵之臣言涉

猜嫌動礙闕束城社之勢函矢紛然彌縫其間崎嶇  
備盡始慮罪因事闕寧虞謗逐跡生智乏周身又誰  
咎也伏以趙國公頃承一顧之重高邑公夙荷見知  
之深雖提挈不忘而顯白無自蓋以永貞之際皆在  
外方雖得傳聞莫詳本末特哀黨錮亟形話言自前  
歲振淹命行中止或聞輿論亦愍重傷伏遇相公秉  
鈞輒已自賀儻重言一發清議攸同使聖朝無錮人  
大治無廢物自新之路既廣好生之德遠彰群蟄應  
南山之雷窮鱗得西江之水指顧之內生成可期伏  
惟發膚寸之陰成彌天之澤回一瞬之念致再造之  
恩誠無補於多事之時庶有助於陰施之德無任懇  
悃之至謹啓

上中書李相公啓

某啓去年國子主簿楊歸厚致書相慶伏承相公言  
及廢錮愍色甚深哀仲翔之久謫恕元直之方寸思  
振淹之道廣錫類之人遠聆一言如受華衮伏自不  
窺牆仞九年于茲高卑邈殊禮數懸絕雖身居廢地  
而心恃至公伏以相公久以訐謨參于宥密材既為  
時而出道以得君而專令發於流水之源化行猶偃  
草之易習強佞者自納於軌物困杼軸者咸躋於仁

壽六轡在手平衡居心運思於陶冶之間宣猷於魚  
水之際然能軫念廢物遠哀窮途嗟哉小生有足悲  
者內無手足之助外乏強近之親為學苦心本求榮  
養得罪由已翻乃貽憂捫躬自劾愧入肌骨禍起飛  
語刑極淪胥心因病怯氣以愁耗近者否運將泰仁  
人持衡伏惟推曾閔之懷憐烏鳥之志處夔龍之位  
傷屈賈之心沛然垂光昭振幽螿言出口吻澤濡寰  
區昔者行葦勿傷枯骼猶掩哀老以出弊慙窮而開  
懷無情異類尚或嬰慮顧惟江干逐客曾是相府故  
人言念材能誠無所取譬諸飛走庸或知恩嗚呼以  
回淚盡言不宣意謹啓

謝門下武相公啓

某啓某一坐飛語廢錮十年昨蒙徵還重罹不幸詔  
命始下周章失圖吞聲咋舌顯白無路豈謂烏鳥微  
志惻于深仁恤然動拯溺之懷煦然存道舊之旨言  
念轍棘慰安蒼黃推以恕心期於造膝重言一發叡  
聽克從回陽曜於肅殺之辰沃天波於躡蹠之際俾  
移善地獲奉安輿率土知孝治之源群生識人倫之

厚感召和氣發揚皇風豈惟匹夫獨受其賜某即以  
今月十一日到州上訖守在要荒拘於印綬中鞫詣  
謝有志莫從誠知微生不足酬德捐軀之外無地寄  
言效節蕭屏虔然心禱無任懇悃屏營之至謹勒軍  
事衙官左威衛慈州吉昌府別將員外置同正員常  
懇奉啓起居不宣謹啓

謝中書張相公啓

某啓某智乏周身動必招悔一坐飛語如衝駭機昨  
者詔書始下驚懼失次叫閭無路擠壑是虞草木賤  
軀誠不足惜烏鳥微志實有可哀伏蒙聖慈遽寢前

命移莅善部載形綸言凡在人臣皆感至德凡為人  
子同荷至仁豈唯鰥生獨受其賜伏以相公心符上  
德道冠如仁一夫不獲戚見于色密旨未下歎形于  
言竟回三舍之光能拔九泉之厄素公之平楚獄不  
忍錮人晏子之哀越石乃伸知己所以慶垂胤祚言  
成春秋神理孔昭報應斯必身侔蟬翼何以受恩死  
輕鴻毛固得其所卑守有限拜謝未由無任感激兢  
惶之至謹勒軍事衙官守左威衛慈州吉昌府別將  
員外置同正員常懇奉啓起居不宣謹啓

賀門下裴相公啓

某啓伏以相公含道傑出降神挺生坐籌以弼獻謨  
秉鉞以行天討風雲助氣川岳效靈制勝於尊俎之  
間指蹤於鞞縶之末繡斧既定衮衣以歸君心如魚  
水人望如風草一德交暢萬邦和平運神思於洪鑪  
納生靈於壽域文武丕績冠于古今某恪守遐荒不  
獲隨例拜賀

上門下裴相公啓

某啓曩者淮右逋誅即戎歲久天子齋戒以命元臣  
登壇之日上略前定從九天而下縱以神兵分六符  
之光埽其長彗授鉞於西顛之半策勲於北陸之初

功成偃節復執大柄君臣相遇播于樂章山河啓封  
載在盟府上方注意人益具瞻因魚水之協符極夔  
龍之事業時屬四始思覃萬方致君及物其德兩大  
古先峻賢所未備者我從容而保之殆非人事抑有  
幽贊夫異同之論我以獨見剖之文武之道我以命  
材統之崇高之位我以大功居之造物之權我以虛  
心運之然持盈之術古所難也實在陰施及物厚其  
德基以左右功庸而百祿是荷人所欽戴久而愈宜  
昔袁太尉不忍錮人而楚獄哀息一言之慶子孫丕  
承以今日將明之材行前修博施之義筆端膚寸澤

及九垓猶夫疾耕必有滯穗某頃墮危厄嘗受厚恩  
詛盟於心要之自效常懼廢死荒服永辜願言敢因  
賀牋一寄丹懇顧非竒理不足以縈于冲襟然則利  
於行者固在乎常談而卓詭孤特之言未必利於行  
也伏惟以愚言與賢者參之謹啓

賀門下李相公啓

自西川入為大夫拜相

某啓伏以聖君當功成愷樂之日而求賢愈切思治  
益深是上玄垂休欲速致太平之明效以相公事業  
而逢此時天下之人視仁壽之域其猶尋尺故命書  
所至德風隨之微材片善咸自磨拂况同主國柄如  
吹埴麁含生之倫唯所措置日月亭午物無邪陰聖  
賢合德人識正道雖居畎畝足以詠歌某遐守要荒  
不獲隨例拜賀私感竊抃實倍怛情

上僕射李相公啓

某啓州吏還伏蒙擺落常態手筆具書言及貞元中  
登朝人逮今無十輩及發中書相公一函具道閣下  
亟言曩遊顏間頗有衰色夫溝中之木與犧象同體  
追琢不至坐成枯薪朱而藍之猶足為器苟液楠曲  
戾不足枉斧斤願為庭燎以照嘉客謹啓

謝裴相公啓



某啓某遭不幸歲將二紀雖累更符竹而未出網羅親知見憐或有論薦如陷還溼動而愈沈甘心終否無路自奮豈意天未勦絕仁人持衡紆神慮於多方起堙沈於久廢居剝極之際一陽復生出坎深之中平路資始通籍郎位分曹樂都喬木展舊國之思行雲有故山之戀姻族相賀壺觴盈門官無責詞始自今日禽魚之志誓以死生草木之年惜其晚晚章程有守拜謝無由瞻望巖廊虔然心禱謹啓

謝實相公啓

某啓其一辭朝列二十三年雖轉郡符未離請籍早

濕生疾哀遲鮮歡望故國而未歸如痿人之念起昨蒙罷免甘守丘園相公不棄舊遊特哀久廢每奉華翰賜之衷言果蒙新恩重忝清貫薦延有漸拯拔多方六律變幽谷之寒一九銷彌年之疹鰲翮將舉危心獲安布武夷途自此而始分曹有繫拜謝無由瞻望德藩坐馳精爽無任感激之至謹啓

中山集

卷十八

五

劉賓客文集卷第十八



劉賓客文集卷第十九

集紀

唐故相國李公集紀

唐故中書侍郎平章事韋公集紀

唐故相國贈司空令狐公集紀

唐故尚書主客員外郎盧公集紀

唐故衡州刺史呂君集紀

唐故尚書禮部員外郎柳君集紀

董氏武陵集紀

澈上人文集紀



唐故相國李公集紀

天以正氣付偉人必飾之使光耀于世粹和細縕積于中鏗鏘發越形乎文文之細大視道之行止故得其位者文非空言咸繫于訃謨宥密庸可不紀惟唐以神武定天下群慝既讐驟示以文韶英之音與鉦鼓相襲故起文章為大臣者魏文貞以諫諍顯馬高唐以智略奮岑江陵以潤色聞無草昧汗馬之勞而任遇在功臣上唐之貴文至矣哉後王纂承多以國柄付文士元和初憲宗遵聖祖故事視有宰相器者貯之內庭繇是釋筆硯而操化權者十八九公實得

時而光馬公諱絳字深之趙郡人在貢士中傑然有奇表既登太常第又以詞賦陞甲科授祕書省校書郎歲滿從調有司設甲乙問以觀決斷復居高品補渭南尉擢并監察御史未幾以本官充翰林學士居中轉尚書主客員外郎歷司勳郎中知制誥遷中書舍人風儀峻整敷奏謹切言事感動上輒目送之一旦召至浴堂門與語半日將移用于大位宜稔熟民聽遂出為戶部侍郎遷中書侍郎同平章事毅然有直聲及冊免而問望益大周旋公卿間五為尚書歷御史大夫左僕射一以三公領太常刺近輔居保

山集 卷十九  
一  
登登齋壇皆再馬大和三年以司空鎮南鄭居二歲  
坐氣剛玉折海內冤惜之後三年嗣子前京兆府尹  
曹掾璆次子前監察御史襄行頊等泣持遺草請編  
之肇自從試有司至于宰天下詞賦詔誥封章啓事  
訶詩贈餞金石賜功凡四百餘篇勒成二十卷上所  
以知君臣啓沃之際下所以備風雅詩聲之義洪鍾  
駭聽瑤瑟清骨其在翰苑及登台庭極言大事誠貫  
理直感通神祇龍鱗收怒天日回照古所謂一言興  
邦者信哉始愚與公為布衣游及仕畿服幸公同邑  
其後雖翔泳勢異而不以名數革初心今考其文至

論事疏感人肺肝毛髮皆聳嗚呼其盛唐之遺直歟

唐故中書侍郎平章事常公集紀

漢庭以賢良文學徵有道之士公孫弘條對第一席  
其勢鼓行人間取丞相且侯使漢有得人之聲伊弘  
發也皇唐文物與漢同風故天后朝燕國張公說以  
詞標文苑徵玄宗朝曲江張公九齡以道伴伊呂徵  
德宗朝天水姜公公輔杜陵常公執誼河東裴公珣  
以賢良方正徵憲宗朝河南元公稹京兆常公淳以  
才識兼茂徵隴西牛公僧孺李公宗閔以能直言極  
諫徵咸用對策甲於天下繼為有聲宰相古今相望

落落然如騎星辰與夫起版築飯牛者異矣公本名  
淳舉進士登賢良既仕方更名處厚字德載漢丞相  
扶陽侯之裔孫後周道遙公賈之八代孫江陵節度  
參謀監察御史裏行贈右僕射某之元子生而聰明  
絕人在提狹發言成詩未幾能賦受經於先君僕射  
學文於伯舅許公孟容及壯通六經旁貫百氏咨天  
人之際遂探曆數明天官窮性命之源以至於佛書  
尤遠初為集賢殿校書郎宰相李趙公監修國史引  
直東觀就改咸陽尉遷右拾遺轉左補闕世稱有史  
才而能諫諍入尚書為郎歷禮部考功皆人望所在

上方用威武以警不庭宿兵寢久常丞相貫之酌人  
情上言不合意冊免因歷詆所善公在伍中出為開  
州刺史居三年執友崔敦詩為相徵拜戶部郎中至  
闕下旬歲間以本官知制誥穆宗新即位注意近臣  
召入翰林充侍講學士初授諫議大夫續換中書舍  
人侍游蓬萊池延問大義退而進六經法言二十編  
優詔荅之賜以金紫尋遷權知兵部侍郎知制誥翰  
林侍講史館修撰長慶四年春敬宗踐祚以公用經  
術左右先帝五年稔聞其德尤所欽倚內署故事與  
外廷不同凡言翰林學士必草詔書有侍講者專備

顧問雖官為中書舍人或它官知制誥第用其班次耳不竄言於訓詞至是上器公且有以寵之乃使內謁者申命去侍講之稱慮未諭于百執事居數日降命書重舉舊官以明新意尋真拜夏官貳卿由是內庭詞臣無出其右者凡密旨必承平權輿故號承旨學士上富春秋未親庶政或有凝滯視公如著龜寶曆季年宮壺間一夕生變人情大駭雖鼎臣無所關決唯內署得參焉群議闕胡貢然俟公一言而定哉難績服再維乾綱今上繼明策勲第一擢拜中書侍郎同中書門下平章事以高材遇英主功顯人伏言

無不從筆端膚寸澤及天下盡罷冗食請歸才人事先有司物止常貢城社無託巖廊益尊感恩盡瘁不嗇神用大和二年十二月上前言事未及畢詞疾作暴債以朝服委地同列白奏搢笏扶持之不能起上命中貴人左右翼負歸于中書如大醉狀上震驚咨嗟徵醫賜藥旁午疊委會莫肩輿至第詰旦以不起聞贈祿加常禮後十年嗣子蕃以太子舍人直弘文館編次遺文七十通銜哀貢誠乞詞以冠其首謹按公未為近臣已前所著詞賦讚論記述銘志皆文士之詞也以才麗為主自入為學士至宰相以往所執

筆皆經綸制置財成潤色之詞也以識度為宗觀其發德音福生人沛然如時雨褒元老諭功臣穆然如景風命相之冊和而莊命將之誥昭而毅薦賢能其氣似孔文舉論經學其博似劉子駿發十難以摧言利者其辯似管夷吾噫逢時得君奮智謀以取高位而令名隨之豈不偉哉初蕃既纂修父書咨于先執李習之請文為領袖許而未就一旦習之憮然謂蕃曰翱昔與韓吏部退之為文章盟主同時倫輩惟柳儀曹宗元劉賓客夢得耳韓柳之逝久矣今翱又被病慮不能自述有孤前言齎恨無已將子薦誠于劉

君乎無何習之夢奠于襄州蕃具道其語余感相國之平昔且嘉蕃之虔虔孝敬庶幾能世其家故不讓云

唐故相國贈司空令狐公集紀

起文章而陟大位丹青景化焜耀藩方如非煙祥風緣飾萬物而與令名相終始者有唐文臣令狐公實當之公名楚字殼士燉煌人今占數于長安右部天授神敏性能無師始學語言乃協宮徵故五歲已為詩成章既冠參貢士果有名字時司空杜公以重德知貢舉擢居甲科琅邪王拱識公於童非雅器重之



至是拱自虞部正郎領桂州銳於辟賢以酬不次之  
遇先拜章而後告公既而授試弘文館校書郎公為  
人子重難遠行稟命而去居一歲竟迫方寸而歸家  
在并汾間急於祿養捧從事檄于并州凡更三牧官  
至監察御史元和初憲宗聞其名徵拜右拾遺歷太  
常博士入尚書為禮部員外郎性至孝既孤以善居  
喪聞中月除刑部員外時帝女下嫁相禮闕官公以  
本官攝博士當問名之答上親臨帳幄簾內以窺之  
禮容甚偉聲氣朗徹上目送良久謂左右曰是官可  
用記其姓名未幾改職方知制誥詞鋒犀利絕人遠

甚適有旨選司言高第者視草內庭宰臣以公為首  
遂轉本司郎中充翰林學士滿歲遷中書舍人專掌  
內制武帳通奏栢梁陪燕嘉猷高韻冠于一時會淮  
右稽誅上遣丞相即戎以督戰公草詔書詞有涉嫌  
者相府上言有命中書參詳竄定因罷內職歸閣中  
而君心眷然將有大用且出入以試之乃牧華州兼  
御史中丞錫以金紱居鎮七月遷大夫充河陽三城  
懷州節度使又七月急召抵京師拜中書侍郎同中  
書門下平章事天下然後知上心倚以為相非一朝  
也是歲元和十四年秋明年正月憲宗晏駕惜其在

位日淺遭時大變穆宗踐阼轉門下侍郎平章事萬幾百度別有所付第以舊相署位充山陵使七月禮畢部下更有以賊狀聞者朝典用責率之義是以左授宣歙池等州都團練觀察處置使兼御史大夫恩顧一異媒孽隨生旋又貶衡州刺史移郢州轉太子賓客分司東都尋起為陝虢觀察使或有上封者稱前以奉陵寢不檢下獲譴今陵土猶濕未宜遽用次陝一日重為賓客分司長慶四年改河南尹其秋授檢校禮部尚書兼汴州刺史充宣武軍節度管內觀察處置等使汴州為四戰之地擇帥先有功峻刑右

武疑似沈命號為危邦者積年公始以清儉自律以恩信待人以夷坦去群疑以禮讓汰慘急自上化下速於置郵泮林革音無復故態璽書勞之就加大司馬文宗纂服三年冬上表以大臣未識天子願朝正月制曰可操節入覲遷戶部尚書俄為東都留守又轉檢校尚書右僕射兼鄆州刺史天平軍節度使後以王業之始實為北京移鎮太原從人望也以吏部尚書徵續換太常卿真拜尚書左僕射太和九年冬十一月京師有急兵起上方御正殿即日還宮是夕召公決事禁中以見賢通反事傳古義為對其詞謹切

無所顧望上心嘉之居一二日守本官兼諸道鹽鐵轉運使以幹利權既非素尚乞乞牢讓故復為檢校左僕射興元尹山南西道節度觀察使兼御史大夫開成二年十一月十二日薨于漢中官舍享年七十齊終之前一日自修遺表初述感恩陳力之大義中及朝廷刑政之或闕意切言盡神識不昏上深悼之形于愍冊未登三事故以贈之歸全之夕有大星殞于正寢之上光燭于庭天意若曰既稟之而生亦有涯而落其文章貴壽之氣焰歟初憲宗覽國書見五王復辟之際狄梁公實尹之公為台臣獨召便殿問

曰仁傑有後乎公以其支孫試校書郎兼暮為對即日拜左拾遺公遂草制它日相銜者因扶其詞以為非春秋諱魯之旨穆宗新即位謙讓不自決遂有衡州之貶公議寃之嗟乎天之於賦予也甚嗇而難周公獨富文華丁良時歷名卿至元老蓋忠廉孝友愛才與物合是粹美以將之邪可謂全德矣既免喪嗣子左補闕絢集公之文成一百三十卷因長子太子左諭德弘分司東都負其笥來謁泣曰先正司空與丈人為顯交撤懸之前五日所賦詩寄友非他人也今手澤尚存言之嗚咽長號予為之慟收淚而視分

當編次之始公參大鹵記室以文雄於邊議者謂一方不足以騁用徵拜於朝累遷儀曹郎乃登西掖入內署訖謨密勿遂委魁柄斯以文雄於國也嗚呼咫尺之管文敏者執而運之所知皆合在藩聳萬夫之觀望立朝賁群寮之頰舌居內成大政之風霆導畎澮於章奏鼓洪瀾於訓誥筆端膚寸膏潤天下文章之用極其至矣而又餘力工於篇什古文士所難兼焉昔王珣為晉僕射夢人授大筆如椽覺而謂人曰此必有大手筆事後孝武哀冊文乃珣之詞也公為宰相奉詔撰憲宗聖神章武孝皇帝哀冊文時稱乾陵崔文公之比今考之而信故以為首冠尊重事也其它各以類聚著于篇

唐故尚書主客員外郎盧公集紀

心之精微發而為文文之神妙詠而為詩猶夫孤桐朗玉自有天律能事具者其名必高名由實生故久而益大尚書郎盧公諱象字緯卿始以章句振起於開元中與王維崔顥比肩驤首鼓行於時妍詞一發樂府傳貴由前進士補祕書省校書郎轉右衛倉曹掾丞相曲江公方執文衡揣摩後進得公深器之擢為左補闕河南府司錄司勳員外郎名盛氣高少所

山集 卷十九  
卑下為飛語所中左遷齊汾鄭三郡司馬入為膳部  
員外郎時大盜起幽陵入洛師東夏衣冠不克歸王  
所為虜劫執公墮脇從伍中初謫果州長史又貶永  
州司戶移吉州長史天下無事朝廷思用宿舊徵拜  
主客員外郎道病留武昌遂不起故相崔太傅時為  
右史方在鄂以文誌其墓其一詞曰噫公妙年有聲  
振耀當代翱翔雲路不虞矧則層繳反盛名先物易生  
癘疵三至郎署坐成遺耄躑躅江臯棲棲沒齒見知  
者恨之公遠祖元魏北齊後周皆為帝師公之叔父  
嵩山逸人諫議大夫顥然真隱者也公下世後七十

三年其孫元符捧遺草來乞詞以表之嘗經亂離多  
所散落今之存者十有二卷凡若干篇

唐故衡州刺史呂君集紀

五行秀氣得之居多者為俊人其色激灑於顏間其  
聲發而為文章天之所與有物來相彼由學而致者  
如工人染葦以視羽畎有生死之殊矣初貞元中天  
子之文章煥乎垂光慶霄在上萬物五色天下文人  
為氣所召其生乃蕃靈芝萐莆與百果齊坼然煌煌  
翹翹出乎其類終為偉人者幾希矣東平呂和叔實  
生是時而絕人遠甚始以文學震三川三川守以為

貢士之冠名聲西馳速如羽檄長安中諸生成避其鋒兩科連中芒屨愈出德宗聞其名自集賢殿校書郎擢為左拾遺明年大戎請和上問能使絕域者君以奇表有專對材膺選轉殿內史錫之銀章還拜尚書戶部員外郎轉司封遷刑部郎中兼侍御史副治書之職會中執法左遷緣坐道州刺史以政聞改衡州年四十而沒後十年其子安衡泣捧遺草來謁咨余紬之成一家言凡二百篇和叔名溫別字化光祖考皆以文學至大官蚤聞詩禮於先侍郎又師吳郡陸質通春秋從梁肅學文章勇於藝能咸有所祖年

益壯志益大遂撥去文學與雋賢交重氣槩覈名實歆然以致君及物為大欲每與其徒講疑考要王霸富疆之術臣子忠孝之道出入上下百千年間詆訶角逐疊發連注得一善輒盱衡擊節揚袂頓足信容得色舞于眉端以為按是言循是理合乎心而氣將之昭昭然若揭日月而行孰能闕其勢而爭夫光者乎烏呼言可信而時異道甚長而命窄精氣為物其有所歸乎古之為書者先立言而後體物賈生之書首過秦而荀卿亦後其賦和叔年少遇君而卒以謫似賈生能明王道似荀卿故余所先後視二書斷自

人文化成論至諸葛武侯廟記為上篇其它咸有為  
而為之始學左氏書故其文微為富豔夫羿之闢弓  
唯巴蛇九日乃能盡其殼而回注鷄爵亦要失中於  
尋常之間非羿之手弓有能有不能所遇然也後之  
達解者推而廣之知余之素交不相索於文字之內  
而已

唐故尚書禮部員外郎柳君集紀

八音與政通而文章與時高下三代之文至戰國而  
病涉秦漢復起漢之文至列國而病唐興復起夫政  
寵而土裂三光五嶽之氣分扶同大音不完故必混

一而後大振初貞元中上方嚮文章昭回之光下飾  
萬物天下文士爭執所長與時而奮繁馬如繁星麗  
天而芒寒色正人望而敬者五行而已河東柳子厚  
斯人望而敬者歟子厚始以童子有奇名於貞元初  
至九年為名進士十有九年為材御史二十有一年  
以文章稱首入尚書為禮部員外郎是歲以踈雋少  
檢獲訕出牧邵州又謫佐永州居十年詔書徵不用  
遂為柳州刺史五歲不得召病且革留書抵其友中  
山劉某曰我不幸卒以謫死以遺草累故人某執書  
以泣遂編次為三十通行於世子厚之喪昌黎韓退

中山集 卷十九  
之誌其墓且以書來弔曰哀哉若人之不淑吾嘗評其文雄深雅健似司馬子長崔蔡不足多也安定皇甫湜於文章少所推讓亦以退之之言為然凡子厚名氏與仕與年暨行已之大方有退之之誌若祭文在今附于第一通之末云

董氏武陵集紀

片言可以明百意坐馳可以役萬景工於詩者能之風雅體變而興同古今調殊而理冥達於詩者能之工生於才達生於明二者還相為用而後詩道備矣余嘗執斯評為公是且衡而度之誠懸乎心默揣群

才鉤鏤尋尺隨限而盡如有所聞者百態一旦得董生之詞杳如搏翠屏浮層瀾視聽所遇非風塵間物亦猶明金絳羽得于遐裔雖欲勿寶可乎生名掇字庶中幼嗜屬詩晚而不衰心源為鑪筆端為炭鍛鍊元本雕鑿群形糾紛舛錯逐意奔走因故公濁協為新聲嘗所與游皆青雲之士聞名如盧杜盧負外象杜負外甫高韻如包李包祭酒佶李侍郎紆迭以章句揚於當時末路寡徒值余歡甚因相謂日間身以廷尉屬為荊州從事移疾罷去幽卧於武陵迨今四年言未信於世道不施於人寓其性懷播為吟詠時復發笥紛然盈前凡



五十篇因地為目吾子常號知我蓋表而志之為生  
 羽翼余不得讓而著于篇因系之曰詩者其文章之  
 蘊邪義得而言喪故微而難能境生於象外故精而  
 寡和十里之繆不容秋毫非有的然之姿可使戶曉  
 必俟知者然後鼓行於時自建安距永明已還詞人  
 比肩唱和相發有以朔風零雨高視天下蟬噪鳥鳴  
 蔚在史策國朝因之粲然復興由篇章以躋貴仕者  
 相踵而起兵興已還右武尚功公卿大夫以憂濟為  
 任不暇器人於文什之間故其風寢息樂府協律不  
 能足去聲新詞以度曲夜諷之職寂寥無紀則董生

之貧卧于裔土也其不得於時者歟其不試故藝者  
 歟

滄上人文集紀


釋子工為詩尚美休上人賦別怨約法師哭范尚書  
 咸為當時才士之所傾歎厥後比比有之上人生於  
 會稽本湯氏子聰察嗜學不肯為凡夫因辭父兄出  
 家號靈澈字源澄雖受經論一心好篇章從越客嚴  
 維學為詩遂籍籍有聞去聲維卒乃抵吳興與長老詩  
 僧皎然游講藝益至皎然以書薦于詞人包侍郎佶  
 包得之大喜又以書致于李侍郎紆是時以文章風

韻主盟於世者曰包李以是上人之名由二公而颺如雲得風柯葉張王以文章接才子以禪理說高人風儀甚雅談笑多味貞元中西遊京師名振輦下緇流疾之造飛語激動中貴人因侵誣得罪徙汀州會赦歸東越時吳楚間諸侯多賓禮招延之元和十一年終於宣州開元寺七十有一門人遷之建塔於越之山陰天柱峯之陔從本教也初上人在吳興居何山與晝公為侶皎然字晝時以字行時予方以兩髦執筆硯陪其吟詠皆曰孺子可教後相遇于京洛與支許之契馬上人沒後十七年予為吳郡其門人秀峯捧先師

之文來乞詞以志且曰師嘗在吳賦詩僅二千首今刪取三百篇勒為十卷自大曆至元和凡五十年間接詞客聞人酬唱別為十卷今也思行乎昭世求一言羽翼之因為評曰世之言詩僧多出江左靈一導其源護國襲之清江揚其波法振沿之如么弦孤韻暫入人耳非大樂之音獨吳興晝公能備衆體晝公後澈公承之至如芙蓉園新寺詩云經來白馬寺僧到赤烏年謫汀州云青蠅為吊客黃耳寄家書可謂入作者閭域豈獨雄於詩僧間邪

中山集 卷十九

劉賓客文集卷第十九



國家圖書館, NATIONAL CENTRAL LIBRARY, TAIWAN, R.O.C.

劉賓客文集卷第二十



傷我馬詞

口兵戒

猶子蔚適越戒

觀博

觀市

論書

劉氏集略說

名子說

奏記丞相府論學事

澤官詩

魏生兵要述

救沈志

傷我馬詞

馬龍類蓋健而善馳君子之所宜求為譽也故法求於力或逸而喜駭法求於和或乾而易仆由德稱者



鮮焉曩予知善馬之難遭也不求于肆而于其鄉一  
旦果得陰山之阿蝮略其形蕭蕭其鳴長顧遠視順  
而能力顧其軀非騫然而偉也雖士得以乘之始予  
被皂衣于朝朝之人多四三其壯以迭馭予無兼焉  
水轍之淋漓淖途之汪洋結為确犖融為坳堂前有  
價輒後有濡裳我策垂空我鑣方揚振鬣軒昂矯如  
飛翔翹翹其雄也非力而何烈火之具舉鈎膺之疊  
舞一蹊千趾駢比齟齬侈者斯擠悍者斯怒我鞍如  
山我轡如組弭毛容與宛若孤處靡靡其柔也非彗  
而何前日子之獲謹于闕下背商顏趣昭立日中而

踰舍修門之南非騎所宜夷則沮洳高則嶽嶽虎咆  
空林戢鬪荒植風雨孤征簡書之威俾予弗顛我馬  
焉依屑屑其勞也非德而何予至武陵居沅水傍或  
踰月未嘗跨焉以故莫得伸其所長踟躕顧望兮頓  
其鎖韉飲齧日削兮精耗神傷寒櫪騷騷兮瘁毛蒼  
涼路聞躑躅兮逸氣騰驤朔雲深兮邊草遠意欲往  
兮聲不揚隕然似不得其所而死故其嗟也無常初  
玄宗羈大宛而盡有名馬命典牧以時起居洎西幸  
蜀往往民間得其種而蕃焉故良毛色者率非中土  
類也稽是毛物豈祖於宛歟漢之歌曰龍為友武陵

有水曰龍泉遂歸骨于是川且弔之曰生于磧礪善  
馳走萬里南來困丘阜青菰寒菽非適口病聞北風  
猶舉首金臺已平骨空朽投之龍淵從爾友

### 口兵戒

余讀蒙莊書曰兵莫慘於志莫邪為下缺然知志士  
之傷夫生也它日讀遠祖中壘校尉書曰口者兵也  
盡然知言之為兵又慘乎志因博考前載極其兩端  
夫志兵之薄人激烈抗憤不過無從容於世耳口兵  
之起其刑渥焉繇是知吾祖之言為急作戒以書于  
盤于五月之傷藥之可也一言成病言不能明人或

惟兵道塗奔救投方效技思恐其後人或罹譖比肩  
狐疑借有解紛毀輒隨之故曰舌端之孽慘乎楚鐵  
夷竈誠謀執戈以驅掩人誠智折筭以詈賢者誨子  
信其有旨發言之難伸舌猶爾辯為詐媒默為德基  
玉櫝不啓焉能瑕疵孽糜深居孰謂可嗤戒於我口  
之啓爾心之門無為我兵當為我藩以慎為鍵以忍  
為閤可以多食勿以多言

### 猶子蔚適越戒

猶子蔚晨跪于席端曰臣幼承叔父訓始句萌至于  
扶踈前日不自意有司以名污賢能書又不自意被

丞相府召為從事重兢累媿懼貽叔父羞今當行乞  
辭以為戒余曰若知獎器乎始乎斲輪因入規矩刻  
中廉外枵然而有容者理賦質堅然後加密石焉風  
戾日晞不副不聲五交反然後青黃之鳥獸之飾乎瑤  
金貴在清廟其用也曩以養潔其歲也積以養光苟  
措非其所一有毫髮之傷儻然與破甑為伍矣汝之  
始成人猶器之作朴是宜力學為讐斷親賢為青黃  
睦僚友為瑤金忠所奉為清廟盡敬以為曩慎微以  
為積去怠以護傷在勤而行之耳設有人思被重霄  
而挹顛氣病無階而升有力者揭層梯而倚泰山然

而一舉足而一高非獨揭梯者所能也凡大位未嘗  
曠故世多貴人唯天爵并者乃可偉耳夫偉人之一  
顧踰乎華章而一非亦慘乎黥刑行矣慎諸吾見垂  
天之雲在爾肩腋間矣昔吾友柳儀曹嘗謂吾文雋  
而膏味無窮而多愈出也遲汝到丞相府居一二日  
褻吾文入謁以取質焉丞相吾友也汝事所從如事  
諸父借有不如意推起敬之心以奉焉無忽

觀博

客有以博戲自任者速余觀焉初主人執握槊之器  
寘于廡下曰主進者要約之既揖讓即次有博齒二

異乎古之齒其制用骨觚稜四均鏤以朱墨耦而合  
數取應期月視其轉止依以爭道是制也通行之久  
矣莫詳所祖以其用必投擲故以博投詔之是日客  
抵骨于局且祝之曰其來如趨其去如脫事先趨趨  
命中無蹉跌無從彼呼無戾我恒分曹道迫自朝至  
于日中稷稷吳也而率與所祝異焉客視骨如有情  
焉如或馮焉悉詈之不泄又從而齧齧蹂躪之莫顧  
其十日之哈讓也乃曰非子術之不工是朽骸者不  
予昇也請刷恥于弈碁主人促命燭以續之驚神默  
計巧竭智匱主進者書勝負之數于牘視其所喪又

倍前籍焉觀者曰以夫人之褊心亦將詬碁而抵枰  
矣既乃恬而不恤赧然有失鵠求身之色人咸異之  
子劉子曰先人者制人博投是已從人制於人枯碁  
是已二者豈有數存乎其間哉但處之勢異耳是知  
當軸者易生嫌而退身者易為譽易生之嫌不足貶  
也易為之譽不足多也在辨其所處而已

觀市

由命士已上不入於市周禮有焉乃今觀之盖有因  
也元和二年沅南不雨自季春至于六月毛澤將盡  
郡守有志于民誠信而雩遂徧山川方社又不雨遂



遷市于城門之遠余得自麗譙而俯焉肇下令之日  
布市籍者咸至夾軌道而分次焉其左右前後班間  
錯峙如在闌之制其列題區榜揭價名物參外夷之  
貨馬牛有縵私屬有閒在中笥者織文及素馬在几  
間者彫彤及質馬在筐筥者白黑巨細馬業于饗者  
列饗饌陳麩餌而苾然業于酒者舉酒旗滌杯盃而  
澤然鼓刀之人設膏俎解豕羊而赫然華實之毛畋  
漁之生交蜚走錯水陸群狀夥名入隧而分韞藏而  
待價者負挈而求沽者乘射其時者奇贏以遊者坐  
賈顛顛行賈遑遑利心中驚貪目不瞬於是質劑之

曹較固之倫合彼此而騰躍之冒良苦之巧言斲量  
衡於險手杪忽之差鼓舌僇僂詆欺相高詭態橫出  
鼓囂譁空烟埃奮羶腥疊巾屨齧而合之異致同歸  
雞鳴而爭赴日中而駢闐萬足一心恐人我先交易  
而退陽先西徂幅員不移徑術如初中無求隙地俱  
唯守犬烏烏樂得腐餘是日倚衡而閱之三感其盈  
虛之相尋也速故著于篇云

論書

或問曰書足以記姓名而已工與拙何損益於數哉  
荅曰此誠有之蓋舉下之說爾非蹈中之說亦猶言

居室曰避燥濕而已言衣裳曰適寒燠而已言飲食曰充腹而已言車馬曰代勞而已言祿位曰代耕而已今夫考居室必以閔門豐屋為美筭衣裳必以文章道澤為甲評飲食必以精良海陸為貴第車馬必以華輜絕足為高干祿位必以重侯累封為意是數者皆不行舉下之說奚獨於書也行之邪禮曰士依於德游於藝德者何曰至曰敏曰孝之謂藝者何禮樂射御書數之謂是則藝居三德之後而士必游之也書居數之上而六藝之一也語曰飽食終日無所用心難矣哉不有博奕者乎為之猶賢乎已是則博

奕不得列於藝差愈於飽食無所用心耳吾觀今之人適有面詆之曰子書居下品矣其人必適爾而笑或誓然不屑詆之曰子握槊奕碁居下品矣其人必赧然而媿或艷然而色是故敢以六藝斥人不敢以六博斥人嗟乎衆尚之移人也問者曰然則彼魏晉宋齊間亦嘗尚斯藝矣至有君臣爭名父子不讓何哉荅曰吾始欲求中道耳子寧以尚之之弊規我歟且夫信者美德也秦繆尚之而賢臣莫贖黃老者至道也竇后尚之而儒臣見刑道德且不可尚矧由道德以下者哉所謂中道而言書者何處之文學之下

六博之上材鈞而善者得以加譽遇一作鈞而善者過  
 得以議能所加在乎譽非實也不黷于賞所議在乎  
 過非實也不紊于刑夫如是庶乎六書之學不堙墜  
 而已乎

劉氏集略說

子劉子曰五達之井百汲而盈科未必涼而甘所處  
 之勢然也人之詞待扣而揚猶井之利汲耳始余為  
 童兒居江湖間喜與屬詞者游謬以為可教視長者  
 所行止必操觚從之及冠舉秀才一幸而中說有司  
 懼不厭於衆亟以口譽之長安中多循空言以為誠

果有名字益與曹輩畋漁于書林宵語途話琴酒調  
 詭一出於文章俄被召為記室參軍會出師淮上恒  
 磨墨於楯鼻或寢止群書中居一二歲由旬服升諸  
 朝凡三進班而所掌猶外府或官課或為人所倩昌  
 言奏記移讓告諭真神志英威猥并焉及謫于沅湘  
 間為江山風物之所蕩往往指事成歌詩或讀書有  
 所感輒立評議窮愁著書古儒者之大同非高冠長  
 紉之比耳前年蒙恩澤授以郡符居海壖多雨慝作  
 適晴喜躬曬書于庭得已書四十通道爾自哂曰道  
 不加益焉用是空文為真可供醬蒙藥楮耳它日子

壻博陵崔生關言曰某也鄉游京師偉人多問丈人新書幾何且欲取去而某應曰無有輒媿起於顏間今當復西期有以弭媿者繇是剛取四之一為集略以貽此郎非敢行乎遠也

名子說

魏司空王昶名子制誼咸得立身之要前史是之然則書紳銘器孰若發言必稱之乎今余名爾長子曰咸允字信臣次曰同廙字敬臣欲爾於人無賢愚於事無小大成推以信同施以敬俾物從而衆說其庶幾乎夫忠孝之於人如食與衣不可斯須離也豈俟

余勗執仁義道德非訓所及可勉而企者故存乎名夫朋友字之非吾職也顧名旨所在遂從而釋之孝始於親終於事君偕曰臣知終也

奏記丞相府論學事

十一月七日使持節都督夔州諸軍事夔州刺史劉某謹奏記相公閣下凡今能言者皆謂天下少士而不知養材之道鬱堙而不揚非天不生材也亦猶不耕者不歎廩庾之無餘非地不產百穀也伏以貞觀中增築學舍千二百區生徒三千餘人時外夷上疏請遣子弟入附于三籬者五國雖菁菁者莪育材之

道不足比也今之膠庠不聞弦歌而室廬圯廢生徒  
衰少非學官不欲振學也病無貲財以給其用餒生  
今有一見使大學立富幸遇相公在位可以索言之  
禮云凡學官春釋奠于其先師斯禮止于辟廱類宮  
非及天下也今四海郡縣咸以春秋上丁有事孔子  
廟其禮不應於古且非孔子意也炎漢初定群臣皆  
起屠販為公卿故孝惠高后之間置原廟於郡國逮  
孝元時常玄成以碩儒為丞相遂建議罷之夫以子  
孫尚不敢違禮以饗其祖況後學師先聖之道而首  
違之乎祭義曰祭不欲數語云祭神如神在與其煩

於舊饗孰若行其教道今夫子之教日頽靡而以非  
禮之祀媚之斯儒者所宜憤悱也竊觀歷代無有是  
事皇家武德二年詔於國學立周公孔子廟四時致  
祭貞觀十一年又詔修宣尼廟於兗州至二十年許  
敬宗等奏乃遣天下諸州縣置三獻官其他如方社  
敬宗非通儒不能稽典禮開元中玄宗饗學與儒臣  
議繇是發德音其罷郡縣釋奠牲牢唯酒脯以薦後  
數年定令時王孫林甫為宰相不涉學委御史中丞  
王敬從刊之敬從非文儒遂以明衣牲牢編在學令  
是首失於敬宗而終失於林甫習以為常罕有敢非

中山集 卷二十一  
之者謹按本州四縣一歲釋奠物之直緡錢十六萬有奇舉天下之郡縣當千七百不啻羈縻者不在數中凡歲中所出於經費過四千萬適資三獻官飾衣裳飴妻子而已於尚學之道無有補焉前日詔書許列郡守臣得以上言便事今謹條奏某乞下禮官博士詳議典制罷天下縣邑牲牢永幣如有生徒春秋依開元敕旨用酒醴暇修膳脯榛栗示敬其事而州府許如故儀然後籍其資半附益所隸州使增學校其半率歸國庠猶不下萬計築學室具器用豐簞食甕掌固以備使令凡儒官各加稍食其紙筆鉛黃視

所出州率令折入學徒既備明經日課繕書若干紙進士命讐校亦如之則貞觀之風粲然不殊其它郡國皆立程督投綬懷璽棧樸華華良可詠矣伏惟相公發迹咸自諸生其尊素王之道儀形四方宜在今日是以小生敢沿故事以奏記于左右姑舉其大較至於證據纖悉條奏具之章下之日乞留神省察不勝大願惶恐拜手稽首

澤宮詩

澤宮送士歲貢也晉昌唐如晦以信誼為良子文學為散失規爵祿猶衆禽密殼持滿逆風蜚繳者數矣

有措楛之妙而無雙鷁之獲，韞弓收視，歸究其術，繇是跡愈屈而名愈聞。君子益多之，被不由其術，一幸而中者，雖懸貆在廷，君子未嘗多也。歲殫矣，告予以酉，余為賦澤宮一章，庶見子之弓，弗再張也已。秩秩澤宮，有的維鷁，祁祁庶士，于以干祿。彼鷁斯微，若止若翔，千里之差，起于毫芒。我矢既直，我弓既良，依于高墉，因我不減。高墉伊何，維器與時，視之以心，誰謂鷁微。

魏生兵要述

余為書殿學士四年，所與居皆鴻生彥士，一旦詔下

憚吳郡章而東門下生咸惜是行，且曰：吳中富士，必有知書，宜為太守所禮者。及下車，閱客籍，森然三千有鉅鹿。魏生持所著書來謁，曰：不佞始讀書為文章，凡二十年在貢士中，孤鳴甚哀，卒無善聽者。退而收視易慮，伏北窻下，考前言，成兵要十編，度諸侯未遑是事，將笈而西求一言，以生羽翼。予取書觀之，始自黃帝伏蚩尤，至于隋氏平江南，語春秋戰國事最備，磅礴下上數千年間，其擗撫評議無遺策，用是以干握兵符，貴人宜有虛已而樂聞者。子盍行乎？吾知元侯上舍，不獨善雞鳴，彈長鈇，三五九九之伎，顛之而

救沈志

貞元季年夏大水熊武五溪鬪決于沅突舊防毀民  
家躋高望之溟滓葩華山腹為坻林端如莎湍道駛  
悍不風而怒前疑前邁浸淫旁掩柔者靡之固者脫  
之規者旋環之矩者倒顛之輕而泛浮者碾礪之重  
而高大者前卻之生者力音殫者弛形蔽流而東若  
木梯然有僧愀焉誓於路曰浮圖之慈悲救生最大  
能援彼於溺我當為甦里中兒願從四三輩皆狎川  
勇游者相與乘堅舟挾善器維以修紆杙于崇丘水

當涸汰人易實力凝瞻執用俟可而極大凡室處之  
類穴居之彙在牧之群在豢之馴上羅黔首下逮毛  
物投乎洪瀾致諸生地者數十百焉適有擊獸如鷓  
夷而前攫持流拏首用不陷隅目傍睨其姿弭然甚  
如六擾之附人者其徒將取焉僧趣音促訶之曰第無  
濟是為目之可里所而不能有所持矣舟中之人曰  
吾聞浮圖之數貴空空生普普生慈不求報施之謂  
空不擇善惡之謂普不逆困窮之謂慈鄉也生必救  
而今也窮見廢無乃計善惡而忘普與慈乎僧曰甚  
矣問之迷且妄也吾之教惡乎無善惡哉六塵者在



身之不善也佛以賊視之末伽聲聞者在彼之末定也佛以邪目之惡乎無善惡邪吾鄉也所援而出死地者衆矣形乾氣還各復本狀蹄者躑躅然羽者翹蕭然而言者譏譏然隨其所之吾不尸其施也不德吾則已烏能害為被形之乾髮髻之姿也彼氣之還暴悖之用也心足反噬而齒甘最靈是必肉吾屬矣庸能躑躅譏譏之比歟夫虎之不可使知恩猶人之不可使為虎也非吾自遺患焉爾且將貽患于衆多吾罪大矣子劉子曰余聞善人在患不救不祥惡人在位不去亦不祥僧之言遠矣故志之



舊鈔殘本十校  
無卷七第

三十一首作小字

題上空三格下同

賓客文集卷第二十一

雜興三十一首

學阮公體三首

少年負志氣，信道不從時。只言繩自直，安知室可欺。  
 百勝難慮敵，三折乃良醫。人生不失意，馬能慕已知。  
 朔風悲老驥，秋霜動鷺禽。出門有遠道，平野多層陰。  
 滅沒馳絕塞，振迅拂華林。不因感哀節，安能激壯心。  
 昔賢多使氣，憂國不謀身。目覽千載事，心交上古人。  
 侯門有仁義，靈臺多苦辛。不學腰如磬，徒使甌生塵。

偶作二首



終朝對尊酒嗜興非嗜甘終日偶衆人縱言不縱談  
世情閒盡見藥性病多諳寄謝稔中散予無甚不堪  
萬卷堆牀書學者識其真萬里長江水征夫度要津  
養生非但藥悟佛不因人燕石何須辨逢時即至珍

古調二首

諷古作

軒后初冠冕前旒為蔽明安知從複道然後見人情  
薄領乃俗士清談信古風吾觀蘇令綽朱墨一何工

寓興二首

常談即至理安事非常情寄語何平叔無為輕老生  
世途多禮數鵬鷗各逍遙何事陶彭澤拋官為折腰

昏鏡詞并引

鏡之工列十鏡于賈區發奩而視其一皎如其九霧  
如或曰良苦之不侔甚矣工解頤謝曰非不能盡良  
也蓋賈之意唯售是念今來市者必歷鑒周睞求與  
已宜彼皎者不能隱芒杪之瑕非美容不合是用什  
一其數也予感之作昏鏡詞

昏鏡非美金漠然喪其晶陋容多自欺謂若他鏡明  
瑕疵既不見妍態隨意生一日四五照自言美傾城  
飾帶以紋繡裝匣以瓊瑛秦宮豈不重非適乃為輕

養鷲詞并引

絕句二字直下  
差小

中山集

卷二十一

二

途逢少年志在逐絕句方呼鷹隼以襲飛走因縱觀之  
卒無所獲行人有常從事於斯者曰夫鷲禽饑則為  
用今哺之過篤故然也予感之作養鷲詞

養鷲非玩形所資擊鮮力少年昧其理日月哺不息  
探雛網黃口且莫有餘食寧知下韝時翅重飛不得  
毳毳止林表狡兔自南北飲啄既已盈安能勞羽翼

武夫詞 并引

有武夫過詫余以從軍之樂翌日質于通武之善經  
者則曰果有樂也夫威恣而賞勞則樂用威雌而賞  
越則樂橫去聲願其樂安出耳予惕然作是詞

去字三小字

六何泚泚衣紫襲絳裳借問胡為爾列校在鷹揚  
依倚將軍勢交結少年場探丸害公吏袖刃如名倡  
家產既不事顧眄自生光酣歌高樓上袒裼大道傍  
昔為編戶人乘耒甘哺糠今來從軍樂躍馬飡持梁  
猶思風塵起無種取侯生

賈客詞 并引

五方之賈以財相雄而鹽賈尤熾或曰賈雄則農傷  
予感之作是詞

賈客無定遊游遊唯利并眩俗雜良苦乘時取重輕  
心計析秋毫插鉤奔作懸衡錐力既無其轉化日已盈

中山集

卷二十一

二

微福禱波神施財遊化城妻約雕金釧女垂貫珠纓  
高貲比封君奇貨通倖卿趨時鷲鳥思歲鏹盤龍形  
大編浮通川高樓次旗亭行止皆有樂關梁自無征  
農夫何為者辛苦事寒耕

調瑟詞并引

里有富豪翁厚自奉養而嚴督減獲力屈形削然猶  
役之無藝極一旦不堪命亡者過半追亡者亦不來  
復翁頓沮而追昨非之莫及也予感之作調瑟詞言  
調瑟在張絃絃平音自足朱絲二十五闕一不成曲  
美人愛高張瑤軫再三促上絃雖獨響下應不相屬

日莫聲未和寂寥一枯木却願膝上絃流淚難相結

讀張曲江集作并引

世稱張曲江為相建言放臣不宜與善地多徙從五溪  
不毛之鄉及今讀其文自內職牧始安有瘡痍之歎  
自退相守荆門有拘囚之思託諷禽鳥寄詞草樹鬱  
然與騷人同風嗟夫身出於選陔一失意而不能堪  
矧華人士族而必致醜地然後快意執議者以曲江  
為良臣識胡雛有反相羞凡器與同列密啓廷爭雖  
古哲人不及而燕翼無似終為餒魂豈枝心失怨陰  
謫最大雖二美莫贖邪不然何袁公一言明楚獄而

鍾社四葉以是相較神可誣乎予讀其文因為詩以  
弔

聖言貴忠恕至道重觀身法在何所恨色傷斯為仁

良時難久恃陰謫豈無因寂寞韶陽廟魂歸不見人

庭梅詠寄人

蚤花常犯寒繁實常苦酸何事上春日坐令芳意闌  
天桃定相笑遊妓肯回看君問調金鼎方知正味難

詠古二首有所寄

車音想鞞鞞不見綦下塵可憐平陽第歌舞嬌青春  
金屋容色在文園詞賦新一朝復得幸應知失意人

寂寂照鏡臺遺基古南陽真人昔來遊翠鳳相隨翔  
目成在桑野志遂貯椒房豈無三千女初心不可忘

詠史二首

驃騎非無勢少卿終不去世道劇頽波我心如砥柱  
賈生明王道衛綰工車戲同遇漢文時何人居貴位

苦雨行

悠悠飛走情同樂在陽和歲中三百日常恐風雨多  
天人信遐遠時節易蹉跎洞房有明燭無乃酣且歌

萋芳吟

天涯浮雲生爭蔽日月光窮巷秋風起先摧蘭蕙芳

萬貨列旗亭恣心注明瑞名高毀所集言巧智難防  
勿謂行大道斯須成大行莫吟姜兮什徒使君子傷

經檀道濟故壘

萬里長城壞荒營野草秋秣陵多士女猶唱白符鳩

史云當時人歌曰阿麟兮  
向符鳩枉殺檀江州

題歌器圖

秦國功成思稅駕晉臣名遂歎危機無因上蔡牽黃  
犬願作丹徒一布衣

聚蚊謠

沈沈夏夜閑堂開飛蚊伺暗聲如雷嘈然歛起初駭

聒殷殷若自南山來喧騰鼓舞喜昏黑昧者不分聰  
者惑露花滴瀝月上天利嘴迎人看不得我軀七尺  
爾如芒我孤爾衆能我傷天生有時不可遏為爾設  
幄勢小潛匡林清商一來秋日曉羞爾微形飼丹鳥

百舌吟

曉星寥落春雲低初聞百舌間關啼花樹滿空迷處  
所搖動繁英墜紅雨笙簧百轉音韻多黃鸝吞聲燕  
無語東方朝日遲遲升迎風弄景如自矜數聲不盡  
又飛去何許相逢綠楊路繇蠻宛轉似娛人一心百  
舌何紛紛醜顏俠少停歌聽墜珥妖姬和睡聞可憐

舌何紛紛四字  
擠

光景何時盡誰能低回避鷹隼廷尉張羅自不關潘  
郎挾彈無情損天生羽族爾何微舌端萬變乘春輝  
南方朱鳥一朝見索漠無言蒿下飛

飛鷲標

鷲飛杳杳青雲裏鷲鳴蕭蕭風四起旗尾飄揚勢漸  
高箭頭砮劃聲相似長空悠悠霽日懸六翮不動  
飛烟遊鷲翮出其下慶雲清景相回旋忽聞鷲  
一噪聚瞥下雲中爭腐鼠騰音礪吻相喧呼仰天大  
嚇疑鴛鴦畏人避犬投高處俛吻無聲猶屢顧青鳥  
自愛玉山禾仙禽徒貴華亭露櫟棟危巢向莫時穩

逃飽腹蹲枯枝遊童挾彈一麾肘臆碎羽分人不悲  
天生衆禽各有類威鳳文章在仁義鷹隼儀形螻蟻  
心雖能戾天何足貴

秋螢引

漢陵秦苑遙蒼蒼陳根腐葉秋螢光夜空寂寥金氣  
淨千門九陌飛悠揚紛紛暉映互明滅金鑪星噴鐙  
花發露華洗濯清風吹攢昂不定招搖垂高麗果  
過珠網斜歷璇題舞羅幌暴衣樓上拂香帟承露臺  
前轉仙掌槐市諸生夜對書北窻分明辨魯魚行子  
東山起征忠中郎騎省悲秋氣銅雀人歸自入簾長



門帳開來照淚誰言向晦常自明童兒走步嬌女爭  
天生有光非自銜遠近低昂暗中見撮蚊祆鳥亦夜  
飛翅如車輪人不見

一 華山謠

洪鑪作高山元氣鼓其橐俄然神功就峻拔在寥廓  
靈蹤露指爪殺氣見稜角凡木不敢生神仙聿來託  
天資帝王宅以我為關鑰能令下國人一見換神骨  
高山固無限如此方為嶽丈夫無特達雖貴猶碌碌

摩鏡篇

流塵翳明鏡歲久看如漆門前負局生為我一摩拂

華開綠池滿暈盡金波溢白日照空心圓光走幽室  
山神祆氣沮野魅真形出却思未摩時瓦礫來唐突

有獺吟

有獺得嘉魚自謂天見憐先祭不敢食捧鱗望清玄  
人立寒沙上心專脰肩肩漁翁以為妖舉塊投其前  
呼兒貫魚歸與獺同烹煎關關黃金鷄大翅搖江煙  
下見盈尋魚投身擘洪漣攫拏隱嶙去哺雛林岳巔  
鷓鴣欲伺隙遙噪莫敢前長居青雲路彈射無由緣  
何地無江湖何水無鮪鱸天意不宰割菲祭徒虔虔  
空餘知禮重載在淹中篇

中山集  
卷二十一  
八

劉賓客文集卷第二十一



容文集卷第二十二

詩五言今體三十首

〇〇〇〇 春日退朝

紫陌夜來雨南山朝下看戟枝迎日動閣影助松寒  
瑞氣卷綃縠遊光泛波瀾御溝新柳色處處拂歸鞍

經東都安國觀九仙公主舊院作

仙院御溝東今來事不同門開青草日樓閉綠楊風  
將犬昇天路披霓赴月宮武皇曾駐驛親問主人翁

蜀先主廟 漢末諱黃牛白腹五銖當復

天下英雄氣千秋尚凜然勢分三足鼎業復五銖錢



得相能開國生兒不象賢淒涼蜀故妓來舞魏宮前

觀八陳圖

軒皇傳上略蜀相運神機水落龍蛇出沙平鵝鶴飛  
波濤無動勢鱗介避餘威會有知兵者臨流指是非

八月十五日夜玩月

天將今夜月一遍洗寰瀛暑退九霄淨秋澄萬景清  
星辰讓光彩風露發晶英能變人間世儵然是玉京

許給事見示哭工部劉尚書詩因命同作

漢室賢王後

從叔望在河間

孔門高第人濟時成國器樂道

任天真特達圭無玷堅貞竹有筠總戎寬得衆市義

貞能貧護塞無南牧馳心拱北辰乞身來闕下賜告

卧漳濱榮耀初題劔清羸已抱紳宮星徒列位隙日

不回輪自昔追飛侶今為侍從臣素絃哀已絕青簡

歎猶新未遂揮金樂空悲徹瑟晨淒涼竹林下無復

見清塵

從叔自渭北節度以疾歸朝比及拜尚書竟不克中謝

奉和中書崔舍人八月十五日夜玩月二

十韻

莫景中秋爽陰靈既望圓騰精浮碧海分照接虞淵

迥見孤輪出高從倚蓋旋二儀含皎澈萬象共澄鮮

整御當西陸舒光麗上玄從星變風雨順日助陶甄

無小注

遠近同時望晶熒此夜偏運行調玉燭潔白應金天  
曲沼疑瑤鏡通衢若象筵逢人盡冰雪遇境即神仙  
引素吞銀漢凝清洗綠烟臯禽警露下鄰杵思風前  
水是還珠浦山成種玉田劔沈三尺影鐙罷九枝然  
象外行無迹寰中影有遷稍當雲闕正未映斗城懸  
靜對揮宸翰閑臨製彩牋境同牛渚上宿在鳳池邊  
興掩尋安道詞勝命仲宣從今紙貴後不復詠陳篇  
奉和淮南李相公蚤秋即事寄成都公武相  
八柱共承天東西別隱然遠夷爭慕化真相故臨瀛  
並進夔龍位仍齊龜鶴年相公詩有齊年並進之句也同心舟已

武相公大字

進下衍柱字

上分字下空格

無小注

濟造滕壁常聯對領專征寄遙持造物權斗牛添氣  
色井絡靜氛烟獻可通三略分甘出萬錢漢南趨節  
制趙北賜山川玉帳觀渝舞虹旌獵楚田步嫌雙綬  
重夢入九城偏秋與離情動詩從樂府傳聆音還竊  
扑不覺撫么弦李中書自揚州見示詩本因命仰和  
元和癸巳歲仲秋詔發江陵偏師問罪蠻  
徵後命宣慰釋兵歸降凱旋之辰率爾成  
詠寄荆南嚴司空

蠻水阻朝宗兵符下渚官前籌得上策無戰已成功  
漢使星飛入夷心草偃同歡謠開竹棧拜舞擲桑子

就日知冰釋投人念鳥窮網羅三百解章奏九門通  
卉服聯操袂雕題畫鞠躬降幡秋練白驛騎畫塵紅  
火號休傳警機橋罷亘空登山不見虜振旆自生風  
江遠煙波靜軍回氣色雄佇看聞喜後金石賜元戎

武陵書懷五十韻 并引

按天官書武陵當翼軫之分其在春秋及戰國時皆  
楚地後為秦惠王所拜置黔中郡漢興更名曰武陵  
東徙于今治所常林義陵記云初項籍殺義帝于郴  
武陵人曰天下憐楚而興今吾王何罪乃見殺郡民  
縞素哭于招屈亭高祖聞而義之故亦曰義陵今郡

城東南亭舍其所也晉宋齊梁間皆以分王子弟事  
存于其書永貞元年始以尚書外郎出補連山守  
道貶為是郡司馬至則以方志所載而質諸其人民  
顧山川風物皆騷人所賦乃其所聞見而成是詩因  
自述其出處之所以然故用書懷為目云

西漢開支郡南朝號成藩四封當列宿百雉俯清沅  
高岸朝霞合驚湍激箭奔積陰春暗度將霽霧先昏  
俗尚東皇祀謹傳義帝寃桃花迷隱迹棟葉慰忠魂  
戶筭資漁獵鄉豪恃子孫照山畬火動躡月俚歌喧  
擁檝舟為市連薨竹覆軒披沙金粟見拾羽翠翹翻

衍四字

蒼字下衍然字

無小注

遺舊校遠

茗拆滄溪秀蘋生枉渚暄滄溪茶為邑人所禽驚格  
 磔起魚戲噏喁繁按本草經曰鷓鴣聲是也沈約臺榭故  
 李衡墟落存隱侯臺木在湘靈悲鼓瑟泉客泣酬恩露  
 變薰葭浦星懸橘柚村虎咆空野震鼉作滿川渾隣  
 里皆遷客兒童習左言炎天無冽井霜月見芳蓀清  
 白家傳遺詩書志所敦列科叨甲乙從宦出兵樊結  
 友心多契馳聲氣尚吞士安曾重賦元禮許登門竟  
 檄嫖姚幕巡兵戍巴屯築臺先自隗送客獨留髡遂  
 結王畿綬來觀衢室尊鳶飛入鷹隼魚目儼璵璠曉  
 燭羅馳道朝陽闕帝閭王正會夷夏月朔盛旗幡獨

當瑤闕傳訶步紫垣按章清行獄視祭潔蘋蘩術  
 曆昌期遠傳家實祚蕃繇文光夏啓神教畏軒轅內  
 禪因天性膺圖授化元繼明懸日月出震統乾坤大  
 孝三朝備洪恩九族悖百川宗渤解五岳輔崑崙何  
 幸逢休運微班識至尊校緡資筦榷復土奉山園以時  
 本官判度支鹽鐵等兼崇陵使判官一失貴人意徒聞大學論直廬舜  
 錦帳遠守愧朱轡巢幕方猶燕槍榆尚笑鯤還回過  
 荆郢流落感涼溫旅望花無色愁心醉不昏春江千  
 里草莫雨一聲猿問卜安冥數看方理病源帶賒衣  
 改製塵澀劔成痕三秀悲中散二毛傷虎賁來憂禦

小注無兼崇陵  
 下六字  
 空格

瞻昧歸願牧雞豚就日秦京遠臨風楚奏煩南登無

灞岸旦夕上高原

經伏波神祠

暮

蒙蒙篁竹下有路上壺頭漢壘磨甃闔蠻溪霧雨愁  
懷人敬遺像閱世指東流自負霸王略安知恩澤侯  
鄉園舜石柱筋力盡炎洲一以功名累翻思馬少遊

聞董評事疾因以書贈

董生奉  
內典

繁露傳家學青蓮譯梵書火風平四大文字廢三餘  
歛枕晝眠晚折中袂鬚疎武皇思視草誰許茂陵居

贈澧州高大夫司馬雪霞寓

前年收錦城馬踏血泥行千里追戎首三軍許勇名  
殘兵疑鶴唳空壘辨烏聲一誤雲中級南游湘水清

宿誠禪師山房題贈二首

宴坐白雲端清江直下看來人望金刹講席繞香壇  
虎嘯夜林動鼉鳴秋澗寒衆音徒起滅心在淨中觀  
不出孤峯上人間四十秋視身如傳舍閱世甚東流  
法為因緣立心從次第修中宵問真偈有住是吾憂

晚泊牛渚

蘆葦晚風起秋江鱗甲生殘霞忽改色遊鴈有餘聲  
戍鼓音響絕漁家燈火明無人能詠史獨自月中行



罷郡歸洛陽閑居

十年江外守旦夕有歸心及此西還日空成東武吟  
花間數<sup>盞</sup>酒月下一張琴聞說功名事依前惜寸陰

城東閑遊

借問池臺主多居要路津千金買絕境永日屬閑人  
竹逕縈紆入花林委曲巡斜陽衆客散空鑱一園春

罷郡歸洛陽寄友人

遠謫年猶少初歸鬢已衰門閑故吏去室靜老僧期  
不見蜘蛛集頻為儂句欺頽微囊未出寒甚谷難吹  
濩落唯心在平生有已知商歌夜深後聽者竟為誰

陝州河亭陪常五大夫雪後眺望因以留

別與常有布衣之舊一別二紀經遷貶而

歸

雪霽大陽津城池表裏春河流添馬頰原色動龍鱗  
萬里獨歸客一栢逢故人因高向西望關路正飛塵

途中蚤發

中庭望啓明促促事晨征寒樹鳥初動霜橋人未行  
水流白煙起日上彩霞生隱士應高枕無人問姓名

初至長安

時再授郎官

左遷凡二紀重見帝城春老大歸朝客平安出嶺人

每行經舊處却想似前身不改南山色其餘事事新

一 大和戊申歲大有年詔賜百寮出城觀秋

一 稼謹書盛事以俟采詩者

長安銅雀鳴秋稼與雲平王燭調寒暑金風報順成

川原呈上瑞恩澤賜閑行欲及重城掩猶聞歌吹聲

一 蚤秋集賢院即事時為學士

金數已三伏火星正西流樹含秋露曉閣倚碧天秋

灰瑄應新律銅壺添夜籌商飆風從朔塞爽氣入神州

蕙草香書殿槐花點御溝山明真色見水淨濁煙收

蚤歲春忝華省再來成白頭幸依群玉府有路向瀛洲

金陵懷古

潮滿冶城渚日斜征虜亭蔡洲新草綠幕府舊煙青

興廢由人事山川空地形後庭花一曲幽怨不堪聽

一 晝居池上亭獨吟

日午樹陰正獨吟池上亭靜看蜂教誨閑想鶴儀形

法酒調神氣清琴入性靈浩然機已息几杖復何銘

一 分司東都蒙襄陽李司徒相公書問因以

奉寄

蚤早忝金馬客晚為商洛翁知名四海內多病一生中

舉世往還盡何人心事同幾時登峴首持舊揖三公

小注直下

一奉和吏部楊尚書太常李卿二相公策免

一後即事述懷贈答十韻

文雅關西族衣冠趙北都有聲真漢相無類勝隋珠  
當軸龍為友臨池鳳不孤九天開內殿百辟看晨趨  
誠滿澄歌器成功別大鑪餘芳在公論積慶是神扶  
步武離台席徊翔集帝梧銓材秉秦鏡典樂去齊竽  
蕭灑風塵外逢迎詩酒徒唯應待華皓更食萬錢厨  
一門下相公榮加冊命天下同歡忝沐眷私  
一輒敢申賀  
冊命出宸衷官儀自古崇持膺平土拜光贊格天功

再佩扶陽印常乘鮑氏驄七賢遺老在猶得詠清風

一病中一二禪客見問因以謝之

勞動諸賢者同來問病夫添鑪搏雞舌灑水淨龍鬚  
身是芭蕉喻行須印竹扶醫王有妙藥能乞一丸無

劉賓客文集卷第二十二



國家圖書館, NATIONAL CENTRAL LIBRARY, TAIWAN, R.O.C.

中山集

卷三

十

劉賓客文集卷第二十三

古調十六首

登司馬錯故城秦昭王命錯征五溪蠻城在武陵沅江南

將軍將秦師西南莫遐服故壘清江上蒼煙晦喬木

登臨值蕭辰周覽壯前躅塹平陳葉滿墉高秋蔓綠

廢井抽寒菜毀臺生櫓穀耕人得古器宿雨多遺鏃

楚塞鬱重疊蠻溪紛詰曲留此數仞基幾人傷遠目

卧病聞常山旋師策勲宥過王澤大洽因

寄李六侍御

寂寂重寂寂病夫卧秋齋夜蟲思幽壁槁葉鳴空階

連上十六首  
小字



南國異氣候火旻尚昏霾瘴烟跼飛羽沴氣傷百骸  
昨聞凱歌旋飲至酒如淮無戰陋丹水垂仁經藁街  
清廟既策勲圓丘俟燔柴車書一以混幽遠靡不懷  
逐客顛顛久故鄉雲雨乖禽魚各有化予欲問齊諧

謁枉山會禪師

我本山東人平生多感槩弱冠遊咸京上書金馬外  
結交當世賢馳聲溢四塞勉修貴又蚤早紐捷不知退  
錙銖楊芬芬馨尋尺招瑕類淹留郢南鄙摧積羽翰碎  
安能咎往事且欲去沈痾吾師得真如自在人寰內  
哀我墮名網有如翔飛輩瞳瞳揭智炬照使出昏昧

小注直下

脫山字

見玄關啓歆然初心會夙尚一何微今得信可大  
覺路明證入便門通懺悔悟理言自忘處屯道猶泰  
色身豈吾寶慧性非形礙思此靈山期未來何年載

善卷壇下作在枉山上

先生見堯心相與去九有斯民既已治我得安林藪  
道為自然貴名是無窮壽瑤壇在此山識者常回首

武陵觀火詩

楚鄉祝融分災火常為虞是時直突烟發自晨炊徒  
盲風扇其威白晝曠陽烏操縵不暇汲循墻避躄  
怒如列缺光迅與焚輪俱聯延掩四達赫弈成洪鑪

洵疑雲濤翻颯若鬼神趨當前迎焮絕是物同膏腴  
金鳥入梵天赤龍遊玄都騰烟透窓戶飛焰生欒櫨  
火山摧半空星雨灑中衢瑤壇被髹漆寶樹攢珊瑚  
花縣與琴焦旗亭無酒濡市人委百貨邑令遺雙鳥  
餘勢下隈隩長標烘舳舻吹熒照水府炙浪愁天吳  
災罷雲日晚心驚視聽殊高灰辨廩庾黑土連闔閭  
衆燼合星羅遊氛鑠人膚厚地藏宿熱遙林呈驟枯  
火德資主人庸可一日無御之失其道敲石彌天隅  
晉庫走龍劍吳宮傷燕雛五行有沴氣先哲垂訖謨  
宋鄭同日起時當賢大夫無苛自可樂弭患非所圖

大字

賢守恤人瘼臨烟駐驪駒弔傷色慘怛言失詞劬愉  
下令蠲里布指期輕市租開垣道未立苦蓋自相娛  
山木行翦伐江泥宜堽塗魯臣不必葺何用徵越巫  
崔元受少府自貶所還遺山薑花以詩答  
故人博羅尉遺我山薑花彩從碧海上來自謫僊家  
雲濤潤孤根陰火照晨葩淨搖扶桑日豔對瀛洲霞  
世人愛芳辛舉擷忘幽遐傳名入帝里飛駟辭天涯  
王濟本尚味石崇方鬪奢雕盤多不識綺席乃增華  
驛馬損筋骨貴人滋齒牙願予藜藿士持此空嘆嗟

途中蚤發

馬踏塵上霜月明岡頭路行人朝氣銳宿鳥相辭去  
流水隔遠村縵山多紅樹悠悠關塞內來往無閑步

中庶和董庶中古散調詞贈尹果毅

昔聽東武吟壯年心已悲如何今渡落聞君苦辛辭  
言有窮巷士弱齡頗尚奇讀得玄女符生常當事邊時  
借名遊俠窟結客幽并兒往來長楸間能帶雙鞬馳  
崩騰天寶末塵暗燕南垂燿火入咸陽詔徵神武師  
是時占軍募挿羽揚金羈萬夫列轅門觀射中戟支  
誓當雪國讐親愛從此辭中宵倚長劔起視蚩尤旗  
介馬晨蕭蕭陳雲竟天涯陰風獵白草旗檠光參差

脫四累字

勇氣貫中腸視身忽如遺曾擒白馬將虜騎不敢追  
貴臣上戰功名姓隨意移終歲肌骨苦他人印疊纍  
謁者既清宮諸侯各罷戲上將賜北第門戟不可窺  
背血下沾襟天高問無期却尋故鄉路孤影空相隨  
行逢里中舊樸遼昔所嗤一言合侯王畧佩黃金龜  
問我何自苦可憐真數奇遲回顧徒御得色懸雙眉  
翻然悞世途撫已昧所宜田園已蕪沒流浪江海湄  
鷲禽毛翮摧不見翔雲姿哀容蔽逸氣子子無人知  
寂寞草玄徒長吟下書帷為君發哀韻若扣瑤林枝  
有客識其真潺湲涕交頤勸爾一杯酒陶然是自怡



望衡山

東南倚蓋卑維嶽資柱石前當祝融居上拂朱鳥翻  
青冥結精氣磅礴宣地脉還開膚寸陰能致彌天澤

遊桃源一百韻

沅江清悠悠連山鬱岑寂迴流抱絕巘皎鏡含虛碧  
昏旦遞明媚烟嵐紛委積香蔓垂綠潭曝龍照孤磧  
山下潭名綠蘿名曝龍淵明著前志子驥思遠跡子驥事見陶  
寂寂無何鄉密爾天地隔金行太元歲漁者偶探蹟  
尋花得幽蹤窺洞穿閭隙依微聞雞犬豁達值阡陌  
居人互將迎笑語如平昔廣樂雖交奏海禽心不擇

頤當改贖

脫宅字

脫署幕字

揮手一來歸故溪無處覓絲絲五百載市朝幾遷革

有路在壺中無人知地脉皇家感至道聖祚自天錫

金闕傳本枝玉函留寶曆禁山開秘宇復戶潔靈宅

詔隸二十戶免藥檢香氣氲醮壇烟暮霭我來塵外

躅瑩若朝醒析崖轉對翠屏水窮留畫鷁三休俯喬

木千級攀峭壁旭日聞撞鐘綵雲迎躡屐遂登最高

頂縱目還楚澤平湖見草青遠岸連霞赤幽尋如夢

想絲思屬空閒寅緣且忘疲耽玩近成辟清猿伺曉

發理草陵寒坻祥禽舞葱籠珠樹搖的皪羽人顧我

笑勸我稅歸輓霓衣何飄飄童顏潔白替重巖是藩

脫飄字

屏馴席受羈勒樓居邇清霄蘿萬成翠帶仙翁遺竹  
杖王母留桃核姹女飛丹沙青童護金液寶氣浮鼎  
耳神光生劔脊虛無天樂來僊宰鬼兵役丹丘肅朝  
禮玉扎五紬繹枕中淮南方牀下阜鄉烏明鑑坐遙  
夜幽籟聽浙瀝因話近世僊聳然心神惕乃言瞿氏  
子骨狀非凡格往事黃先生群兒多侮劇誓然不屑  
意元氣貯肝馬往往遊不歸洞中觀博奕言高未易  
信猶復加訶責一旦前致辭自云仙期迫言師有道  
骨前事嘗被謫如今三山上名字在真籍悠然謝主  
人後歲當來覲言畢依庭樹如烟去無迹觀者皆失

次驚逾紛絡繹日暮山逕窮松風自蕭槭適逢修蛇  
見瞑目光激射如嚴三清居不使恣搜索唯餘步網  
勢八趾在沙礫至今東北隅表以壇上石列仙徒有  
名世人非目擊如何庭廡際白日振飛翮洞天豈幽  
遠得道如咫尺一氣無死生三光自遷易因思人間  
世前路何湫窄瞥然此生中善祝期滿百大方播群  
類秀氣肖翕闢性靜本同和物牽成阻阨是非關方  
寸葷血昏精魄遂令多天傷猶喜見斑白喧喧車馬  
馳苒苒桑榆夕共安緹繡榮不悟泥途適紛吾本孤  
賤世業在逢掖九流宗指歸百氏旁攬掖公卿偶慰

薦鄉曲謬推擇居安白社貧志傲玄纁辟功名希自  
取簪組俟揚歷書府蚤懷鉉射宮會發的起草香生  
帳坐曹鳥集柏賜宴聆簫韶侍祠閱琮璧嘗聞履忠  
信可以行蠻貊自迷希古心妄恃干時畫巧言忽成  
錦苦志徒食藥平地生峯巒深心有矛戟曾波一震  
盪弱植果淪溺北渚躬靈均長岑思亭伯禍來味幾  
兆事去空歎惜塵累與時深流年隨漏滴才能疑木  
鴈報施迷夷踞楚奏繫鍾儀商歌勞甯戚稟生非懸  
解對境方感激自從嬰網羅每事問龜策王正降雷  
雨環玦賜遷斥儻復夷平人誓將依羽客買山構精

舍領徒開講席真無身外憂自有閑中益道牙期日  
就塵慮乃冰釋且欲遺姓名安能慕竹帛長生尚學  
致一溉豈虛擲芝朮資糗糧煙霞拂巾幘黃石履看  
墮洪崖肩可拍聊復嗟蜉蝣何頻哀虺蜴青囊既深  
味瓊葩亦屢摘縱無西山姿猶免長戚戚

一客有為余話登天壇遇雨之狀因以賦之

清晨登天壇半路逢陰晦疾行穿雨過却立視雲背  
白日照其上風雷走于內晁濛雪海翻槎牙玉山碎  
蛟龍露鬚鬣神鬼含變態萬狀互相生百音以繁會  
俯觀群動靜始覺天宇大山頂自激明人間已霽霈

豁然重昏歛渙若春冰潰反照入松門瀑流飛縞帶  
遙光泛物色餘韻吟天籟洞府撞仙鍾村墟起夕靄  
却見山下侶已如迷世代問我何處來我來雲雨外  
一有僧言羅浮事因為詩以寫之

君言羅浮上容易見九垓漸高元氣壯洶湧來翼身  
夜宿最高峯瞻望浩無鄰海黑天宇曠星辰來逼人  
是時當朏魄陰物恣騰振日光吐鯨背劍影開龍鱗  
倏若萬馬馳旌旗聳齋淪又如廣樂奏金石含悲辛  
疑其有巨靈怪物盡來賓陰陽迭用事乃俾夜作晨  
咿啞天雞鳴扶桑色昕昕赤波千萬里踴出黃金輪

下視生物息霏如隙中塵醞雞仰甕口亦謂雲漢津  
世人信耳目方寸度大鈞安知視聽外怪愕不可陳  
悠悠想大方此乃杯水濱知小天地大安能識其真

秋江蚤發


輕陰迎曉日霞霽秋江明草樹含遠思襟懷有餘清  
凝睇萬象起朗吟孤憤平渚鴻未矯翼而我已遐征  
因思市朝人方聽晨雞鳴昏昏戀衾枕安見元氣英  
納爽耳目變玩竒筋骨輕滄洲有竒趣浩蕩吾將行

裴祭酒尚書見示春歸城南青松塢別墅  
寄王左丞高侍郎之什命同作

登官閱人事晚懷生道機時從學省出獨望郊園歸  
野約渡春水山花映巖扉石頭解金章林下步綠薇  
青松鬱成塢修竹盈尺圍吟風起天籟蔽日無炎威  
危選盤羊腸連薨聳暈飛幽谷響樵斧澄潭環釣磯  
因高見帝城冠蓋揚光輝白雲難持寄清韻投所希  
二公如長離比翼翔太微含情謝林壑酬贈駢珠璣  
顧予久郎潛愁寂對芳菲一聞丘中趣再撫黃金徽  
和河南裴尹侍郎宿齋太平寺詣九龍祠  
祈雨二十韻

有事九龍廟繫齋梵王祠玉簫何時絕碧樹空涼颺  
吏散埃壒息月高庭宇宜重城肅淒閉澗水潺湲時  
人稀夜復閑慮靜境亦隨罔懷斷鼇足凝想乘鸞姿  
朱明盛農節膏澤方愆期瞻言五靈瑞能救百穀萎  
咿嗟晨雞鳴闌干斗柄垂修容謁神像注意陳正詞  
驚颯起泓泉若召雷雨師黑烟聳鱗甲灑液如琴絲  
豐隆震天衢列缺揮火旗炎空忽淒緊高雷懸綆縻  
生物已霑濡濕雲稍離披丹霞啓南陸白水含東菑  
熙熙飛走適藹藹草樹滋浮光動宮觀遠思盈川坻  
吳公敏於政謝守工為詩商山有病客言賀舒厖眉  
冬夜宴河中李相公中堂命筵歌送酒

朗朗鳴鷄弦華堂夜多思簾外雪已深坐中人半醉  
翠娥發清響曲盡有餘意酌我莫憂狂老來無逸氣



劉賓客文集卷第二十三

已上通一卷

國家圖書館, NATIONAL CENTRAL LIBRARY, TAIWAN, R.O.C.

劉賓客文集卷第二十四

詩七言五十六首

西塞山懷古

西晉樓船下益州金陵王氣漠然收  
一尋鐵鎖沈江底一片降幡出石頭  
人世幾回傷往事山形依舊枕寒流  
今逢四海為家日故壘蕭蕭蘆荻秋

陽山廟觀賽神

梁松南征此遂為其神在朗州

漢家都尉舊征蠻血食如今配此山  
曲蓋幽深蒼檜下洞簫愁絕翠屏間  
荆巫脉脉傳神語野老娑娑啓醉顏  
日落風生廟門外幾人連躡竹歌還



一漢壽城春望古荆州刺史治亭其下有子胥廟兼楚王故墳

漢壽城邊野草春荒祠古墓對荆榛田中牧豎燒芻狗陌上行人看石麟華表半空經霹靂碑文纔見滿埃塵不知何日東瀛變此地還成要路津

一後梁宣明二帝碑堂下作

王馬朝周從此辮園陵寂寞對豐碑千行宰樹荆州道莫雨蕭蕭聞子規

一荆州道懷古

南國山川舊帝畿宋臺梁館尚依侑馬嘶古樹行人歇麥秀空城澤雉飛風吹落葉填官井火入荒陵化

寶衣徒使詞臣庾開府咸陽終日苦思歸

一朗州賈員外見尔與澧州元郎中郡齋贈

一荅長句二篇因而繼和

鴛鴦差池出建章綠旗朱戶鬱相望新恩共理犬牙地昨日同含雞舌香白芷江邊分驛路山桃溪外接甘棠應憐一罷金閨籍枉渚逢春十度傷

一春對雪奉寄澧州元郎中

新賜魚書墨未乾賢人暫屈遠人安朝驅旌旆行時令夜見星辰憶舊官梅葉覆階鈴閣煥雪峯當戶戟枝寒寧知楚客思公子北望長吟澧有蘭



寶朗州見示與灋州元郎中蚤秋贈荅命

一作

鄰境諸侯同舍郎  
芷江蘭浦限無梁  
秋風門外旌旗動  
曉露庭中橘柚香  
玉輦微涼宜白晝  
金笳入暮應清商  
騷人昨夜聞題鵠  
不歎流年惜衆芳

衡州徐員外使君遺以縞紵兼竹書箱因

成一篇用荅佳

按此郡本自婺州析置徐自台州遷

爛柯山下舊仙郎  
列宿來添婺女光  
遠放歌聲分白紵  
知傳家學與青箱  
水朝滄海何時去  
蘭在幽林亦自芳  
聞道天台有遺愛  
人將琪樹比甘棠

唐秀才贈端州紫石硯以詩荅之

端州石硯人間重  
贈我應知正草玄  
闕里廟中空舊物  
開方竈下豈天然  
玉螭吐水霞光靜  
綵翰搖風絳錦鮮  
此日慵工記名姓  
因君數到墨池前

覽董評事思歸之什因以詩贈

幾年油幕佐征東  
却泛滄浪狎釣童  
歌枕醉眠成戲蝶  
抱琴閑望送歸鴻  
文儒自襲膠西相  
倚伏能齊塞上翁  
更說扁舟動鄉思  
青菰已熟柰秋風

松滋渡望硤中

渡頭輕雨灑寒梅  
雲際溶溶雪水來  
夢渚草長迷楚

望夷陵土黑有秦灰  
巴人淚應猿聲落  
蜀客舩從鳥道回  
十二碧峯何處所  
永安宮外是荒臺

揚州春夜李端公益張侍御登段侍御平

仲密縣李少府暢秘書張正字復元同會

於水館對酒聯句追刻燭擊銅鉢故事遲

輒舉觥以飲之逮夜艾群公沾醉紛然就

枕余偶獨醒因題詩於段君枕上以志其

一事

寂寂獨看金燼落  
紛紛只見玉山頽  
自羞不是高陽侶  
一夜星星騎馬回

逢王十二學士入翰林因以詩贈時貞元二十二年

王以藍田尉充學士

廐馬翩翩禁外逢  
星槎上漢杳難從  
定知欲報淮南

詔促召王褒入九重

關下口號呈柳儀曹

綵仗神旗獵曉風  
雞人一唱鼓蓬蓬  
銅壺漏水何時

歇如此相催即老翁

監祠夕月壇書事麟禮書

西皞司分晝夜平  
羲和亭午太陰生  
鏗鏘揖讓秋光

裏觀者如雲出鳳城

小注直下

戲贈崔千牛

學道深山虛老人，留名萬代不關身。  
勸君多買長安酒，南陌東城占取春。

元和甲午歲詔書盡徵江相，逐客余自武陵赴京宿於都亭有懷續來諸君子

雲雨江湘起，卧龍武陵樵。客躡仙蹤十年楚，水楓林下今夜初聞長樂鍾。

江陵嚴司空見示與成都武相公唱和因命同作

南荆西蜀大行臺，幕府旌門相對開。  
名重三司平水

上威雄八陳，役風雷。彩雲朝望青城起，錦浪秋經白帝來。不是郢中清唱發，誰當丞相掞天才。

徵還京師見舊番官馮叔達

前者忽忽襟被行，十年顛顛到京城。  
南宮舊吏來相問，何處淹留白髮生。

故洛城古牆

粉落椒飛知幾春，風吹雨灑旋成塵。  
莫言一片危基在，猶過無窮來往人。

元和十一年自朗州承召至京戲贈看花諸君子

紫陌紅塵拂面來無人  
不道看花回玄都觀裏  
桃千樹盡是劉郎去後栽

再遊玄都觀絕句 并引

余貞元二十一年為屯田員外郎時此觀未有花是歲出牧連州尋貶朗州司馬居十年召至京師人人皆言有道士手植仙桃滿觀如紅霞遂有前篇以志一時之事旋又出牧今十有四年復為主客郎中重遊玄都蕩然無復一樹唯兔葵燕麥動搖於春風耳因再題二十八字以俟後遊時太和二年三月百畝中庭半是苔桃花淨盡菜花開種桃道士歸何

脫尋字州字

小注直下

處前度劉郎今獨來

望夫石 山正對和州郡樓

終日望夫夫不歸化為孤石苦相思望來已是幾千載只似當時初望時

金陵五題 并序

余少為江南客而未遊秣陵嘗有遺恨後為歷陽守跛而望之適有客以金陵五題相示道爾生思歛然有得他日友人白樂天掉頭苦吟歎賞良久且曰石頭詩云潮打空城寂寞回吾知後之詩人不復措詞矣餘四詠雖不及此亦不孤樂天之言爾

石頭城

山圍故國周遭在潮打空城寂寞回迴淮水東邊舊時月夜深還過女牆來

烏衣巷

朱雀橋邊野草花烏衣巷口夕陽斜舊來王謝堂前鷺飛入尋常百姓家

臺城

臺城六代競豪華結綺臨春事最奢萬戶千門成野草只緣一曲後庭花

生公講堂

生公說法鬼神聽身後空堂夜不扃高坐寂寥塵漠漠一方明月可中庭

江令宅

南朝詞臣北朝客歸來唯見秦淮碧池臺竹樹三畝餘至今人道江家宅

謝寺雙檜

揚州法雲寺謝鎮西宅古檜存焉

雙檜蒼然古貌奇含烟吐霧鬱參差晚依禪客當金殿初對將軍映畫旗龍象界中成寶蓋鴛鴦瓦上出高枝長明燈是前朝焰曾照青青年少時

韓信廟

韓信廟

將略兵機命世雄，蒼黃鍾室歎良弓。遂令後代登壇者，每一尋思怕立功。

一 秋夜安國觀聞笙

織女分明銀漢秋，桂枝梧葉共颼颼。颼月露滿庭人寂寂，霓裳一曲在高樓。

一 洛中寺北樓見賀監草書題詩

高樓賀監昔曾登，壁上筆蹤龍虎騰。中國書流讓皇象，北朝文士重徐陵。偶因獨見空驚目，恨不同時便伏膺。唯恐塵埃轉磨滅，再三珍重囑山僧。

一 聞韓賓擢第歸覲以詩美之兼賀韓十五

一 曹長時韓牧永州

零陵香草滿郊坰，丹穴雛飛入翠屏。孝若歸來呈畫讚，孟陽別後有山銘。蘭陔舊地花多纒結，桂樹新枝色更青。為報儒林丈人道，如今從此鬢星星。

一 寄楊八壽州

風獵紅旗入壽春，滿城歌舞向朱輪。八公山下清淮水，千騎塵中白面人。桂嶺雨餘多鶴迹，茗園晴望似龍鱗。聖朝方用敢言者，次第應須舊諫臣。

一 李賈二大諫拜命後寄楊八壽州

諫省新登二直臣，萬方驚喜捧絲綸。則知天子明如

日肯放淮陽高卧人

一宣上人遠寄賀禮部王侍郎放榜後詩因

一而繼和

禮闈新榜動長安九陌人人走馬看一日聲名徧

下滿城桃李屬春官自吟白雪銓詞賦指示青雲借

羽翰借問至公誰印可支郎天眼定中觀

一贈東岳張鍊師

東岳真人張鍊師高情雅澹世間希堪為烈女書青

簡久事元君住翠微金縷機中拋錦字玉清壇上著

霓衣雲鬢不要吹簫伴只擬乘鸞獨自飛

一秘書崔少監見示墜馬長句因而和之

麟臺少監舊仙郎洛水橋邊墜馬傷塵汗香間青盤

綬風飄掌上紫遊韉上車著作應來問折臂三公定

送方猶賴德全如醉者不妨吟詠入篇章

一寄楊虢州與之舊姻

避地江湖知幾春今來本郡擁朱輪阮郎無復里中

舊楊僕却為關外人各繫一官難命駕每懷前好易

沾巾玉城山裏多靈藥擺落功名且養神

一秋日題寶負外崇德里新居寶時荆  
度支案

長愛街西風景閑到君居處暫開顏清光門外一渠

無小注

水秋色牆頭數點山疎種碧松通月朗多栽紅藥待  
春還莫言堆案無餘地認得詩人在此間

一蒙恩轉儀曹郎依前充集賢學士舉韓湖

一州自代因寄七言

翔鸞關下謝恩初通籍由來在石渠暫入南宮判祥  
瑞還歸內殿閱圖書故人猶在三江外同病凡經二  
紀餘今日薦君嗟久滯不唯文體似相如

一途次華州陪錢大夫登城北樓春望因觀

一李崔令狐三相國唱和之什翰林舊侶繼

一踵華城山水清高鸞鳳翔集皆忝夙眷遂

一題是詩

城樓四望出風塵見畫關西渭北春百二山河雄上  
國一雙旌旆委名臣壁中今日題詩處天上同時草  
詔人莫怪老郎呈或濫吹途雖別舊情親

一三鄉驛樓伏觀玄宗望女兒山詩小臣臣裴

一然有感

開元天子萬事足唯惜當時光景促三鄉陌上望仙  
山歸作霓裳羽衣曲僊心從此在瑤池三清八景相  
追隨天上忽乘白雲去世間空有秋風詞

一洛下初冬拜表有懷上京故人



鳳樓南面控三條拜表郎官蚤渡橋清洛曉光鋪碧

葦上陽霜葉翦紅綃省門簪組初成列雲路駕鸞想

退朝寄謝殷懃九天侶槍榆水擊各逍遙

尉遲郎中見示自南遷牽復却至洛城東

舊居之作因以和之

曾遭飛語十年謫新受恩光萬里還朝服不妨遊洛

浦郊園依舊看高山竹含天籟清商樂水遶庭臺碧

玉環留作功成退身地如今只是暫時閑

洛中酬福建陳判官見贈

潦倒聲名擁腫材一生多故苦遭迴南宮舊籍遙相

管東洛閑門晝未開靜對道流論藥石偶逢詞客與

瓊瑰怪君近日文鋒利新向延平看劍來

始聞秋風

昔看黃菊與君別今聽玄蟬我却回五夜颼颼枕前

覺一年顏狀鏡中來馬思邊草拳毛動鵬盼青雲睡

眼開天地肅清堪四望為君扶病上高臺

和蘇十郎中謝病閑居時嚴常侍蕭給事

同過訪歎初有二毛作

清羸隱几望雲空左掖鴛鴦到室中一卷素書銷永

日數莖斑鬢對秋風菱花照後容雖改著草占來命

已通莫怪人人驚早白緣君合是黑頭翁

訓淮南廖參謀秋夕見過之作林公昔為揚州從事

參謀從釋子反初服

揚州從事夜相尋無限新詩月下吟初服已驚玄髮長高情猶向碧雲深語餘時舉一椀酒坐久方聞數處砧不逐繁華訪閑散知君擺落俗人心

題王郎中宣義里新居

愛君新買街西宅客到如遊鄆杜間雨後退朝貪種樹申時出省趁看山門前巷陌三條近牆內池亭萬境閑見擬移君作隣里不論時節請開關

一訓朗州崔負外與任十四兄侍御同過鄙

一舊居見懷之什時守吳郡

昔日居鄰招屈亭楓林橘樹鷓鴣聲一辭御苑青門去十見蠻江白芷生自此曾沾宣室召如今又守闔閭城何人萬里能相憶同舍仙郎與外兄任侍御子崔負

外南宮同官

一美温尚書鎮定興元以詩寄賀

旌旗入境犬無聲戮盡鯨鯢漢水清從此世人聞耳目始知名將出書生

一劉駙馬水亭避暑

無小注

千竿竹翠數蓮紅水閣虛涼玉簾空琥珀瓊烘疑漏  
 酒水精簾瑩更通風賜冰滿盃沈朱實法饌盈盤覆  
 碧籠盡日逍遙避煩暑再三珍重主人翁

述舊賀遷寄陝虢孫常侍南宮左輔兩處交代

南宮幸襲芝蘭後左輔曾交印綬來多病未離清洛  
 苑新恩已歷望仙臺關頭古塞桃林靜城下長河竹  
 箭回聞道隨車有零雨此時偏動子荆才

訓端州吳大夫夜泊湘川見寄一絕

夜泊湘川逐客心月明猿苦血沾襟湘妃舊竹痕猶  
 淺從此因君染更深

卷第二十四



劉賓客文集卷第二十五


詩雜體三十九首

一 翠微寺有感

吾王昔遊幸離宮雲際開朱旗迎夏畢涼軒避暑來  
湯餅賜都尉寒冰頒上才龍顏不可望玉坐生浮埃

一 連州臘日觀莫徭獵西山

海天殺氣薄蠻軍部伍囂林紅葉盡變原黑草初燒  
圍合繁鉦息禽興大旆搖張羅依道口嗾犬上山腰  
猜鷹慮奮迅驚麇時跼跳瘴雲四面起臘雪半空銷  
箭頭餘鵠血鞍傍見雉翹日莫還城邑金笳發屢譙



觀舞柘枝二首

胡服何葳蕤，僊僊登綺墀。神飊獵紅蕖，龍燭然金枝。  
垂帶覆纖腰，安鈿當嫵眉。翹袖中繁鼓，傾眸遡華棖。  
燕餘有舊曲，淮南多冶詞。欲見傾城處，君看赴節時。  
山雞臨清鏡，石燕赴遙津。何如上客會，長袖入華茵。  
體輕似無骨，觀者皆聳神。曲盡回身去，曾波猶注人。

君山懷古

屬車八十一，此地阻長風。千載威靈盡，赭山寒水中。

秋江晚泊

長泊起秋色，空江涵霽暉。暮霞十萬狀，賓鴻次第飛。

古戍見旗迥，荒村聞犬稀。軻峨扁上客，勸酒夜相依。

步出武陵東亭臨江寓望

鷹至感風候，霜餘變林麓。孤颿帶日來，寒江轉沙曲。  
戍遙旗影動，津晚榜聲促。月上綵霞收，漁歌遠相續。

秋日送客至潛水驛

候吏立沙際，田家連竹溪。神林社日鼓，茅屋午時雞。  
雀噪晚禾地，蝶飛秋草畦。驛樓宮樹近，疲馬再三嘶。

晚歲登武陵城顧望水陸悵然有作

星象承鳥翼，蠻陬想犬牙。隄人祠竹節，仙洞開桃花。  
城基歷漢魏，江源自賓巴。華表廖立墓，菜地黃瓊家。

霜輕菊秀晚石淺水文斜樵音逸故壘汲路明寒沙

清風稍改葉盧橘如含葩野橋鳴驛騎叢祠發迥笳

跳鱗避舉網倦鳥寄行查路塵高出樹山火遠連霞

夕曛轉赤岸浮藹起蒼葭軋軋渡溪渠連連赴林鴟

叫閭道非遠賜環期自賒孤臣本危涕喬木在天涯

湖州崔郎中曾長寄三癖詩自言癖在詩

與琴酒其詞逸而高吟詠不足昔柳吳興

亭臯隴首之句王融書之白團扇故為四

韻以謝之

視事畫屏中自稱三癖翁管絃泛春渚旌旆拂晴虹

脫同字

酒對青山月琴韻白蘋風會書團扇上知君文字工

為郎分司寄上都同舍

藉通金馬門身在銅駝陌省闈畫無塵宮樹遠凝碧

荒街淺深轍古渡潺湲石唯有高丘雲堪誇蚤朝客

登陝州城北樓卻寄京師親友

獨上百尺樓目窮思亦愁初日徧露草野田荒悠悠

塵息長道白林清宿烟收回首雲深處永懷帝鄉遊

請告東歸發灞橋卻寄諸僚友

征途出灞溪回首傷如何故人雲雨散滿目山川多

行車無停軌流景同迅波前歡漸成昔感歎益勞歌

秋晚題湖城驛池上亭

秋晚題湖城驛池上亭  
秋次池上館林塘照南榮塵衣紛未解幽思浩已盈  
風蓮墜故萼露菊含晚英恨為一夕客愁聽晨雞鳴

平蔡州三首

蔡州城中衆心死祆星夜落照壕水漢家飛將下天  
來馬箠一揮門洞開賊徒崩騰望旗拜有若群蟄驚  
春雷狂童面縛登檻車大帛天矯垂捷書相公從容  
來鎮撫常侍郊迎負文弩四人歸業間里閑小兒跳  
踉健兒舞

汝南晨雞喔喔鳴城頭鼓角音和平路傍老人憶舊

爭相與感激皆涕零老人收泣前致辭官軍入城人  
不知忽驚元和十二載重見天寶承平時

九衢車馬渾渾流使臣來獻淮西囚四夷聞風失匕  
筋天子受賀登高樓妖童擢髮不足數血汗城西一  
坏土南峯無火楚澤閑夜行不鎖穆陵關策勳禮畢  
天下泰猛士按劍看常山時唯常山不庭

平齊行二首

胡塵昔起薊北門河南地屬平盧軍貂裘代馬繞東  
岳澤陽孤桐削為角地形十二虜意驕恩澤含容歷  
四朝魯人皆解帶弓箭齊人不復聞簫韶今朝天子

聖神武手握玄符平九土初衰狂童襲故事文告不  
來方震怒去秋詔下誅東平官軍四合猶嬰城春來  
群鳥噪且驚氣如壞山墮其庭牙門大將有劉生夜  
半射落撓槍星帳中虜血流滿地門外三軍舞連臂  
駟騎函首過黃河城中無賊天氣和朝庭侍郎來慰  
撫耕夫滿野行人歌

泰山沈寇六十年旅祭不饗生愁烟今逢聖君欲封  
禪神使陰兵來助戰祆氛掃盡河水清日觀杲杲卿  
雲見開元皇帝東封時百神受職爭奔馳千鈞猛箴  
順流下洪波涵淡浮熊羆侍臣燕公秉文筆玉檢告  
天無愧詞當今廟孫承聖祖岳神望幸河宗舞青門  
大道屬車塵共待歲蕤翠華舉

城西行

城西簇簇三叛族叛者為誰蔡吳蜀中使提刀出禁  
來九衢車馬轟成雷臨刑與酒榼未覆仇家白官先  
請肉守吏能然董卓臍饑烏來覘相玄目城西人散  
秦街平雨洗血痕春草生

武昌老人說笛歌

武昌老將七十餘手把庾令相問書自言少小學吹  
笛早登事曹王曾賞激往年鎮戍到蘄州楚山蕭蕭笛



竹秋當時買林恣搜索典卻身上烏貂裘古苔蒼蒼  
封老節石上孤生飽風雪商聲五音隨指發水中龍  
應行雲絕曾將黃鶴樓上吹一聲占盡秋江月如今  
老去語猶遲音韻高低耳不知氣力已無心尚在時  
時一曲夢中吹

西山蘭若試茶歌

山僧後擔茶數叢春來映竹抽新茸苑然為客振衣  
起自傍芳叢摘鷹嘴斯須炒成滿室香便酌砌下金  
沙水驟雨松聲入鼎來白雲滿盃花裴回悠揚噴鼻  
宿醒散清峭徹骨煩襟開陽崖陰嶺各殊氣未若竹

下莓苔地炎帝雖嘗未解煎桐君有錄那知味新芽  
連拳半未舒自摘至煎俄頃餘木蘭墜露香微似瑤  
草臨波色不如僧言靈味宜幽寂采采翹英為嘉客  
不辭緘封寄郡齋甌井銅鑪損標格何況蒙山顧渚  
春白泥赤印走風塵欲知花乳清冷味須是眠雲跂  
石人

一廟庭偃松詩并引

侍中後閣前有小松不待年而偃丞相晉公為賦詩  
美其猶龍蛇然植于高檐檐喬木間上嵌嵌傍軋盤感傾  
亞似不得天和者公以遂物性為意乃加憐焉命畚

土以壯其趾使無歆索絢以牽其榦使不仆盥漱之  
餘以潤之顧眄之輝以照之發於仁心感召和氣無  
復天闕坐能敷舒鄉之跽感化為奇古故雖表丈而  
有偃號焉予嘗詣閣白事公為道所以且示以詩竊  
感嘉木之逢時斐然成詠詩曰

鷓鴣

勢軋枝偏根已危高情一見與扶持忽從顛顛有生  
意卻為離披無俗姿影入巖廊行樂處韻含天籟宿  
齋時謝公莫道東山去待取陰成滿鳳池

一答東陽于令涵碧圖詩并彈

東陽令于興宗丞相燕國公之猶子生綺襦統袴間

既碧字

小注直下

所見皆貴盛而擊然有心如山東書生前年自有司  
願為親民官以自效遂補東陽及莅官以簡易為治  
故多暇日一旦於縣五里偶得奇境埋沒於翳薈中  
于生自以有持操而生於公侯家由覆簷入仕常忽  
忽歎息因移是心開挾泉石去蘿葛斧凡材畚息  
壤而清溪翠巖森立全來因構亭其端題曰涵碧碧  
流貫于庭中如青龍蜿蜒冰去激射人樹石雲霞列  
于前昏旦萬狀惜其居地不得有聞於時故圖之來  
乞詞既無負尤物予亦久翳蘿葛者睹之慨然遂賦  
七言以貽後之文士矣

小注直下

丕烈安字為  
是所謂及第中  
最老也

中山集

卷三十一

東陽本是佳山水何況曾經沈隱侯化得邦人解吟  
詠如今縣令亦風流新開潭洞疑仙境遠寫丹青到  
羅州落在尋常畫師手猶能三伏凜生秋

贈致仕勝庶子先輩

時及第人中最

朝服歸來畫錦榮登科記上更無名壽觴每使曾孫

獻勝境長攜衆妓行矍鑠據鞍時騁健殷勤把酒尚

多情陵寒卻向山陰去衣繡郎君雪裏迎時今子為御史注

在越中

詠紅柿子

曉連星影出晚帶日光懸本因遺採掇翻自保天年

庭竹

露滌鈿粉節風搖青玉枝依依似君子無地不相宜

臺城懷古

清江悠悠王氣沈六朝遺事何處尋宮牆隱嶙園野  
澤鶴鷄夜鳴秋色深

題壽安甘棠館二首

公館似仙家池清竹迳斜山禽忽驚起衝落半巖花  
門前浴陽道門裏桃源路塵土與烟霞其間十餘步

與歌者朱嘉榮

唱得涼州意外聲舊人唯數朱嘉榮近來時世輕先

中山集

卷三十一

中山集 卷之三  
輩好染頰頰事後生

一聽舊宮中樂人穆氏唱歌

曾隨織女渡天河記得雲間第一歌  
休唱貞元供奉曲當時朝士已無多

一渾侍中宅牡丹

徑尺千餘朵人間有此花  
今朝見顏色更不向諸家  
唐郎中宅與諸公同飲酒看牡丹

今日花前飲甘心醉數杯  
但愁花有語不為老人開

一與歌者何哉

二十餘年別帝京重聞天樂不勝情  
舊人唯有何哉

石夏與殷勤唱渭城

一與歌童田順郎

天下能歌御史娘花前月底奉君王  
九重深處無人見分付新聲與順郎

一燕尔館破屏風所畫至精人多歎賞題之

畫時應遇空亡日賣處難逢識別人  
唯有多情往來客強將衫袖拂埃塵

一賞牡丹

庭前芍藥妖無格池上芙蓉淨少情  
唯有牡丹真國色花開時節動京城

無小注

中山集

卷二十五

寄陝州姚中丞

時分司東都

八月天地肅二陵風雨收  
旌旗闕下來雲日關東秋  
禹跡想前事漢臺餘故丘  
裴回襟帶地左右帝王州  
留滯悲昔老恩光榮徹侯  
相思望棠樹一寄商聲謳

一奉酬湖州崔郎中見寄五韻

山陽昔相遇灼灼晨葩鮮  
同遊翰墨場和樂墳簞然  
一落名宦途浩如乘風船  
行當衰暮日卧理淮海壖  
猶期謝病後共樂桑榆年

劉賓客文集卷第二十五

已上通卷



舊曰鈔此卷  
起第一冊  
樂府已下小注

劉賓客文集卷第二十六

歌樂府五十首

團扇歌

團扇復團扇奉君清暑殿秋風入庭樹從此不相見  
上有乘鸞女蒼蒼網蟲遍明年入懷袖別是機中練

荊州歌二首

渚宮楊柳暗麥城朝雉飛可憐踏青伴乘暖燠著輕衣  
今日好南風商旅相催發沙頭檣竿上始見春江闊

紀南歌

風烟紀南城塵土荆門路天寒多獵騎走上樊姬墓



宜城歌

野水遶空城行塵起孤驛荒臺側生樹石碣陽鐫額  
靡靡度行人溫風吹宿麥

順陽歌

朝辭官軍驛前望順陽路野水蓄荒墳秋蟲鏤官樹  
曾聞天寶末胡馬西南驚城守魯將軍拔城從此去

馬嵬行

綠野扶風道黃塵馬嵬驛路邊楊貴人墳高三四尺  
乃問里中兒皆言幸蜀時軍家誅佞倖天子捨妖姬  
群吏伏門屏貴人牽帝衣低回轉美目風日為無暉

貴人飲金屑倏忽薨英暮平生服杏丹顏色真如故  
屬車塵已遠里巷來窺覷共愛宿妝妍君王畫眉處  
履綦無復有履組光未滅不見巖畔人空見陵波襪  
郵童愛蹤跡私手解繫結傳看千萬眼縷絕香不歇  
指環照骨明首飾敵連城將入咸陽市猶得賈胡驚

視刀環歌

常恨言語淺不如人意深今朝兩相視脉脉萬重心

三閣辭四首吳聲

貴人三閣上日晏未梳頭不應有恨事嬌甚卻成愁  
珠箔曲瓊鉤子細見揚州北兵那得度浪語判悠悠

沉香帖閣柱金縷畫門楣回首降幡下已見黍離離  
三人出胥井一身登檻車朱門漫臨水不可見鱸魚

一更衣曲

博山烟烟吐香霧紅燭引至更衣處夜如何其夜漫  
漫鄰雞未鳴寒鴈度庭前雪壓松桂叢廊下點點懸  
紗籠滿堂醉客爭笑語嘈噴琵琶青幕中

一淮陰行五首 并引

古有長干行言三江之事悉矣余嘗阻風淮陰作淮  
陰行以裨樂府  
蒺藜淮陰市行樓緣岸上好日起檣竿鳥飛驚五兩

金日轉船頭金烏指西北烟波與春草千里同一色

船頭大銅鑲摩挲光陳陳蚤晚使風來沙頭一眼認

何物令儂羨羨郎船尾燕銜泥趁檣竿宿食長相見

隔浦望行船頭昂尾憶憶無奈挑菜時清淮春浪軟

一競渡曲  
競渡始於武陵至  
今舉械而相和  
之其音咸呼云何在斯招屈之義

事見圖經

沅江五月平隄流邑人相將浮綵舟靈均何年歌已

矣哀謠振楫從此起揚枹擊節雷闐亂流齊進聲

轟然蛟龍得雨鬚鬣動蟬煉飲河形影聯刺史臨流

褰翠帟揭竿命爵分雄雌先鳴餘勇爭鼓舞未至



枚顏色沮百勝本自有前期一飛由來無定所風俗  
如狂重此時縱觀雲委江之湄綵旗夾岸照鮫室羅  
襪陵波呈水嬉曲終人散空愁莫招屈亭前水東注

一堤上行三首

酒旗相望大堤頭堤下連檣堤上樓日暮行人爭渡  
急漿聲幽軋滿中流

江南江北望烟波入夜行人相應歌棹葉傳情竹枝

怨水流無限月明多

長堤繚繞水裴回酒舍旗亭次第開日晚上簾招估

客軻我大扁落帆來

無歲秋矣  
三字

採菱行武陸俗者菱歲秋矣有女郎或  
以採菱曲罕傳其詞  
故賦因以係采詩者

白馬湖平秋日光紫菱如錦綵鴛翔盪舟遊女滿中

央采菱不顧馬上郎爭多逐勝紛相向時轉蘭橈破

輕浪長鬟弱袂動參差釵影釧文浮蕩漾笑語哇咬

頽晚暉蓼花綠岸扣船歸歸來共到市橋步野蔓繫

船萍滿衣家家竹樓臨廣陌下有連檣多估客攜觴

薦菱夜經過醉躡大堤相應歌屈平祠下沅江水月

照寒波白烟起一曲南音此地聞長安北望三千里

一秋風引

秋風引在初  
夏曲三首後  
為是

中山集

卷二十一

日

何處秋風至蕭蕭送鴈群朝來入庭樹孤客最先聞

莫儵歌

莫儵自生長名字無符籍市場雜鮫人婚姻通木客  
星居占泉眼火種開山春夜渡千仞谿含沙不能射

蠻子歌

蠻語鈎輈音蠻衣斑闌布熏狸掘沙鼠時節祠盤瓠  
忽逢乘馬客恍若驚鷹顧腰斧上高山意行無舊路

洞庭秋月行

洞庭秋月生湖心曾波萬頃如鎔金孤輪徐轉光不  
定遊氣濛濛隔寒鏡是時白露三秋中湖平月上天

地空岳陽城頭暮角絕蕩漾已過君山東山城蒼蒼

夜寂寂水月逶迤繞城白盪漿巴童歌竹枝連櫓估

客吹羌笛勢高夜久陰力全金氣肅肅開清躔浮雲

野馬歸四裔首冠星斗當中天天雞相呼曙霞出斂

影含光讓朝日日出喧喧人不閑夜來清景非人間

躡歌詞四首

春江月出大堤平堤上女郎連袂行唱盡新詞歡不

見紅霞映樹鷓鴣鳴

桃蹊柳陌好經過盤下妝成月下歌為是襄王故宮

地至今猶自細腰多

新詞宛轉遞相傳振袖傾鬟風露前月落烏蹄雲雨  
散遊童陌上拾花鈿

日暮江南聞竹枝南人行樂北人悲自從雪裏唱新  
曲直到三春花盡時

華清詞

日出驪山東裴回照溫泉樓臺影玲瓏稍稍開白烟  
言昔太上皇常居此祈年風中聞清樂往往來列仙  
翠華入五雲紫氣歸上玄哀哀生人淚泣盡弓劍前  
聖道本自我凡情徒顯然小臣感玄化一望青冥天

一步虛詞二首

阿母種桃雲海際花落子城二千歲海風吹折最繁  
枝跪捧瓊盤獻天帝

華表千年一鶴歸疑丹為頂雪為衣星星仙語人聽  
盡卻向五雲翻翅飛

一 桃源行

漁舟何招招浮在武陵水控綸擲餌信流去誤入桃  
源行數里清源尋盡花綿綿踏花覓逕至洞前洞門  
蒼黑烟霧生暗行數步逢虛明俗人毛骨驚仙子爭  
來致詞何至此湏臾皆破冰雪顏笑言委曲問人間  
因嗟隱身來種玉不知人世如風燭筵羞石髓勸客

餐饜藝松脂留客宿雞聲犬聲遙相聞曉光葱籠開  
五雲漁人振衣起出戶滿庭無路花紛紛翻然恐迷  
鄉縣處一息不肯桃源住桃花滿溪水似鏡塵心如  
垢洗不去仙家一出尋無蹤至今水流山重重

魏宮詞二首

日晚長秋簾外報望陵歌舞在明朝添鑪火欲熏衣  
麝憶得分明不忍燒

日映西陵松栢枝下臺相顧一相思朝來樂府長歌  
曲唱著君王自作詞

阿嬌怨

望見葳蕤舉翠華試開金屋埽庭花  
須臾宮女傳來信言幸平陽公主家

九華山

并引

九華山在池州青陽縣西南九峯競秀神采奇異昔  
予仰太華以為此外無奇愛女几荆山以為此外無  
秀及今見九華始悼前言之容易也惜其地偏且遠  
不為世所稱故歌以大之

奇峯一見驚魂魄意想洪鑪始開闢疑是九龍天矯  
欲攀天忽逢霹靂一聲化為石不然何至今悠悠億  
萬年氣勢不死如騰金音鳥輕雲含幽子月添冷日

無小注

中山集 卷二十九

疑輝兮江漾影結根不得要路津迥秀長在無人境  
軒皇封禪登云亭大禹會計臨東溟乘標力追反不  
來廣樂絕獨與猿鳥愁青瑩君不見敬亭之山黃索  
漠兀如斷岸無稜角宣城謝守一首詩遂使名聲齊  
五岳九華山九華山自是造化一尤物焉能籍甚乎  
人間

送春曲

春向晚春晚思悠哉風雲日已改花葉自相催漠漠  
空中去何時天際來  
春已暮冉冉如人老映葉見殘花連天是青草可憐

楓與李從此同桑棗

春景去此去何時回遊人千萬恨落日高溼寂寞  
繁花盡流鶯歸莫不來

初夏曲三首

銅壺方促夜斗柄暫南回思稍嫌單衣重初憐北戶開  
西園花已盡新月為誰來

時節過繁華陰陰千萬家巢禽命子戲園果墜枝斜  
寂寞孤飛蝶窺叢竟晚花

綠水風初暖青林露草晞麥田雉朝雒桑野人暮歸  
百舌悲花盡無聲來去飛

中山集 卷二十九

柳花詞三首

卷

時落

早

開從綠條上散逐香風遠故取花落時悠揚占春晚  
輕飛不假風輕落不委地撩亂舞晴空發人無限思  
晴天黯黯雪來送青春暮無意似多情千家萬家去

送春詞

昨來樓上迎春處今日登樓又送歸  
蘭葉殘妝含露泣柳條長袖向風揮  
佳人對鏡容色改楚客臨江心事違  
萬古至今同此恨無如一醉盡忘機

秋詞二首

自古逢秋悲寂寥我言秋日勝春朝  
晴空一鶴排雲

上便引詩情到碧霄  
山明水淨夜來霜數樹深紅出淺黃  
試上高樓清入骨豈知春色嗾人狂

劉賓客文集卷第二十六

國家圖書館, NATIONAL CENTRAL LIBRARY, TAIWAN, R.O.C.

無卷第

脫吳字

脫十五字

劉賓客文集卷第二十七

樂府下

四十九首

泰娘歌并引

泰娘本常尚書家主謳者初尚書為吳郡得之命樂工誨之琵琶使之歌且舞無幾何盡得其術居一二歲攜之以歸京師京師多新聲善工於是又捐去故技以新聲度曲而泰娘名家往往見稱於貴遊之間元和初尚書薨於東京泰娘出居民間久之為蘄州刺史張憇所得其後憇坐事謫居武陵郡憇卒泰娘無所歸地荒且遠無有能知其容與藝者故日抱樂





器而哭其音焦殺以悲雒客聞之為歌其事以續于

樂府云

秦娘家本閬門西門前綠水環金隄有時妝成好天氣走上臯橋折花戲風流太守常尚書路傍忽見停隼旗斗量明珠鳥傳意紺憶迎入專城居長髮如雲衣似霧錦茵羅薦承輕步舞學鶯鴻水榭春歌撩上客蘭堂暮從郎西入帝城中貴遊簪組香簾攏低鬟緩視抱明月纖指破撥生胡風繁華一旦有消歇題劍無光履聲絕洛陽舊宅生草萊杜陵蕭蕭松栢哀收查蟲網厚如繭博山爐側傾寒灰新州刺史張公

子白馬新到銅駝里有言買笑擲黃金月墮雲中從此始安知鵬鳥坐隅飛寂寞旅魂招不歸秦嘉鏡有前時結韓壽香銷故篋衣山城少人江水碧斷鴈哀猿風雨夕朱弦已絕為知音雲鬢未秋私自惜舉目風煙非舊時夢尋歸路多參差如何將此千行淚更灑湘江斑竹枝

秋扇詞

莫道恩情無重來人間榮謝遞相催當時初入君懷袖豈念寒鑪有死灰

搗衣曲

中山集 卷二十七  
爽砧應秋律繁杵含淒風一一遠相續家家音不同  
戶庭凝露清伴侶明月中長裾委襜積輕佩垂瓊瓏  
汗餘衫更馥鈿移麝半空報寒驚邊鴈促思聞候蟲  
天狼正芒角虎落定相攻盈篋寄何處征人如轉蓬

七夕二首

河鼓靈旗動如娥破鏡斜滿空天是幕徐轉斗為車  
機罷猶安石橋成不礙查寧知觀津女竟夕望雲涯  
天衢啓雲帳神馭上星橋初喜渡河漢頻驚轉斗杓  
餘霞張錦幃輕電閃紅綃非是人間世還悲後會遙

龍陽縣歌

縣門白日無塵土百姓縣前挽魚罟主人引客登大  
堤小人縱觀黃犬怒鷓鴣驚鳴遶籬落橘柚垂芳照  
窻戶沙平草綠見吏稀寂歷斜陽照懸鼓

度桂嶺歌

桂陽嶺下下復高高人稀鳥獸駭地遠草木豪寄言  
千金子知余歌者勞

挿田歌并引

連州城下俯接村墟偶登郡樓適有所感遂書其事  
為俚歌以俟采詩者

岡頭花草齊燕子東西飛田塍望如線白水光參差

農婦白紵帶農夫綠蓑衣齊唱田中歌嚶嚶如竹枝  
 但聞怨響音不辨俚語詞時時一大笑此必相嘲嗤  
 水平苗漠漠烟火生墟落黃犬往復還赤雞鳴且啄  
 路傍誰家郎烏帽衫袖長自言上計吏年初離帝鄉  
 田夫語計吏君家儂定諳一來長安罷眼大不相參  
 計吏笑致辭長安真大處省門高軻峨儂入無度數  
 昨來補衛士唯用筒竹布君看二三年我作官人去

一畬田作

何處好畬田團團縵山腹鑽龜得雨卦上山燒卧木  
 驚麕走且顧群雉聲唧唧紅焰遠成霞輕煤飛入

風引上高岑獵獵度青林青林望靡靡赤光低復起  
 照潭出老蛟爆竹驚山鬼夜色不見山孤明星漢間  
 如星復如月俱逐曉風滅木從敲石光遂致烘天熱  
 下種暖灰中乘場圻牙孽蒼蒼一雨後蒼穎如雲發  
 巴人拱手吟耕耨不關心由來得地勢徑寸有餘陰

一蒲樾歌

野田生蒲樾纏繞一枝蒿移來碧墀下張王日日高  
 分岐浩繁縹脩蔓蟠詰曲揚翹向庭柯意思如有屬  
 為之立長架布護當軒綠米液漑其根理踈看滲漉  
 繁葩組綬結懸寶珠璣鹿馬乳帶輕霜龍鱗躍初旭

有客汾陰至臨堂睜雙目自言我晉人種此如種玉  
釀之成美酒令人飲不足為君博持一斗往取涼州牧

鷓鴣吟

朝陽有吟鳳不聞千萬祀題鳩催衆芳晨間先入耳  
秋風白露晞從是爾啼時如何上春日唧唧滿庭飛

牆陰歌

白日左右浮天潢朝晡影入東西牆昔為兒童在陰  
戲當時意小覺日長東隣侯家吹笙簧隨陰促促移  
象牀西隣田舍乏糟糠就影汲汲春黃梁因思九州  
四海外家家只占牆陰內莫言牆陰數尺間老卻主

人如等閑君看眼前光景促中心莫學太行山

觀雲篇

興雲感陰氣疾走如見機晴來意態行有若功成歸  
葱籠含晚景潔白凝秋暉深夜夜深度銀漢漠漠仙人衣

沓潮歌并序

元和十年夏五月終風駕濤南海羨溢南人曰沓潮  
也率三更歲一有之余為連州客或為予言其狀因  
歌之附于南越志

渡

屯門積日無回颿滄波不歸成沓潮轟如鞭石斫且  
搖亘空欲駕鼉鼉橋驚湍蹙縮悍而驕大陵高岸失

岩堯四邊無阻音響調背負元氣掀重霄介鯨得性  
方逍遙仰鼻嘘吸揚朱翹海人狂顧迭相招芻衣髻  
首聲曉曉征南將軍登屨譙赤旗指麾不敢踟望日  
風回沴氣消歸濤納納景昭昭烏泥白沙復滿海海  
色不動如青瑤

一 百花行

長安百花時風景宜輕薄無人不沽酒何處不聞樂  
春風連夜動微雨陵曉濯紅焰出牆頭雪光映樓角  
繁紫韻松竹遠黃遶籬落臨路不勝愁輕飛去何託  
滿庭蕩魂魄照廡成丹溼爛漫嗾頭狂飄零勸行樂

時節易晚晚清陰覆池閣唯有安石榴當軒慰寂寞

一 春有情篇

為問遊春侶春情何處尋花含欲語意草有關生心  
雨頻催發色雲輕不作陰縱令無月夜芳興暗中深

一 路傍曲

南山宿雨晴春入鳳皇城處處聞絃管無非送酒聲

一 白鷺兒

白鷺兒最高格毛衣新成雪不敵衆禽喧呼獨凝寂  
孤眠芊芊草久立潺潺石前山正無雲飛去入遙碧

一 壯士行

陰風振寒郊猛虎正咆哮徐行出燒地連吼入黃茅  
壯士走馬去燈前寧玉稍叱之使人立一發如鉞交  
悍睛忽星墮飛血濺林梢彪炳為我席羶腥充我庖  
里中欣害除賀酒紛號呶明日長橋上傾城看斬蛟

一 邊風行

邊馬蕭蕭鳴邊風滿磧生暗添弓箭力半上鼓聲聲  
襲月寒暈起吹雲陰陳成將軍占氣候出號夜翻營

一作安號  
畏翻城

一 竹枝詞

辭并引九首

四方之歌異音而同樂歲正月余來建平里中見聽

歌竹枝吹短笛擊鼓以赴節歌者揚袂睚舞以曲多  
為賢聆其音中黃鍾之羽卒章激訐如吳聲雖滄海  
不可分而含思宛轉有淇濮之豔昔屈原居沅湘間  
其民迎神詞多鄙陋乃為作九歌到于今荆楚鼓舞  
之故余亦作竹枝詞九篇俾善歌者颺之附于末後  
之聆巴歛知變風之自焉

白帝城頭春草生白鹽山下蜀江清南人上來歌一  
曲壯人莫上動鄉情

山桃紅花滿上頭蜀江春水拍山流花紅易衰似郎  
意水流無限似儂愁

江上春櫻新雨晴灤西春水穀文生橋東橋西好楊柳人來來人去唱歌行

日出三竿春霧消江頭蜀客駐蘭橈憑寄狂夫書一紙紅住在成都萬里橋

兩岸山花似雪開家家春酒滿銀樽昭君坊中多女伴永安宮外踏青來

城西門前灑灑堆年年波浪不能摧懊惱人心不如石少時東去復西來

瞿唐嘈嘈十二灘此中道路古來難長恨人心不如水等閒平地起波瀾

巫峽蒼蒼烟雨時清猿啼在最高枝箇裏愁人腸自斷由來不是此聲悲

山上層層桃李花雲間烟火是人家銀釧金釵來負水長刀短笠去燒畬

揚柳枝詞九首

辭

塞北梅花羗笛吹淮南桂樹小山詞請君莫奏前朝曲聽唱新翻揚柳枝

南陌東城春蚤時相逢何處不依依桃紅李白皆誇好須得垂楊相發揮

鳳闕輕遮翡翠幃龍池遙望麴塵絲御溝春水相暉

映狂殺長安年少兒

金谷園中鶯亂飛銅駝陌上好風吹城東桃李須臾  
盡爭似垂楊無限時

花萼樓前初種時美人樓上鬪畧支如今拋擲長街  
裏露葉如啼欲恨誰

場帝行宮汴水濱數株殘柳不勝春晚來風起花如  
雪飛入宮牆不見人

御陌青門拂地垂千條金縷萬條絲如今縮作同心  
結將贈行人知不知

城外春風吹酒旗行人揮袂日西時長安陌上無窮

樹唯有垂楊管別離

輕盈嫋娜占年華舞榭妝樓處處遮春盡絮飛留不  
得隨風好去落誰家

浪淘沙詞九首

九曲黃河萬里沙浪淘風簸自天涯如今直上銀河  
去同到牽牛織女家

洛水橋邊春日斜碧流輕淺見瓊砂無端陌上狂風  
急驚起鴛鴦出浪沙

汴水東流虎眼文清淮曉色鴨頭春君看渡口淘沙  
處渡卻人間多少人



鸚鵡舟頭浪颭以青樓春望日將斜銜泥燕子爭歸

舍獨自狂夫不憶家意

濯錦江邊兩岸花春風吹浪正淘沙壽女郎剪下鴛鴦

錦將向中流定晚霞

日照澄洲江霧開淘金女伴滿江隈美人首飾侯王

印盡是沙中浪底來

八月濤聲吼地來頭高數丈觸山回迴須臾卻入海門

去卷起沙堆似雪堆

莫道讒言如浪深莫言遷客似沙沈壽千淘萬灑雖辛苦

吹盡狂沙始到金

流水淘沙不暫停前波未減後波生令人忽憶瀟湘

渚回唱迎神三兩聲

瀟湘神二首

湘水流湘水流九疑雲物至今愁君問二妃何處所

零陵香草露中秋

斑竹枝斑竹枝淚痕點點寄相思楚客欲聽瑤瑟怨

瀟湘深夜月明時

拋毬樂詞二首

五綵繡團圓登君璫瑁筵最宜紅燭下偏稱落花前

上客如先起應須贈一船

春蚤見花枝朝朝恨發遲及看花落後卻憶未開時  
幸有拋毬樂一樗君莫辭

楊柳枝詞二首

迎得春光先到來淺黃輕綠映樓臺只緣袅娜多情  
思便被春風長請按

巫峽巫山楊柳多朝雲暮雨遠相和因想陽臺無限  
事為君回唱竹枝歌

竹枝詞二首

楊柳青青江水平聞郎江上唱歌聲東邊日出西邊  
雨道是無晴還有晴

楚水巴山江雨多巴人能唱本鄉歌今朝北客思歸  
去回入紇那披綠羅

紇那曲詞二首

楊柳鬱青青竹枝無限情周郎一回顧聽唱紇那聲  
踏曲與無窮調同詞不同願郎千萬壽長作主人翁  
右已上詞先不入集伏緣播在樂章今附于卷末

已上通一卷  
無此行



山集

卷二十七

劉賓客文集卷第二十七

七



國家圖書館, NATIONAL CENTRAL LIBRARY, TAIWAN, R.O.C.

接前空七行

高下平葉起

劉賓客文集卷第二十八

詩送別四十六首

○○○送工部張侍郎入蕃弔祭時張兼修史

月窟賓諸夏雲官降九天飾終隣好重錫命禮容全

水咽猶登隴沙鳴稍極邊路因乘驛近志至為飲冰堅

毳帳差池見鳥旗搖曳前歸來賜金石榮耀自編年

蚤秋送臺院楊侍御歸朝諸兄弟四人遍歷

仙署棣華春當時已絕倫今朝丹闕下更入白眉人

重振高陽族分居要路津一門科第足五府辟書頻

鷲鳥得秋氣法星懸火旻聖朝寰海靜所至不埋輪



脫充字

一送工部蕭郎中刑部李郎中並以本官兼中丞分命充京西北覆糧使

霜簡映金章相輝同舍郎天威巡虎落星使出駕行尊姐成全策京坻閱見糧歸來虜塵滅畫地奏明光

一送李尚書鎮滑州

自浙西觀察徵拜兵部時鄭月餘有此拜也

南徐報政入文昌東郡須才別建章視草名高同蜀客擁旄年少勝荀郎黃河一曲當城下緹騎千重照

路傍自古相門還出相如今人望在巖廊

其後果繼韋平之族

一送渾大夫赴豐州

自大鴻臚拜家承舊勳

鳳銜新詔降恩華又見旌旗出渾家故吏來辭辛屬

小注族舊故拜

懼舊故拜

小注直下

精兵願逐李輕車魏裘君長迎風懼錦領首豪踞雪衙其柰明年好春日無人喚看牡丹花

一送源中丞充新羅冊立使

侍中

相門才子稱華簪持節東行捧德音身帶霜威辭鳳

關口傳天語到雞林煙開鼇背千尋碧日浴鯨波萬

頃金想見扶桑受恩後一詩西拜盡傾心

一送陸侍御歸淮南使府五韻

用年

江左重詩篇陸生名久傳鳳城來已熟羊酪不嫌羶

歸路芙蓉府離堂瑤瑁遙秦山呈臘雪隋柳布新年

曾忝揚州薦因君達短棹

時段丞相鎮揚州嘗辱表薦

送太常蕭博士棄官歸養赴東都時元光罷相為

少師仲兄為郎官並分司洛邑

兄弟盡鴛鴦歸心切問安貪榮五采服遂挂兩梁冠

侍膳曾調鼎循陟更握蘭從今別君後長向德星看

送王司馬之陝州自太常丞授工部詩

暫輟清齋出太常空攜詩卷赴甘棠府公既有朝中

舊司馬應容酒後狂案牘來時唯署字風煙入興便

成章兩京大道多遊客每遇詞人戰一場

洛中送楊處厚入關便遊蜀謁韋令公

洛陽秋日正淒淒君去西秦更向西舊學三冬今轉

無謂韋令公  
四子

富曾傷六翮養初齊王城曉入窺丹鳳蜀路晴來見  
碧雞蚤識卧龍應有分不妨從此躡丹梯

洛中逢韓七中丞之吳興口號五首

昔年意氣結群英幾度朝迴一字行海北天南零落

盡兩人相見洛陽城

自從雲散各東西每日歡娛却慘悽離別苦多相見

少一生心事在書題

今朝無意訴離樽何況清絃急管催本欲醉中輕遠

別不知翻引酒悲來

駱駝橋上蘋風起鸚鵡橋中箬下春水碧山青知好

處開顏一笑向何人

溪中士女出芭籬溪上鴛鴦避畫旗何處人間似仙

境春山攜妓採茶時

送周使君罷渝州歸郢州別墅

君思郢上吟歸去故自渝南擲郡章野戍岸邊留畫舸綠蘿陰下到山莊池荷雨後衣香起庭草春深綬帶長只恐鳴騶催上道不容待得晚菘嘗

發華州留別侍御

東簡下延閣買符驅短轅同人惜分袂結念醉芳樽切切別絃思蕭蕭征騎煩臨歧無限意相視却忘言

畫員作大字

妙作世

張詩云夫子生知者相期妙理中適有忘言之句

奉送家兄歸王屋山隱居二首

陽洛山

陽洛天壇上依佛似玉京夜分先見日月淨遠聞笙

雲路將雞犬丹臺有姓名古來成道者兄弟亦同行

春來山事好歸去憶逍遙水淨苔莎色露香芝朮苗

登臺吸瑞景飛步翼神颯願薦墳篋曲相將學玉簫

送王師魯協律赴湖南使幕

即永穆公孫

翩翩馬上郎驅傳渡三湘橘樹沙洲暗松醪酒肆香

素風傳竹帛高價聘琳琅楚水多蘭若何人事蹇芳

說公之

別友人後得書因以詩贈

前時送君去揮手青門橋路轉不相見猶聞馬蕭蕭  
今得出關書行塵日已<sub>巴</sub>逢春還遲君至共結芳蘭茗

奉送浙西李僕射相公赴鎮奉送至臨泉書禮見徵  
杜詩時在汝州

建節東行是舊遊歡聲喜氣滿吳州郡人重得黃丞  
相童子爭迎郭細侯詔下初辭温室樹夢中先到景  
陽樓自憐不識平津閣遙望旌旗汝水頭

重送浙西李相公頃廉問江南已經七載

後歷滑臺劔南兩鎮遂入相今復領舊地

新加旌旄

江北萬人看玉節江南千騎引金鏡鳳從池上遊滄  
海鶴到遼東識舊巢城下清波含百谷窻中遠岫列  
三茅碧雞白馬徊翔久却憶朱方是樂郊

送華陰尉張若赴邕府使幕張即燕公之孫坐事除名

昔忝南宮郎往來東觀頻嘗披燕文傳聳若窺三辰  
翊聖崇國本保賢正朝倫高視緬今古清風夏無鄰  
蘭錡照通衢一家十朱輪鄴國嗣侯絕為鄉貴業貧  
夫子承大名少年振芳塵青袍仙掌下矯首陵煙旻  
公冶本非罪潘郎一為民風霜苦搖落堅白無緇磷



一旦逢良時天光燭幽淪重為長裾客佐彼觀風臣  
分野窮禹畫人煙過虞巡不言此行遠所樂相知新  
雨起巫山陽鳥鳴湘水濱離筵出蒼莽別曲多愁辛  
今朝一樽酒明日千里人彼此孤舟去悠悠天海春  
送湘陽熊判官孺登府罷歸鍾陵因寄呈  
江西裴中丞二十三兄

射策志未就從事府云除篋留馬卿賦袖有劉弘書  
忽見夏木深悵然憶吾廬復持州民刺歸謁專城居  
君家誠易知勝絕傾里閭人言壯郭生門有卿相輿  
鍾陵鵠千呈帶郭西江水朱檻照河宮旗亭綠雲裏

前年初缺守慎簡由宸扆臨軒弄郡章得人方付此  
是時左馮翊天下第一埋貴臣持牙璋優詔發青紙  
迎風汚吏免先令疲人喜何武勅腐儒陳蕃禮高士  
昔升君子堂腰下綬猶黃中丞時為萬年尉汾陰有寶氣赤  
董多奇鏗束簡下曲臺佩鞬來歷陽綺筵陪一笑蘭  
室襲餘芳風水忽異勢江湖遂相忘因君儻借問為  
話老滄浪中丞為博士製相國柳宜城謚議識者  
司徒以中丞材譽俱高欲令軍裝以重戎府故授以  
本州團練使滿坐觀腰鞬禮成驩甚相視而笑後房  
燕樂卜夜縱談于忝司徒之賓時獲未坐中穆公代  
尚書屯田負外郎出中踵其武者今給事中穆公代  
給事者右丞段公予不佞繼  
右丞之後故曰襲餘芳焉

無小注

送常秀才道冲赴制舉

驚禽一辭巢棲息無少安秋扇一離手流塵蔽霜紈  
故侶不可追涼風日已寒遠逢杜陵士別盡平生歡  
逐客無印綬楚江多芷蘭因君時暇遊長缺不復彈  
閱書南軒齋絙瑟清夜闌萬境身外寂一榻腹中寬  
伊昔玄宗朝冬卿冠鴛鸞肅穆升內殿從容領儒冠  
游夏無措詞揚秋垂不刊至今群玉府學者空縱觀  
世人希德門揭若攀峯巒之子向明訓錐如振琅玕  
一旦西上書班裳拂征鞍荆臺宿暮雨漢水浮春瀾  
君門起天中多士如星攢烟霞覆雙闕林舞羅千官

清瀟瀟銅壺仙厨下雕盤熒煌仰金榜錯落飛清翰

古來長策人所歎遭時難一鳴從此始相望青雲端

送李策秀才還湖南因寄幕中親故兼簡

衡州呂八郎中

深春風日淨爭長幽鳥鳴僕夫前致辭門有白面生  
攝衣相問訊解帶坐南榮端志見眉睫苦言發精誠  
因出懷中文調孤詞亦清悄如促柱絃掩抑多不平  
乃言本蜀士世降岷山靈前人秉懿文高視來上京  
曳綬司徒府所從信國楨析薪委空林善響難繼聲  
何處翳附郭幾人思郾城雲天望喬木風水悲流萍

前與計吏西始列貢士名森然就筆札從試春官卿  
 帝城歧路多萬足伺晨星茫茫風塵中工拙同有營  
 寒女勞夜織山苗榮寸莖侯門方擊鍾衣褐誰將迎  
 弱羽果摧頽壯心鬱怛怛諒無蟠木容聊復蓬累行  
 昨日訊靈龜繇言利艱貞當求捨拔中必在審祀明  
 誓將息薄遊焦思窮筆精蒔蘭在幽渚安得揚祀馨  
 日余摧落者散質負華纓一聆辛苦辛詞再動伊鬱情  
 身棄言不重愛才心尚驚恨無羊角風使爾化北溟  
 論罷情益親涉旬忘歸程日攜邑中客閑眺江上城  
 晝渴命金壘宵談轉瓊衡蕙風香塵尾月露濡桃笙

忽被戒羸駮薄言事南征火雲蔚千里旅思浩已盈  
 湘江含碧虛衡嶺浮翠晶豈伊山水異適與人事并  
 油幕似崑丘粲然疊瑤瓊庾樓見清月孔坐坐綠綠靈  
 復有衡山守本自雲龍庭至和在靈府發越伴咸英  
 一麾出營湯惠彼咄咄咄氓隼旗辭瀟水居者皆涕零  
 惟昔與伊人交歡在夙齡一從雲雨散滋我鄙悵悵萌  
 北渚不堪愁南音誰復聽離憂若去水浩漾無時停  
 嘗聞祝融峯上有神禹銘古石琅玕姿祕文螭虎形  
 聖功莫遠服神物擁休禎賢人在其下仿佛疑蓬瀛  
 君行歷郡齋大袂拂雙旌飾容遇朗鑒肝鬲可以呈

昔日馬相如臨卭坐盡傾勉君刷羽翰蚤取凌青冥

詩送張盥赴舉并引

古人以偕受學為同門友今人以偕升名為同年友其語熟見搢紳者皆道焉余於張盥為丈人由是道也曩吾見爾之始生以老成為祝今吾見爾之成人以未立為憂吾不幸嚮所謂同年友當其盛時聯袂齊鑣亘絕九衢若屏風然今來落落如曙星之相望借曰會合不煩異席可長太息哉然而尚書右丞衛大受兵部侍郎武庭碩二君者當時偉人咸萬夫之望足以訂十朋之多也第如京師無騷騷爾無忤忤

爾時秋也吾為若叩商之謳幸有感夫二君子

爾生始懸弧我作坐上賓引箸舉湯餅祝詞天麒麟

今成一丈夫坎軻愁風塵長裾來謁我自號廬山人

道舊與撫孤悄然傷我神依依見眉睫嘿嘿含悲辛

永懷同年友追想出谷晨三十二君子齊飛陵煙旻

曲江一會時後會已彫淪况今三十載閱世難重陳

盛時一已過來者日日新不如搖落樹重有明年春

火後見琮璜霜餘識松筠肅機乃獨秀武部亦絕倫

爾今持我詩西見二重臣成賢必念舊保貴在安貧

清時為清郎氣力侔陶鈞乞取半升水因之雲漢津

送裴處士應制舉詩并序

晉人裴昌禹讀書數千卷於周官小戴禮尤邃性是古敢言雖侯王不能早下故與世相參差凡抵有位以索合行天下幾反戶遍常歎諸侯莫可遊欲一見天子而未有路會今年詔書徵賢良昌禹大喜以為盡可以豁平生搏髀爵躍曰一觀雲龍庭足矣繇是裹三月糧而西祖咨余以七言為西遊之資藉耳裴生久在風塵裏氣勁言高少知己注書曾學鄭司農歷國多於孔夫子往年訪我到連州無窮絕境終日遊登山雨中試蠟屐入洞夏裏披貂裘白帝城邊

又相遇斂翼三年不飛去忽然結束如秋蓬自稱對策明光宮人言策中說何事掉頭不答看飛鴻彤庭翠松迎曉日鳳銜金榜雲間出中貴腰鞭立傾酒宰臣委佩觀搖筆古稱射策如彎弧一發偶中何時無由來草澤無忌諱努力滿挽當雲衢憶得童年識君處嘉禾驛後聯牆住垂釣重釣鬪得王餘魚躡芳共登蘇小墓此事今同夢想間相看一笑且開顏老大希逢舊鄰里為君扶病到方山

和州送錢侍御自宣州幕拜官便於華州

一觀省

五綵繡衣裳當年正相稱春風舊關路歸去真多興  
蘭陔行可採蓮府猶回瞻揚家紺憶迎侍御即王相公貴婿謝  
守瑤華贈宣州崔相公御街草泛濫臺柏烟含凝曾  
是平昔遊無國理歸乘

將赴汝州途出浚下留辭李相公

長安舊遊四十載鄂渚一別十四年後來富貴已零  
落歲寒松柏猶依然初逢貞元尚文主雲闕天池共  
翔舞相看却數六朝臣屈指如今無四五夷門天下  
之咽喉昔時往往生瘡疣照翻舊相來鎮壓四海吐  
納皆通流久別凡經幾多事何由說得平生意千思

萬慮盡如空一笑一言真可貴世間何事最殷勤白  
頭將相逢故人功成名遂會歸老請向東山為近隣

送令狐相公自僕射出鎮南梁

夏木正陰成戎裝出帝京沾襟辭闕淚回首別鄉情  
雲樹裊中路風烟漢上城前旌轉谷去後騎躡橋聲  
久領駕行重無嫌虎綬輕終當提一筆再入副蒼生

送趙中丞自司金外郎轉官參山南令狐

僕射幕府趙氏兄弟皆

綠樹滿裊斜西南蜀路賒驛門臨白社縣道過黃花  
相府開油幕門生逐絳紗行看布政後還從入京華

奉送裴司徒令公自東都留守再命太原

本對晉國公兩任相去十六年

星使出關東兵符賜上公山河歸舊國管籥換離宮  
行色旌旗動軍聲鼓角雄愛棠餘故吏騎竹見新童  
漢壘三秋靜胡沙萬里空其如天下望旦夕詠清風

一奉送李戶部侍郎自河南尹再除本官歸

一闕

昔年內署振雄詞今日東都結去思宮女猶傳洞簫

賦因人先詠棗永詩華星却復文昌位別鶴重歸太

一池想到金門待通籍一時驚喜見風儀

一送蘄州李郎中赴任

楚關蘄水路非賒東望雲山湖夕佳薤葉照人呈夏  
簞松花滿盃試新茶樓中飲興因明月江上詩情為  
晚霞北地交親長引領蚤將玄鬢到京華

一洛中春末送杜錄事赴蘄州

樽樽前花下長相見明日忽為千里人君過午橋回首  
望洛城猶自有殘春

一夜宴福建盧侍御宅因送之鎮

暫駐旌旗洛水堤綺筵紅燭醉蘭閨美人美酒長相  
逐莫怕猿聲發建溪

洛中送崔司業使君扶侍赴唐州

綠野<sup>芳</sup>方城路殘春柳絮飛風鳴驪驪馬日照老萊衣  
洛苑魚書至江村鴈戶歸相思望淮水雙鯉不應稀

送河南皇甫少尹赴絳州

祖帳臨周道前旌指晉城午橋群吏散亥字老人迎  
詩酒同行樂別離方見情從茲洛陽社吟詠欠書生

送前進士蔡京赴學究科時權相揚尚書掌選

耳聞戰鼓帶經鋤振發名聲自里閭已是世間能賦  
客更攻憲下絕編書朱門達者誰能識絳帳諸生盡  
不如幸遇天官舊丞相知君無翼上空虛

送唐舍人出鎮閩中

暫拜駕鷺出蓬瀛忽擁貔貅鎮粵城閩嶺夏雲迎皂  
蓋建溪秋樹映紅旌山川遠地由來好富貴當年別  
有情了却人間婚嫁事復歸朝右作公卿

送盧處士歸嵩山別業

世業嵩山隱雲深無四鄰藥鑪燒姹女酒甕貯賢人  
曉日華陰霧秋風函谷塵送君從此去鈴閣少談賓

送李友路秀才赴舉

誰憐相門子不語望秋山生長統綺內辛勤筆硯間  
榮親在名字好學棄官班佇俟明年桂高堂開笑顏



一送國子令狐博士赴興元覲省

相門才子高陽族學省清資五品官諫院過時榮棣  
萼謝庭歸去踏芝蘭山頭花帶烟嵐晚棧底江涵雪  
水寒伯仲到家人盡賀柳營蓮府遞相歡

一送李二十九兄負外赴邠寧使幕

家襲韋平身業文素風清白至今貧南宮通籍新郎  
吏西候從戎舊主人城外草黃秋有雪烽頭煙靜虜  
無塵鼎門為別霜天晚曠把離觴三五巡

一送分司陳郎中祗召直史館重修三聖實

錄

蟬鳴官樹引行車言自成周赴玉除遠取南朝貴公  
子重修東觀帝王書常時載筆窺金匱暇日登樓到  
石渠若問舊人劉子政如今頭白在商於

一送李中丞赴楚州

緹騎朱旗入楚城士林皆賀振家聲兒童但喜迎賢  
守故吏猶應記小名萬頃水田連郭秀四時煙月映  
淮清憶君初得崑山玉同向揚州攜手行

一送李庚先輩赴選

一家何啻十朱輪諸父雙飛秉大鈞曾脫素衣參幕  
客却為精舍讀書人離筵洛水侵栝色征路函關向

中山集 卷二十八  
晚塵今日山公舊賓主知君不負帝城春

送廖參謀東遊二首

九陌逢君又別離行雲別鶴本無期望高樓上忽相  
見看過花開花落時  
繁花落盡君辭去綠草垂楊引征路東道諸侯皆故  
人留連必是多情處

送從弟郎中赴浙西并引

從弟三復十餘年間凡三為浙右從事往年王主公入  
相薦歆登朝中復從公鎮南未幾而罷昨以尚書外  
郎奉使至洛旋承新命改轅而東三從公皆在舊地

徵諸故事夙無其倫故賦詩贈之亦志異也

銜命出尚書新恩換使車漢庭無右者梁苑重歸歟  
又食建業水曾依京口居劉前軍傳云本共經何限  
事實主兩如初

劉賓客文集卷第二十八



國家圖書館, NATIONAL CENTRAL LIBRARY, TAIWAN, R.O.C.

中山集

卷二十八

三

前室三行接  
上字葉

劉賓客文集卷第二十九

詩送僧二十四首

贈別君素上人并引

曩予習禮之中庸至不勉而中不思而得慊然知聖人之德學以至於無學然而斯言也猶示行者以室廬之奧耳求其徑術而布武未易得也詩晚讀佛書見大雄念物之普詩級寶山而梯之高詩揭慧火巧鎔惡見廣踈便門旁東邪徑其所證入如舟沿川未始念於前而日遠矣夫何勉而思之邪是余知突音窳奧於中庸啓鍵關於內典會而歸之猶初心也不知予者謂



予困而後援佛謂道有二焉夫悟不因人而在心而已其證也猶啻人之享太牢信知其味而不能形於言以聞于耳也口耳之間兼寸耳尚不可使聞它人之不吾知宜矣開士君素偶得予於所親新一麻棲草千里來訪素以道眼視予予以所視視之不由陛級攜手智地居數日告有得而行乃為詩以見志云

窮巷唯秋草高僧獨扣門相歡如舊識問法到無言水為風生浪珠非塵可昏去來皆是道此別不銷魂

一送深法師遊南岳上人本在資聖寺

師在白雲鄉名登善法堂十方傳句偈八部會壇場

飛錫無定所寶書留舊房唯應銜草鴈相送至衡陽

一廣宣上人寄在蜀與韋令公唱和詩卷因

一以令公手札答詩示之

碧雲佳句久傳芳曾向成都住草堂振錫常過長者宅披文猶帶令公香一時風景添詩思八部人天入道場若許相期同結社吾家本自有柴桑

一送僧仲剏東遊兼寄呈靈澈上人

釋子道成神氣閑住持曾上清涼山晴空禮拜見真像金毛五髻卿雲間西遊長安隸僧籍本是門前曲江碧松間白月照寶書竹下香泉灑瑤席前時學得

口山集 卷二十一  
經論成奔馳象馬開禪窟高筵談柄一麾拂講下聽  
徒如醉醒舊聞南方多長老次第來入荆門道荆州  
本自重彌天南胡塔廟猶依然宴坐東陽枯樹下經  
行居止故臺邊忽憶遺民社中客為我衡陽駐飛錫  
講罷同尋相鶴經閑來共蠟登山屐一旦揚眉望沃  
州自言王謝許同遊憑將雜擬三十首寄與江南湯  
慧休

送僧元嵩南遊 詩并引

予策名二十年百慮而無一得然後知世所謂道無  
非畏途唯出世間法可盡心耳繇是在席硯者多旁

行 反 四句之書備將迎者皆赤頰白足之侶深入

智地靜通還源客塵觀盡妙氣來宅內視胷中猶煎  
鍊然開士元嵩姓陶氏本丹陽居家世有人爵不藉  
其資於毗尼禪那極細牢之義於中後日習總持之  
門妙音奮迅願力昭荅雅聞予事佛而佞亟來相從  
或問師隳形之自對曰小失怙恃推棘心以求上乘  
積四十年有羸老將至而不懈始悲浚泉之有冽今  
痛防墓之未遷塗芻莫備薪火恐滅諸相皆離此心  
長懸雖萬性歸佛盡為釋種如何入海無復水名然  
其一切智者豈遺百行求無量義者寧容斷思今聞

南諸侯雅多大士思扣以苦調而希其末光無容至  
前有足悲者予聞是說已力不足而悲有餘因為詩  
以送之庶乎踐霜露者聆之有惻詩曰

寶書翻譯學初成振錫如飛白足輕彭澤因家凡幾  
世靈山預會是前生傳燈已寤無為理濡露猶懷罔  
極情從此多逢大居士何人不願解珠璣

一送如智法師遊辰州兼寄許評事

前日過蕭寺看師上講筵都人禮白足施者散金錢  
方便無非教經行不廢禪還知習居士發論待彌天  
贈長沙讚頭陀

外道邪山千萬重真言一發盡摧峯有時明月無人  
夜獨向昭潭制惡龍

一送慧則法師上都因呈廣宣上人并引師  
精淨名經

佛示滅後大弟子演聖言而成經傳心印曰法承法  
而能專曰宗由宗而分教曰友坐而攝化者勝義皆  
空之宗也行而宣教者摧破邪山之友也釋子慧則  
生於像季思濟劫濁乃學於一友開彼群迷以為盡  
妙理者莫如法門變凡夫者莫如佛土悟無染者莫  
如散花故業于淨名深達實相自京師涉漢沔歷鄢  
郢登熊湘聽徒百千耳感心化法無住道行而歸願

予有社內之因故言別之日愛緣瞥起時也秋盡詠  
江淹雜擬以送之前見宣上人為我多謝詩曰

昨日東林看講時都人象馬躡瑠璃雪山童子應前  
世金粟如來是本師一錫言歸九城路三衣曾拂萬  
年枝休公久別如相問楚客逢秋心更悲

詩

一秋日過鴻舉法師寺院便送歸江陵并引

梵言沙門猶華言去欲也能離欲則方寸地虛虛而  
萬景入入必有所泄乃形乎詞詞妙而深者必依于  
聲律故自近古而降釋子以詩聞于世者相踵焉因  
定而得境故憫然以清由慧而遣詞故粹然以麗信

禪林之蘊華而誠河之珠璣耳初鴻舉學詩於荆郢  
間私試竊詠發於餘習蓋榛楛之翠羽弋者未之眄  
焉今年至武陵二千石始竒之有起予之歎以方袍  
親絳紗者十有餘旬繇是名稍聞而執愈變閏八月  
余步出城東門謁仁祠而鴻舉在焉與之言移時因  
告以將去且曰貧道雅聞東諸侯之工為詩者莫若  
武陵今幸承其話言如得法印寶山之下宜有所持  
豈徒衣襪之中衆花而已余聞是說乃叩齒而吟成  
一章章八句郡守以坐嘯餘詠激清徵而應之師其  
行乎足以資一時中之學矣



看畫長廊遍尋僧一徑幽小池兼鶴淨古木帶蟬秋  
客至茶煙起禽歸講席收浮杯明日去相望水悠悠

一重送鴻舉赴江陵謁馬逢侍御

西北秋風彫蕙蘭洞庭波上碧雲寒茂陵才子江陵  
住乞取新詩合掌看

一送僧方及南謁柳負外詩并引

九江僧方及既出家依廬山一時中頗屬詩以攄思  
古詩人暨今號為能賦有輒求其詞吟呻之拳拳然  
多多益嗜影不出山者十年常登最高峯四望天海  
冲然有遠遊之志頻錫而言曰神馳而形閉者方內

之徒及吾無方問於何者繇是耳得必目探之意行

必身隨之雲遊鳥虛迹無迹而遠予為連州居無

何而方及至出襪中詩一篇以貺予其詞甚富留一

歲觀其行結矩如教益多之一旦以行日來告且曰

雅聞鳥味之下有賢諸侯願躋其門如蹈十地敢乞

詞以抵之予唯而賦頌其有重請之色起於顏間耳

昔事廬山遠精舍虎溪東朝陽照瀑水樓閣虹霓中

騁望羨游雲振衣若秋蓬舊房閉松月遠思吟江風

古寺歷頭陀奇峯攀祝融南登小桂嶺卻望歸塞鴻

衣祴貯文章自言學雕蟲捨揄念稜厲覆篋圖穹崇

遠郡多暇日有詩訪禪宮石門聳峭絕竹院含空濛  
 幽響滴巖溜晴芳飄野叢海雲懸颯母山果屬徂公  
 忽憶吳興郡白蘋清正葱龍願言挹風采彩邈若窺華嵩  
 桂水夏瀾急火山宵焰紅三衣濡茵露一錫飛煙空  
 物謂翻譯徒不為文雅雄古來賞音者樵爨得孤桐  
按徂公宜斥賦芋者而越絕書有徂公張衡賦南都  
 有徂父長肅之句古文士又云權父繇是而言謂徂  
 為父  
 舊矣

贈日本僧智藏

深浮楮萬里過滄溟遍禮名山適性靈深夜降龍潭水  
 黑新秋放鶴野田青身無彼我那懷土心會真如不

讀經為問中華學道者幾人雄猛得寧馨

贈眼醫婆羅門僧

三秋傷望遠終日泣途窮兩目今先暗年中似老翁  
 看朱漸成碧羞日不禁風師有金篦術如何為發蒙

海陽湖別浩初師并引

瀟湘間無土山無濁水民乘是氣往往清慧而文長妙  
 沙人浩初生既因地而清矣故去葷洗慮剔顛毛而  
 壞其衣居一都之殷易問與士會得執外教盡捐苛禮  
 自公侯守相必賜其清聞耳目灌注習浮字於性而里  
 中見賢適與浩初比者嬰冠帶豢妻子吏得以乘陵

之汨沒天慧不得自奮莫可望浩初之清光於侯門  
上坐第自吟羨而已浩初益自多其術尤勇於近達  
者而歸之往年之臨賀唁侍郎楊公留歲餘公遺以  
七言詩手筆于素前年省柳儀曹于龍城又為賦三  
篇皆章書今復來連山以前所得雙南金出於械亟  
請余賡之按師為詩頗清而奕棊至第三品二道皆  
足以取幸於士大夫宜薰餘習以深入也會吳郡以  
山水冠世海陽又以奇甲一州師慕道於泉石宜篤  
故攜之以嬉及言旋復引與共載於湖上奕於樹石  
間以植沃州之因緣且賦詩具道其事詩曰

近郭有殊境獨遊常鮮懼逢君駐緇錫觀白稗林巒  
湖滿景方霽野香春未闌愛泉移席近聞石輟棊看  
風止松猶韻花繁露晞乾橋形出樹曲巖影落池寒  
相東架險凡四橋山下出泉逗為池以別路千嶂  
澄可愛都不可遍舉故狀其境以船好事裏詩情莫雲端它年買山處似此具隳官

觀棊歌送僕師西遊

長沙男子東林師閑讀藝經工奕棊有時凝思如入  
定暗覆一局誰能知今年訪余來小桂方袍袖中貯  
新勢山城無事愁日長白晝懵懵眠匡牀因君臨局  
看關智不覺遲景沈西牆自從山人遇樵子直到開

滿景至好書  
作字  
香風上香湖  
二六

元王長史前身後身付餘習百變千化無窮已初疑  
磊落曙天星次見搏擊三秋兵鴈行布陳衆未曉虎  
穴得子人皆驚行盡三湘不逢敵終日饒人損機格  
自言臺閣有知音悠然遠起西遊心商山夏木陰寂  
寂好處裴回駐飛錫忽思爭道畫平沙獨笑無言心  
有適藹藹京城在九天貴遊豪士足華筵此時一行  
出人意賭取聲名不要錢

贈別約師并引

荆州人文約市井生而雲鶴性故因葦為浮圖生寤  
而證入與南抵六祖始生之墟得道教甚悉今年訪

余于連州且日貧道昔浮湘川會柳儀曹謫零陵宅  
于佛寺幸聯棟而居者有年繇是時人大士得落耳  
界夫聞為見因今日之來曩時之因耳時儀曹牧柳  
州與八句贈別詩曰

師逢吳興守相伴住禪扁春雨同栽樹秋燈對講經  
廬山曾結社桂水遠揚舲話舊還惆悵天南望柳星

送鴻舉師江南并引

始余謫朗州爾時是師振麻衣斐然而前持文篇以  
為僧贊唧唧而清如蟲吟秋自然之響無有假合有  
足佳者故為賦二章以聲之距今年遇于建平赤頰

之稱至西復俱  
既繼檢詩篇  
竟脫至下葉命  
筆止

此處校字係  
知次之誤其  
實皆在脫中

益蕃文思益深而內外學益富既訊已探祇中出前  
所與詩閱之紙勞墨瘁與我同來因思夫苒苒之光  
渾渾之輪時而言有初中後之分日而言有今昨明  
之稱身而言有幼壯艾之期乃至一警欬一彈指中  
際皆具何必求三生以異身邪然而視余之文昔與  
今有莛楹之別視余之書昔與今有鈞石之懸視余  
之仕昔與今乃唯阿之差耳豈有工拙之數存乎其  
間哉蓋可勉而進者與日月而至矣彼儻來外物雖  
日月無能至焉是歲師告余遊江西復為賦七言以  
為遊地爾

禪客學禪兼學文出山初似無心雲從風卷舒來處  
處繚繞巴山不得去山州古寺好閑居讀盡龍王宮  
裏書使君灘頭揀石硯白帝城邊尋野蔬忽然登高  
心瞥起又欲浮杯信流水烟波浩淼魚鳥情東去三  
千三百里荆門破斷無盤渦湘平漢闊清光多廬山  
霧開見瀑布江西月淨聞漁歌鍾陵八部多名守半  
是西方社中友與師相見便談空想得高齋師子吼  
送霄韻上人遊天台  
曲江僧向松江見又道天台看石橋鶴戀故巢雲戀  
岫比君猶自不逍遙

送義舟師卻還黔南并引

黔之鄉在秦楚為爭地近世人多過言其幽荒以談笑聞者又從而張皇之猶夫束蘊逐原燎或近乎語妖適有沙門義舟道黔江而來能畫地為山川及條其風俗纖悉可信且曰貧道以一錫遊它方衆矣至黔而不知其遠始遇前節使而聞今節使益賢而文故其佐多才士摩圍之下曳裾秉筆彬然與兔園同風蕃僧以外學嗜篇章時或攝衣為末至客其來也約主人乘秋風而還今乞詞以颺之如捧意珠行住坐卧知相好耳余曰唯命筆為七言以應之

江秋水浸雲霓獨泛慈航路不迷猿狖窺齋林葉動蛟龍聞呪浪花低如蓮半偈心常悟問菊新詩手自攜常說摩圍似靈鷲卻將山屐上丹梯

送景玄師東歸并引

廬山僧景玄袖詩一軸來謁往往有句輕而適如鶴雛襪縱未有六翻而步舒視遠戛然一唳乃非泥滓間物獻詩已斂衽而辭且曰其來也與故山秋為期夫丐者僧事也今無它請唯文是求故賦一篇以代

瓔珞耳

東林寺裏一沙彌心愛當時才子詩山下偶隨流水

出秋來卻赴白雲期灘頭躡履挑沙菜路上停舟讀

古碑想到舊房拋錫杖小松應有過檐枝

送元曉上人歸稽亭

重疊稽亭路山僧歸獨行遠峯斜日影本寺舊鐘聲

徒侶問新事烟雲含別情應誇乞食處踏遍鳳凰城

送惟良上人并引

以貌窺天者曰乾然徒單于然而高以數迎天者曰  
具用四十有九天果以有形而不能脫乎數立象以  
推筭既成而遺之古所謂神交造物者非空言耳軒  
皇受天命其佐皆聖人故得之惟唐繼天德如黃帝

有外臣一行亦聖之徒國刊曆考元書成化去今丹  
徒人惟良生而能知非自外求以乾坤之莢當十期  
之數凝神運指上感躔次視玄黃溟滓無倪有常絕  
機泯知獨以神會數起於復之初九音生乎黃鍾之  
宮積微本隱言與化合夫天人之數極而含變變而  
靡不通神趨鬼懾不足駭也惟良得一行之道故亦  
慕其為外臣謬謂余為世間聰明孺孺來訪初以說  
合至于不言言息而理冥復申之以嗟歎曰師其庶  
幾乎信神與之而不能測神之所以付信術通之而  
不能知術之所以淺哉余聞乎曾井蛙醯雞之不若

也長慶四年冬十一月甲子語至夜艾遂為詩以誌  
高齋灑寒水是夕山僧至玄牝無關鎖瓊書捨文字  
鐙明香滿室月午霜凝地語到不言時世間人盡睡  
送元簡上人適越

孤雲出岫本無依勝境名山即是歸久向吳門遊好  
寺還思越水洗塵機浙江濤驚師子吼稽嶺峯疑靈  
鷲飛更入天台石橋路垂珠璀璨拂三衣

送宗密上人歸南山草堂寺因詣河南尹

白侍郎

宿習脩來得慧根多聞第一卻忘言自從七祖傳心

印不要三乘入便門東泛滄江尋古跡西歸紫閣出  
塵喧河南白尹大檀越好把真經相對翻

劉賓客文集卷第二十九





中山集  
卷三十九

三

前定六行  
接上字葉

小注

劉賓客文集卷第三十

哀挽悲傷三十八首

德宗神武孝文皇帝挽歌二首

出震清多難乘時播大鈞操絃調六氣揮翰動三辰  
運偶升天日哀深率土人瑤池無轍跡誰見屬車塵  
鳳翼擁銘旌威遲異吉行漢儀陳祕器楚挽咽繁聲  
駐紵辭清廟疑笳背直城唯應留內傳知是向蓬瀛

敬宗睿武昭愍孝皇帝挽歌三首

寶曆方無限仙期忽有涯事親崇漢禮傳聖法殷家  
晚出芙蓉闕春歸棠棣華玉輪今日動不是畫雲車



任賢勞憂寐登位富春秋欲遂東人幸寧虞祀國憂  
長楊收羽騎太液泊龍舟唯有衣冠在年年愴月遊  
講學金華殿親耕鈎盾田侍臣容諫獵方士信求仙  
虹影俄侵日龍顏不上天空餘水銀海長照夜燈前

文宗元聖昭獻孝皇帝挽歌三首

繼體三才理承顏九族親禹功留海內殷曆付天倫  
調露曲長在秋風詞尚新本支方百代先讓棣華春  
月落宮車動風淒儀仗間路唯瞻鳳翼人尚想龍顏  
御宇方無事乘雲遂不還聖情悲望處况日下西山  
享國十五載升天千萬年龍鑣仙路遠騎吹禮容全

日下初陵外人悲舊劍前周南有遺老掩淚望秦川

故相國燕國公于司空挽歌二首

彤弓封舊國黑稍繼前功十年鎮南雍九命作司空  
池臺樂事盡簫鼓葬儀雄一代英豪氣曉散白揚風  
陰山貴公子來葬五陵西前馬悲無主猶帶朔風嘶  
漢水青山郭襄陽白銅蹄至今有遺愛日暮人悽悽

重至衡陽傷柳儀曹并序

元和乙未歲與故人柳子厚臨湘水為別柳浮舟適  
柳州余登陸赴連州後五年余從故道出桂嶺至前  
別處而君沒於南中因賦詩以投弔

憶昨與故人湘江岸頭別我馬映林嘶君颿轉山滅  
馬嘶循故道颿滅如流電千里江離春故人今不見  
一 謫居悼往二首

邑邑何邑邑長沙地卑濕樓上見春多花前恨風急  
猿愁腸斷叫鶴病翹趾立牛衣獨自眠誰哀仲卿泣  
鬱鬱何鬱鬱長安遠於日終日念鄉關燕來鴻復還  
潘岳歲寒思屈平顛顛顏殷勤望歸路無雨即登山  
一 哭呂衡州時余方謫居

一夜霜風彫玉芝蒼生望絕士林悲空懷濟世安人  
略不見男婚女嫁時遺草一函歸太史旅墳三尺近  
要離朔方徙歲行當滿欲為君刊第二碑  
一 遙傷跋右丞 江湖舊遊 南宮交代

江海多豪氣朝廷有直聲何言馬蹄下一旦是佳城  
一 傷桃源薛道士

壇邊松在鶴巢空白鹿閑行舊迹中手植紅桃千樹  
發滿山無主任春風

一 王思道碑堂下作

蒼蒼宰空樹起寒烟尚有威名海內傳四府舊聞多故  
吏幾人垂淚拜碑前

一 遙傷丘中丞并引

河南丘絳有詞藻與余同升進士科從事鄴下不幸  
遇害故為傷詞

鄴下殺才子蒼忙冤氣凝枯楊映漳水野火上西陵林  
馬鬣今無所龍門昔共登何人為弔客唯是有青蠅

一傷獨孤舍人并引

貞元中余以御史監祠事河南獨孤生始仕為奉禮  
郎有事宗廟郊時必與之俱繇是甚熟及余謫武陵  
九年間獨孤生仕至中書舍人視草禁中上方許以  
宰相元和十年春余祇召抵京師次都亭日舍人疾  
不起余聞因作傷詞以為弔

李元宗元南唐書

補丹

昔別一年少今悲喪國華遠來同社燕不見早梅花

一途次敷水驛伏觀華州舅氏昔日行縣題

詩處潛然有感

昔日股肱守朱輪茲地遊繁華日已謝章句此空留  
蔓草佳城閉故林棠樹秋今來重垂淚不忍過西州

一湖南觀察使故相國袁公挽歌三首

五驅龍虎節一入鳳凰池令尹自無喜羊公人不疑  
天歸京兆日葉下洞庭時湘水秋風至淒涼吹素旗  
丹旄發江臯人悲鴈亦號湘南罷亥市漢上改詞曹  
表墓雙碑立尊名一字褒常聞平楚獄為報里門高

按是互字

返葬三千里荆衡達帝畿逢人即故吏拜奠盡沾衣  
地得青鳥相賓驚白鶴飛五公碑尚在今日亦同歸

一代靖安佳人怨二首并引

靖安丞相武公居里名也元和十一年六月公將朝  
夜漏未盡三刺騎出里門遇盜薨于墻下初公為郎  
余為御史繇是有舊故今守于遠服賤不可以誅又  
不得為歌詩聲于楚挽故代作佳人怨以埤于樂府  
寶馬鳴珂踏晚塵魚文七首犯車茵適來行哭里門  
外昨夜華堂歌舞人  
秉燭朝天遂不回路人彈指望高臺墻東便是傷心

云日天別一行

地夜夜秋螢飛去來

一傷愚溪三首并引

故人柳子厚之謫永州得勝地結茅樹蔬為沼泚為  
臺榭目曰愚溪柳子沒三年有僧遊零陵告余曰愚  
溪無復曩時矣一聞僧言悲不能自勝遂以所聞為  
七言以寄恨

晚為字

溪水悠悠春自來草堂無主燕飛回隔簾惟見中庭

草一樹山榴衣舊開

草聖數行留壁壞木奴千樹屬鄰家唯見里門通德

榜殘陽寂寞出樵車

柳門竹巷依依在野草青苔日月多縱有鄰人解吹  
笛山陽舊侶更誰過

一碧澗寺見元九侍御和展上人詩有三生  
之句因以和

廊下題詩滿壁塵塔前松樹已鱗皴古來唯有王文  
度重見平生竺道人

傷秦妹行并引

河南房開士前為虞部郎中為余語曰我得善筆人  
于長安懷遠里其後開士為赤縣牧容州求國工而  
誨之藝工而天今年開士遺予新詩有悼佳人之目

願予知所自也惜其有良妓獲所從而不可父乃為

傷詞以貽開士

長安二月花滿城插花女兒弄銀箏南宮仙郎下朝  
晚曲頭驢馬聞新聲馬蹄遲遲心蕩漾高樓已遠猶  
頻望此時意重千金輕烏傳消息紺輪迎芳筵銀燭  
一相見淺笑低鬟初目成蜀絃錚指如玉皇帝弟  
子常家曲青牛文梓赤金簧玫瑰寶柱秋鴈行斂蛾  
收袂凝清光抽絃緩調怨且長八鸞鏘鏘渡銀漢九  
雛威鳳鳴朝陽曲終韻盡意不足餘思悄絕愁空堂  
從郎鎮南別城闕樓船理曲瀟湘月馮夷躑躑舞淥

波鮫人出聽停綃梭北池含煙瑤草短萬松亭下清

風滿北池萬松皆秦聲一曲此時聞嶺泉鳴咽南雲

斷來自長陵小市東舜華零落瘴江風侍兒掩泣收

銀甲鸚鵡不言愁玉籠博山爐中香自滅鏡奩塵暗

同心結從此東山非昔遊長嗟人與絃俱絕

夔州竇負外使君見示悼妓詩願余嘗識

之因命同作

前年曾見兩鬟時今日驚吟悼妓詩鳳管學成知有

籍龍媒欲換歎無期空廊月照常行地後院花開舊

折妓寂寞魚山青草裏何人更立智瓊祠

竇夔州見寄寒食日憶故姬小紅吹笙因

和之

鶯聲窈眇管參差清韻初調衆樂隨幽院妝成花下

弄高樓月好夜深吹忽驚莫槿飄零盡唯有朝雲夢

想期聞道今年寒食日東山舊路獨行遲

傷循州渾尚書

貴人淪落路人哀碧海連天丹旆回遙想長安此時

節朱門深巷百花開

哭龐京兆少年有俊氣嘗

俊骨英才氣襲然策名飛步冠群賢逢時已自致高

脫擢字



位得疾還因倚少年天上別歸京兆府人間空歎茂陵阡今朝總悵哭君處前日見鋪歌舞筵

再傷龐尹

京兆歸何處章臺空暮塵可憐鸞鏡下哭殺畫眉人

哭王僕射相公

名播時無  
鹽鐵暴貴

于侯一日病滕公千載歸門庭颯已變風物慘無輝  
群吏謁新府舊賓沾素衣歌堂忽暮哭賀雀盡驚飛

傷韋賓客

自工部尚  
書除賓客

韋公八十餘位至六尚書五福唯無富一生誰得如  
桂枝攀最久蘭省出仍初海內時流盡何人動素車

再經故元九相公宅池上作

故池春又至一到一傷情鴈鷺群猶下蛙蟻衣已生  
竹叢身後長臺勢雨來傾六尺孤安在人間未有名



劉賓客文集卷第三十

辛酉秋月從書坊觀汪氏開萬樓書有舊抄本

劉夢得文集四冊卷第廿後人以意補寫辨

其筆跡非原鈔之舊矣馮歸校于明刻中山集

上按其卷第為此刻二十一至三十然未可據此

正彼亦未可據彼正此各存面目可矣其餘為外

集一至十因有數本宋在明刻中山集所無故  
 未之校即此十卷畧存全者以備參攷然亥  
 豕甚多脫誤不少無足取也因是存舊本故  
 存其吳校早書

堯圃



國家圖書館, NATIONAL CENTRAL LIBRARY, TAIWAN, R.O.C.